



UNIVERSITÄTS-  
BIBLIOTHEK  
PADERBORN


**Legatio Marchionis Lavardini Romam, Ejusquè Cum  
Romano Pontifice Innocentio Undecimo Dissidium**

**Sfondrati, Celestino**

**[S.l.], 1688**


---

[urn:nbn:de:hbz:466:1-62944](https://nbn-resolving.org/urn:nbn:de:hbz:466:1-62944)




Th. 4807.


M. 1.  
6



72



III



72

LIBRARIUS

MARCIUS IAVARDINI

ROMA

1688

IN ROMANO FORNICE

LIBRARIUS

ROMA

LIBRARIUS

1688

DE LIBRE ORIGINI, PRO-

GRESSU ET ABUSU QUAR-

UM LIBRARIUM

LIBRARIUS

1688

LIBRARIUS

LIBRARIUS

LIBRARIUS

LIBRARIUS

LIBRARIUS

LIBRARIUS

LIBRARIUS

LEGATIO  
MARCHIONIS LAVARDINI  
ROMAM,  
*Ejusquè*  
CUM ROMANO PONTIFICE  
INNOCENTIO  
UNDECIMO  
DISSIDIUM.

*Ubi agitur*  
DE JURE, ORIGINE, PRO-  
GRESSU, ET ABUSU QUAR-  
TERIORUM FRANCHITIARUM  
SEU ASYLI, &c.

*Et*  
Refutantur Rationes à La-  
vardini Advocato productæ, in Li-  
bello Gallico, cujus initium:

*Si L' Auteur, &c. Anno 1688.*

*Collegii Socii Irv Paderb. 1690.*  
Anno recuperatæ Salutis


MDCLXXXVIII.  
*authore Celestino Sfondrati quon-  
dam professore Salisburgensi, nunc  
abbate S. Galli.*



## PRÆMONITIO.

Monemus, ne quisquam religioni ducat lectionem hujus libri, quamvis non præ se ferat nomen Auctoris, Typographi, Loci aut Ordinarij approbantis. Verè namquè in lucem prodit Superiorum permisso, & cum facultatibus requisitis. Oportuit tamen ea nomina taceri ob rationabilem causam.





## AD LECTOREM.

**N**ondum calamum posueram,  
 quando nova scribendi cau-  
 sa se offert ex militari Mar-  
 chionis Lavardini Oratoris Gallici  
 Romam ingressu, quo non urbem  
 tantum, sed Europam omnem no-  
 vo exemplo, inusitatoquè concussit.  
 Hactenus Principum Legatos, quippe  
 pacis administratos Mercurio similes  
 vidimus; hodie Martem induerunt,  
 armatosquè se ostentant, caduceo in  
 gladios mutato. Erit ergo, quem  
 cupido incessat causas, modumquè rei  
 perdiscendi, quæ omnium oculos per-  
 strinxit; & posteritas quoquè gra-  
 tiam habebit, tam nova & grande

fericulum minantia ingenuè nar-  
 ranti, nam hæc causa scribendi mihi  
 fuit; cùm enim præviderem pro par-  
 tium studijs calamo pugnatum iri,  
 ego, qui veritati unicè me addixi,  
 nec ab alio gratiam expecto, statui  
 arenam occupare, & candidâ, libe-  
 rag, affectibus narratione, trophæum  
 veritati figere. Video Galliam Ro-  
 mamquè collidi, maximum videlicet  
 Regum, cum maximo Pontificum;  
 istum innocentiam tutum, illum poten-  
 tiam, fortunaquè suâ nixum: utri vi-  
 ctoria cedit, incertum mortalibus, &  
 in arcana Divinitatis repositum; nec  
 enim semper aut potentior causa, aut  
 melior vicit. Ego, si ex votis decidi-  
 res possit, pacem utrinquè optave-  
 rim. Caterùm utcunquè id cadat,  
 narrandi, quàm augurandi peritior  
 rem totam à suis principijs evolvam

Vide

Video quidem jam aliorum calamis  
hoc argumentum libatum esse, ac præ-  
sertim nuper à scriptione, quâ Pontifi-  
cis Innocencij XI. Bulla contra Lavar-  
dini Apologiam defenditur, Italico  
sermone, idque tam facundè, solide-  
que, ut nihil habuerint Adversarij,  
quod responderent, contenti solum  
silentio ac pudore cladem fateri. Pro-  
diit quoque alia scriptio (a) Gallico  
sermone, quâ Talona Regij Advocati  
Declamatio, injurijs plena, egregiè  
refutatur. Ego ne quid supersit veri-  
tati noxium, Libellum Galli cujusdam  
anonymi convincere aggredior, quo  
Lavardini Apologiam sustentat, in-  
ani consilio, si clamores excipias, Tar-  
tarorum videlicet more, quibus

A 3

stre-

(a) Titulus libelli Gallici est: Refuta-  
tion d' un libelle Italien, &c. &c.  
Anno 1688.

*strepitus pro pugna est. Et tamen  
 quia multis abundat, quæ aut lenoci-  
 nio Gallici sermonis, aut specie verita-  
 tis incautos fallant, confutandum su-  
 scipi. Quod si aliquis opponat mihi,  
 nihil mea interesse, quid Romam in-  
 ter, Galliamquè agitetur, nec mea-  
 rum esse partium, hoc certamen diri-  
 mere? confestim respondebo, quod  
 olim, inq; simili causa ex silvis suis  
 respondit Hieronymus: (a) Canes  
 latrant pro Dominis; tu non vis  
 me latrare pro Christo? mori pos-  
 sum, tacere non possum. Sed  
 age rem ipsam aggredia-  
 mur.*



DE

(a) *S. Hieron. l. 3. contra Rufin.*



DE JURE, ORIGINE,  
Progressu & abusu Quarterio-  
rum Franchitiarum seu  
Asyli, &c.

SUMMARI A.

1. Legatos Jure Gentium inviolabiles esse, nec subjacere Juri Talionis; non tamen Jure Asyli gaudere.

2. Infiniti ex hac Immunitate abusus Asylorum & Immunitatum (quas Franchitias & Quartierios vocant) Historia Chronologicè, fuseque exponitur, ac validissimè concluditur, hanc Immunitatem à Principum Legatis injustè usurpari, nec unquam à Summis Pontificibus toleratam esse.

3. Innocentij XI. contra Franchitias Edicta, & quas ob causas?

4. Reges omnes Innocentij Diplomati acquiescunt solâ Galliâ reluctante. Ingressus Romam Marchionis Lavardini.

5. Lavardinus Excommunicationem incurrisse declaratur. Pontificis moderatio.

8 De Abusu Franchitiarum

6. Respondetur ad Libellum Anonymi:  
& primò ostenditur, nullam Lavardino ab  
Innocentio XI. Pontifice Maximo injuri-  
am factam.

7. Nihil contra Jura Legatorum actum  
esse, cum Pontifex Lavardinum pro Lega-  
to non habuit.

8. Romam esse communem Patriam, sed  
non ideò Lavardinum aliter à Pontifice ex-  
cipiendum fuisse.

9. Magna esse Gallorum in Ecclesiam  
Romanam merita, sed non minora Ecclesia  
Romane in Gallos.

10. Refelluntur, quae de ignorantia Di-  
plomatis Pontificij Gallus enarrat.

11. An Lavardinus sine debita forma  
Excommunicationi subjectus fuerit?

12. An verum sit, Reges praesertim Gal-  
liae, ejusque Ministros excommunicari non  
posse?

13. Cur non ipso Pontificatus sui initio  
Asyla, & Immunitates Legatorum Inno-  
centius deleverit?

14. An verum sit, Lavardinum verbis  
Bulle comprehensum non esse?

15. Nihil

contra Apologiam Lavardini. 5

15. Nihil obstare exemplum Sixti V.

16. An Innocentius ex voto Cardinalium Bullam ediderit?

17. An in causis temporalibus locus sit Excommunicationi? & quid de minis & periculis à Lavardino declamatis?

18. An excusari possint, quæ Romæ Lavardinus commisit?

19. An consultius sit Asyla Ecclesijs adimere, quàm Palatijs Legatorum?

20. An Pontifici Romano scandala adscribi possint à Lavardino narrata?

21. An Lavardinus excusari possit exemplis S. Ludovici, & Philippi Pulchri, quos sprevisse Censuras dicit?

22. Refelluntur, quæ de sacro in Gallijs fœdere Pontifici opponuntur.

23. An verum sit, durius cum Lavardino actum, quàm cum aliorum Principum Legatis læse Majestatis reis?

24. An Pontifex debuerit abstinere Censuris, quia istarum usus sæpè noxius?

25. An verum sit, Cardinalium vota, qui Bullæ subscripserunt, esse subreptitia?

26. An Pontifex Innocentius ex Consilij

pendeat Religiosorum ignorantium, & minorum, ut vocat, Prælatorum?

27. Refelluntur, quæ Lavardini Advocatus pro quatuor Propositionibus narrat.


28. An Bulla Pontificia Legatos non liget, quia Personam Regis representant?

29. An Præscriptio Lavardinum juvet?

30. An Pisana conventio?

31. An Pontifex Innocentius malè in Gallos animatus sit?

32. Quo animo Pontificem esse oporteat, si armis Galli experiantur?



## I.

**P**Rincipum etiam hostium Legatos immunes sanctosque esse, nec posse injuriis violari res certa est, ac omnium Gentium exemplis usuque recepta; nec aliud magis omnium populorum abominatione ac probro damnatum, quàm Legatos contumeliâ affectisse. Id verò tam notum est, ut rationibus & exemplis etiam Barbarorum super-

mi-  
vo-  
t.  
li-  
et?  
in  
at,  
os  
ffe  
ac  
e-  
u-  
a-  
fe-  
a-  
m  
r-  
superfedeam. (a) Sed nullibi magis ut Romæ florente Republicâ, Legatorum immunitas valuit, adeò ut etiam seditiosis, & clandestinis consilijs imperium turbantibus parcerent, contenti eos observare, aut finibus proscribere, aut hosti, à quo missi erant, ad pœnam remittere. Unde communior Politicorum sententia est, in Legatos, etiam periculosa molientes, animadverti non posse; alioquin si nulla Legatis impunitas, quàm innoxijs, quid plus illi haberent, quàm reliquum vulgus mortalium? nec unquam ratio & prætextus Principi deesset Legatum persequendi, præsertim quia Legatus Principem repræsentat; Unde quantacunque Legati sit culpa, Principis dignitati nocere non debet, quamdiu hic ratam non habet. Abundantque exempla maximè Romanorum, qui

A 6

nullâ

(a) Vide Grotium de Jure Pacis & Belli. 2. c. 18. & L. si quis ff. de Legation. Joseph. histor. antiq. lib. 15.

nullâ delicti specie, ut Legatum punirent, permoveri poterant, juris Gentium reverentiâ. Insigne hujus rei documentum apud Livium. (a) Tarbuinij Româ proscripti Legatos miserant, qui à Senatu regios thesauros repeterent; prævaluitque sententia, ut omnia redderentur; interim Legati nobilium animos pertentant, corrumpuntquè; & dies condicta, quâ Tarquinij in urbem reciperentur. Conjuratio ad Senatum delata; rei in vincula conjecti, securique percussi. *De Legatis*, inquit Livius, *parum addubitatum est, & quamquam visi sunt commisisse, ut hostium loco haberentur, jus tamen Gentium valuit.* Dion quòque in excerptis Legatorum: *Cum juvenes quidam Legati à Carthagine Romam venissent, ibique contumeliosè quædam fecissent; missi sunt Carthaginem, traditiquè Carthaginensibus, ab his verò nihil ijs nocitum.* Tertio bello Punico Consules cum exercitu in Affricam missi sunt jussique æmulam Imperij solo æquare. Romanos cum

(a) *Liv. l. 2.*

cum classe appullos, Legati Carthaginiensium in castris adeunt, auditoquè Senatùs mandato, plenam doloris, querelæ, indignationis, contumeliæque orationem effundunt, reverentiæ obliti, & insultantibus potiùs quàm rogantibus similes; quibus Consul Censorinus: *Excedite castris incolumes, nam adhuc Legati estis.*

Addit Grotius, ne quidem jure Talionis violari Legatos posse: jus enim Gentium non solum cavet dignitati Legatum mittentis, verùm etiam securitati ipsius Legati ( alioquin nemo velit officio fungi, si tutus non sit ) & ideò Jure Gentium, non solum cum Principe, verùm etiam cum ejus Legato tacitè contractum, pactumque videtur; sicque non quidem Principi fit injuria, si jure Talionis Legati malè habeantur, sed *ipsis* Legatis, quippe innocentibus, nec culpâ Principum obnoxijis. Non desunt quidem exempla Legati, malè accepti, habitique jure talionis, sed quod flagitium

exemplis vacuum? Planè si meliorum Principum, & Rerumpublicarum exempla confulas, Romanæ præsertim (apud quam summa cura publicæ, inviolatæquè fidei) videbis nihil in Legatos tali licuisse. Narrat Appianus *de Bello Punico*, Romanorum Legatos malè à Carthaginensibus habitos esse, cumquè urgeretur Scipio, ut eodem jure Punici Legati, qui in castris erant, haberentur; respondisse: *Nihil quod Romanorum institutis indignum sit, fieri patiar.* Iidem Pœni à Romanis ingenti clade acceptâ petendæ paci consilia agitant, sed nemo Romam ire ausus, quòd timerent, ne eodem modo eorum Legati acciperentur, quo ipsi Romanos accepissent, injectis Consuli Cornelio Asinæ catenis, solus Anno fiduciâ Romanæ virtutis profectus est; & cum sermonem de finiendo bello cum utroquè Consulibus sereret, eique Tribunus militum diceret, posse illi meritò evenire,

re,

re, quod Cornelio accidisset: (a) Consules Tribuno tacere jussu: *Isto metu, inquit, Anno fides Civitatis nostræ te liberat.* Planè Romana fides eò Imperium provexit, quò Politicorum nostræ ætatis artificia nunquam pervenire, DEO etiam in hostibus suis virtutem amante. Eadem Venetorum Reipublicæ magnanimitas. Selimus II. Marcum Antonium Barbarum Venetorum Legatum custodiæ tradiderat; postea alium Legatum Venetias misit Cypro repetendæ, aut si Senatus abnueret, denuntiando bello. Is cum paria formidaret, magnificè à Venetis responsum: *Non esse morem Reipublicæ, ut Jura Gentium in Legatis violari permetteret.*

Eadem immunitate gaudent comites & vasa Legatorum, unde in antiqua fecialium forma hæc habebantur: *Rex facis ne metu Regium nuntium Populi Romani Quiritum, vasa, comitesque meos?*

(a) *Valerius Maxim. lib. 6. c. 6.*

*meos?* Frustra enim esset immunitas Legatis data, si à Comitibus, rebusque eorum vis non abesset, sine quibus vita dignitasque Legatorum esse non potest.

Jus Asyli domibus Legatorum, pro omnibus, qui illuc confugiunt, planè juris Gentium non est, nec ullæ Leges de hac re ostendi possunt: imò juri gentium repugnat, delicta reosque impunè ferri, maximo publicæ quietis damno.

(a) Jura Gentium omnibus communia sunt, at tale non est hoc jus Asyli, nam nec Parisijs, nec in alijs quàm plurimis Aulis locum habet; idque etiam Grotius fatetur, & Wicquefort in Tractatu Gallico, quem de Jure Legatorum scripsit. Alioquin major Legatorum Palatijs, quàm ipsis Ecclesijs immunitas esset, in quibus non omnibus flagitijs Asylum patet. Aliæ quòque exceptiones sunt, quibus

(a) *Grotius de Jure Pacis & belli l. 2. c. 18. n. 8. M. de Wicquefort nell' Ambassadeur Sect. 18.*

quibus hæc Legatorum immunitas re-  
stringi debet, & quas poftea recenfebi-  
mus.

II. Cæterùm, ut fieri amat, hoc im-  
munitatis Privilegium infinitis abufibus  
corrumpi capit, Romæ præfertim, ubi  
tot Afylis apertis, quot Legatorum Pala-  
tijs, adjectisque infuper ingentibus urbis  
Regionibus, quæ Palatijs adjacent; tota  
ferè Roma in Afylum, aramquè impieta-  
tis tranfijt, nullum enim tam atrox faci-  
nus, cui non arx & fecuritas in aliquo  
Legatorum Palatio, aut fi non omnia  
scelera Palatium caperet, non in vastis  
areis, vicisque Palatio confinibus. Cre-  
deres revixiffe Romulum, qui beneficio  
Afyli vacuum urbem Latronibus popu-  
lavit. Romani Pontifices cùm non  
poffent domi fuæ, in ipfaque Regia, &  
Metropoli Christianæ Religionis exul-  
tantem & impunitam impietatem ferre  
ingenti fidelium scandalo, qui videbant  
plus Romæ flagitijs licere, quàm alibi  
gentium, idque ignaviam Principis  
dicerent, connati funt licentiam re-  
petitis

petitis edictis coërcere, finemquè abusi-  
bus ponere.

Id verò ut se habuerit, altiùs repe-  
tendum duxi, basin enim ac fundamen-  
tum totius rei complectitur. Obser-  
vandum igitur est, Jus Asyli antiquis-  
simum esse, & quamvis primò immuni-  
tas Asyli quibusdam tantùm Civitatibus,  
sacrisquè locis concessa fuerit, unde in  
antiquissima Judæorum Republica *Civi-  
tates Refugij*, & in Atheniensi *Aram mi-  
sericordie* (a) legimus; paulatim tamen,  
ut fieri amat, ipsa Immunitas adeò ex-  
tendi, proferriquè cæpit, ac in abusum  
verti, ut ad quamlibet Cæsarum statuam  
Asylum metarentur; nec perditis ho-  
minibus ac ultimum supplicium meritis,  
promptius remedium eludendæ Justitiæ,  
quàm si Cæsaris imaginem amplecteren-  
tur; hanc verò scelerati quique in sinu  
gestabant, ut præstò esset, quò post  
delictum confugerent. Quantum hæc  
licentia processerit, eleganter Tacitus de-

*ἐλέεθ βωμός. Pausan. in Attic. lib. 1.*

describit. (a) *Insidebat*, inquit, *deter-  
rimo cuiquè licentia impunè probra, &  
invidiam in bonos excitandi, arreptâ Cæ-  
saris imagine; libertiquè etiam ac servi  
Patrono vel Domino cum voces tum ma-  
nus intentarent, ultro metuebantur. Igi-  
tur Cælius Cestius Senator differuit: Prin-  
cipes quidem instar Deorum esse, sed nequè  
à Dijs nisi justas supplicum preces audiri.  
Abolitas Leges & funditus versas, ubi  
in foro, in Limine Curie ab Annia Ruffina,  
quam fraudis damnavisset, probra sibi  
& minæ intendantur, neque ipse au-  
deas jure experiri ob effigiem Impera-  
toris oppositam. Credas Tacitum ho-  
diernum Romanæ urbis statum de-  
scripsisse, si quod ille de Principis  
imagine, tu de Principis Legato di-  
cas. Ex hoc more ad statuas con-  
fugiendi ortum proverbium: *Statuam  
amplecti.* Philostratus de statua Ti-  
berij: (b) *Impietatis damnatus qui-  
dam**

(a) Tacitus in *Annal.* l. 3.

(b) Philostr. l. 1.

dam fuit, quòd servum suum verberasset, qui drachmam argenteam Tiberij imagine signatam habuisset. Sæpe à Senatu, ac Cæsaribus (a) Romæ laboratum est, ut hanc corruptelam delerent, extantque adhuc Principum Leges, hujus testes licentiæ, & edicta quòque pœnis armata. Nam primò causa illius, qui ad statuam confugerat, statim à Judicibus examinabatur, si noxium reperissent, duplici pœnâ castigabant, & quòd deliquisset, & quòd statuam profanasset scelerato amplexu, ac velut criminum protectricem. Id ex Tacito patet, aliisque locis ad marginem supra notatis. Deinde invalescente abusu, non tantùm Principum statuæ, verùm etiam ipsa Deorum templa criminosis sublata, adeòque Auctoribus Senatûs Consulto decretum fuerit, totâ Græciâ novem tantùm Delubris jus Asyli permittendum esse.

Quod

V. L. 1. C. de his, qui ad statuam Pr.  
conf. l. 8. ff. de var. & extraordi.  
crim. l. 28. ff. d. pœnit. & c.

Quod si tanta cura fuit Idolorum cultoribus hoc malo urbem liberandi, quanta Pontificibus esse debuit, quibus necessitas incumbit efficiendi, ut Roma non solum innocens sit, sed etiam sancta? Distinguaui per annos, quid in hac re singuli Pontificum effecerint, ut tanto clarius constet, quam recens sit abusus magis quam privilegium, quod Gallici Oratores tanto conatu, tantaque offensione Orbis Christiani sibi usurpare contendunt.

Anno ergo *MCCCLX.* electus est Urbanus V. quo tempore Cardinales jus Asyli usurpabant; at Urbanus penitus sustulit: id ei Petrarcha his verbis gratulatur: *Audiebam te licentiam pestilentem salubri falce rigoris aequissimi praecidisse, illam dico, quae scelestos homines gravissimis facinoribus perpetratis ad Cardinalium domos fugere solitos Legum modis, ac digno supplicio eximebat.* Ubi adverte, Urbani tempestate hunc abusum solis Cardinalium aedibus conclusum, Legatisque Principum ignotum fuisse; neque

nequè enim istos Petrarcha sileret, & ad solos Cardinales abusum restringeret, si soli non essent.

*Anno MDLII.* Julius III. publico edicto omnibus Baronibus, Comitibus, Domicellis, Principum Oratoribus, Episcopis, Archiepiscopis, Cardinalibus severè prohibet, ne jus Asylis aut Franchitiarum usurpare audeant, declaratquè læsæ Majestatis reos, qui Justitiæ ministris, ne illorum Palatia, plateasquè adjacentes ingredientes, resistere audeant, ac insuper abominandum ac detestabilem abusum vocat. Ubi advertite ex hoc Julij Diplomate constare Asylum & immunitatem localem, non fuisse eo tempore habitam, agnitamquè pro jure Regijs Legatis debito, sed pro injustissima potentiorum invasione: si enim jus aut privilegium esset Legatorum, non Comites, non Barones, non Episcopi, & Cardinales eouterentur, & tamen æquè isti ac Regij Legati illud sibi vendicabant. Et qui posset à Julio res *abominanda & detestabilis*

*bilis* vocari, si jus, aut privilegium esset? nec ullus aut Principum, aut Legatorum de injuria conquestus est, aut Diplomati adversatus; quod manifesto argumento est, non habuisse illos pro jure aut privilegio Legatis debito, alioquin si jura & privilegia sua violari crederent, nunquam id ferrent, aut saltem non filerent. Præsertim cum Julius ipso anno vulgati Diplomatis cum Henrico Galliaë Rege pacem inivisset; quis verò credat voluisse recentem pacem turbare, violatis Galliaë Legatis, eorumque privilegijs? Illud quoque pro Julij, aliorumque Pontificum Diplomatis diligenter notandum est, in præfati Julij III. Pij IV. Gregorij XIII. & Sixiti V. Bullis non reperi vocem *Quarteriorum*, sed tantum *Franchitiarum*: Illa enim magis exprimit novellum jus Asyli, quod à paucis annis Legati usurpârunt, quodque pro Legatorum arbitrio plures plateas, ædesque complectitur, ex quibus facile parvam aliquam Civitatem componas.

*Anno*

Anno *M D L X I*. octo videlicet annis post Julij Diploma, aliud à Pio I V. in eandem sententiam vulgatum est, quo omnibus Cardinalibus, Oratoribus ac Magnatibus Romana urbis prohibetur, ne *Asylum* aut receptaculum delinquentibus præbeant, nevé ades suas, aut alia quacunque loca Franchitias appellare audeant. Appellatque hunc Franchitiarum abusum rem pessimi atque perniciosi exempli, enormem & detestandam. Ubi iterum observa, fuisse hoc *Asylum* non à solis Principum Legatis tanquam jus aut privilegium proprium, sed passim à potentioribus, ut in rapto fieri solet, occupatum. In eodem Diplomate Pius testatur hanc ipsam immunitatem seu Franchitiam non ab ipsis Cardinalibus aut Oratoribus, utpote modestis & *Justitia* cultoribus, sed plerumque ipsorum familiarum culpa & facto processisse. Non ergo hoc jus fuit aut privilegium (id enim primò, præcipueque Dominis competeret) sed famulantium usurpatio & violentia. Neque hinc quoque ulla Legatorum querela aut indignatio

dignatio legitur, quasi injuriam pate-  
rentur. Idem Pius *Anno MDLXV.*  
graviter contra aliquorum Cardina-  
lium, Magnatumque licentiam in Con-  
sistorio invectus est, reos suis ædibus re-  
ceptantium: protestans, id nupero Di-  
plomati suo adversari, seque omissis le-  
gibus, edictisque jam tandem ad facta &  
pœnas processurum.

*Anno MDLXXIII.* hoc est duode-  
cim annis post Pij edictum, Gregorius  
XIII. Julij & Pij Edicta, pœnasque con-  
firmat, & Franchitias non à solis *Princi-  
pum Oratoribus*, sed primo loco à *Pri-  
matibus*, & Cardinalibus, ac deinde à  
*Principum Oratoribus* usurpatas esse te-  
statur, non ergo hoc Legatorum privi-  
legium fuit, sed Cardinalium & Præpo-  
tentium usurpatio, quos Legati imitati  
sunt æmulatione auctoritatis, atque, ut  
aut fieri solet, exemplo in alios aliosque  
grassante.

*Anno MDLXXXV.* Sixtus V. simili  
omnino Constitutione Franchitias seu  
jus Asylis persecutus est, declaravitque

B

prio-

priorum Pontificum Bullas, pœnasque  
 inflictas non tantùm comminatoria  
 fuisse; quique illas transgredere-  
 non solùm ficto, sed vero Majestati  
 delicto obstrictum iri. Post Sixti Di-  
 ploma usque ad Urbanum VIII. non  
 extant aliæ de hac re Pontificum Consti-  
 tutiones; nam cum lex justa esset,  
 Sixtus in ijs præsertim, quæ ad Justitiam  
 quietemque publicam pertinent, nemi-  
 ni parceret, nullo plebejorum aut Ma-  
 gnatum discrimine; credi omninò de-  
 bet Jus hoc Asyli penitùs profligatum  
 esse. Sanè Trajanus Boccalinus (a) in  
 suis ad Tacitum Commentarijs (vixit  
 Boccalinus sub Paulo V. quindecim cir-  
 citer annos post obitum Sixti) testatur  
 post tempora Gregorij XIII. quando non  
 Cardinales tantùm, Magnatesquè, se-  
 ferè nobilium quilibet jus Asyli sibi vendi-  
 cabat, hunc abusum ita sublatum esse,  
 Domui Dei plena securitas redderetur,  
 scelerati ubiquè ac nullâ locorum excepti-

(a) Boccalinus Commentarijs in Tacitum  
 lib. 3. fol. 219.

ne punirentur. Ubi observa, abufum hunc Afyli ex nullo jure Legatorum proveniffe; fed ex promifcua Magnatum ac nobilium licentia. Haud equidem ignora, etiam post Sixti Conftitutionem hujus mali fcintillas aliquas micuiffe reis in Magnatum Palatijs impunitatem quarentibus; fed non ideò securi erant, quippe Miniſtri Juſtitia omnes vias, areasque Legatorum Palatijs contiguas percurrebant, nullo obſistere & repugnare aufo; Idque ex publicis monumentis & tabularijs conſtat, in quibus quàm plurima hujus rei exempla occurrunt.

*Anno MDCXXVI.* Cùm iterum aliqua hujus abuſus reliquia glifcere inciperent, Urbanus VIII. Julij, aliorumque Pontificum conſtitutiones renovat, additâ etiam pro qualitate delicti poenâ mortis, in omnes quoque Juſtitia effugiendâ cauſâ in Baronum, Cardinalium, aut Legatorum ædes ſe reciperent, eorumque nomen invocarent. Repetitum fuit hoc edictum Urbani à Romanæ

urbis Governatore Racagna anno 1634. Pontifice id ipsum per Chirographum urgente.

*Anno MDCXLIII.* sub eodem Urbano ingenti dissidio inter Hispanicum Oratorem Marchionem (a) de los Velos, & Lamecensem (b) Episcopum Lusitaniæ Legatum exorto, totâ nocte Hispanici, Gallicique Oratoris (quem se Episcopus receperat) Palatia militaribus manipulis, excubiisque observata sunt. Imò Hispanico Oratore ad ædes Cardinalis Albernozj devectorum consultandi causâ, alia militum Centuria, custodiendo Palatio Cardinalis à Pontifice missa: nec tamen ulli Legatorum in mentem venit, quamvis Palatia sua militaribus custodijs obseptâ viderent, ut de violata Legatorum immunitate conqueri auderent.

*Anno MDCXLIX.* Innocentio X. Pontifice, cùm duo (c) sicarij per hor-

(a) *Marchese de los Velos.*

(b) *Monsig. Vescovo di Lamego.*

(c) *Balli de Valences.*

tos Quirinales totidem nobiles Neapolitanos interemiffent, peractoq; homicidio Oratoris Gallici Palatio fe abdidiffent; immiffi continuò cum militum Centuria fatellites, ingreffique Palatium ficarios ad fupplicium eduxere, Gallico Legato ne verbo quidem aufo repugnare. Denique non tantum ex quàm plurimis exemplis, actisque & Protocollis, ac Tabulariis publicis; fed etiam totius Romæ testimonio certum, notoriumque est, fub Urbani & Innocentij longis Pontificatibus liberum fuisse Iuftitiæ cursum, nulloque immunitatis aut Afyli prætextu impeditum; imò fub ipsius Alexandri VII. initiis, quid hæc Legatorum immunitas & Afylum, feu Franchitiæ effent, Romæ ignoratum est.

*Anno MDCLV.* Sueciæ Regina ingenti magnificentiâ Romæ excepta, ac omnibus regiis honoribus culta cum Palatium Farnesium, quo postea Galliæ Legati usi sunt, ad habitandum delegiffet; nunquam de hoc Afylo aut immunitate postulanda cogitavit, quamvis Regina

esset, nec etiam anno 1659. quando Romam reversa est. Licet postea anno 1668. tertio Romam delata, cum videret hanc immunitatem à Legatis prætendi, ipsa quoque eodem jure frui voluerit.

*Anno MDCLXIV.* Conventio Pisana inter Pontificem Maximum Alexandrum VII. & Regem Christianissimum Ludovicum XIV. inita est, litesq; utrinque compositæ, quæ ob violatam (a) Ducis Crequij Gallici Legati personam insolentiâ Corsicæ militiæ magna Italia mala minabantur, & quamvis ea conventio non admodum læta fuerit Apostolicæ Sedi, in ea tamen maximè, clarèquè eluxit, quantum Galliæ Legati ab ea immunitate, ac jure seu privilegio Asyli abfuerint, quod modò minaciter, impenseque postulatur. Cum enim Gallia Legatus injuriam à Corsis acceptam vehementer amplificaret, eamq; reparari enixissimè peteret, inter alios pacis articulos à Principe Matthia fratre magni Etruriæ Ducis Romam transmissos

etiam

(a) *Duca di Crequi.*

Ro- etiam fuit: Ut ad majorem Gallici Lega-  
568. tifecuritatem, non amplius Apparitoribus  
nand seu satellitibus, militibusque licentia per-  
ipfa mitteretur Farnesiam plateam ( in qua  
Legatiædes ) obeundi. Ad quem arti-  
o Pi- culum ( uti ex Tabularijs & documen-  
xan- tis Statûs secretariæ constat ) nomine  
num Pontificis responsum est: Non posse in  
trin- hanc conditionem nullâ ratione consentiri;  
( a ) curaturum tamen Pontificem tam Gallico  
nam Legato quàm ejus palatio, familiæque eam  
talia observantiam, cultumque exhiberi, quem  
con- in alijs Principum aulis mos fit Legatis præ-  
Apo- stari. In quem locum Auctor Historiæ  
lare- super hoc argumento Typis vulgatæ  
ab ea hunc Commentarium scripsit: Platea,  
Asyli areæque Farnesia immunitatem quod atti-  
im- net; non potuit illa à Pontifice cedi; quid  
callia enim id aliud esset, quàm Pontificem Do-  
n ve- minium ac Jurisdictionem abdicare, &  
arar illius Urbis partis & quàm plurimum loco-  
arti- rum, quæ ab alijs Legatis Romæ obtinen-  
ragn- tur, quasquæ exemplo Gallici Legati æquè  
os is exemptas, immunesquæ ac Pontifici ab-  
etian- str-

*fractas omnes Legati velint? (a) Hæc Responsio tam æqua visa est Gallia Legato, ut postulatis abisteret, contentus in colloquio de hac re habito cum Raspono Alexandri Plenipotentiariorum. Ut deinceps curaret Pontifex debitam venerationem Gallia Legatis exhiberi, idque ut fieret, eas cantelas adhiberet, quæ alijs Legatis ac præsertim Nuntijs Apostolicis adhiberi solent. Et in articulo 9. Pisana Compositionis inter Rasponum & Bourlemontium Pontificium, Regiumque Plenipotentiariorum nullâ Franchitiarum Asylivè mentione, ita demùm conventum est: (b) Serio enixeque Pontifex Maximus Ministris suis imperabit, ut Gallia Legatos eâ veneratione ac honore prosequantur, quæ illis debetur, qui tanti Regis, Ecclesiæq; Primogeniti, tamque à Summo Pontifice amati, cultique personam sustinent.*

Aliquot menses post Pisanam Conventionem  
 (a) Monsig. Rasponi Anno 1663. die 3. Junij. (b) Monsig. Rasponi M. Bourlemont Anno 1664.

ventionem Dux Crequius Romam repetiit, nihilquè ab eo tentatum (breui videlicet tempore, quo Romæ hæsit) ut videri posset immunitatem, Afylumquè prætere tam ardentè ab illo priùs expetitum, tamquè ab Alexandro conftanter negatum. Patet ergo ex his omnibus, quæ in Pisana Conuentione ac etiam post illam contigère, nunquam jus Afyli & Franchitiarum ad principum Legatos pertinuiſſe; nec enim Gallus inter alias conditiones Pontifici propofitas hoc jus peteret, ſi jam haberet. Ille quoque loquendi modus, quo Crequius uſus eſt, videlicet: *Ut deinceps ad maiorem Legatorum ſecuritatem non ampliùs permittantur Miniſtri iuſtitie Farnesiam plateam percurrere.* His, inquam, verbis apertè Gallus confitetur noui aliquid à ſe peti, & hæcenus Legatis inconceſſum. Ipſe quoque Pontifex Alexander, quamvis neceſſitate adactus duriffimis conditionibus annuiſſet, nec tamen induci potuerit, ut Afylo conſentiret, omninò palàm fecit, hoc jus ad Legatos

B 5 non

non pertinere; quî enim Gallis negaret debita & necessaria, qui pejorum metu tam multa concesserat indebita, nec necessaria? sed & Crequius Galliæ Legatus, quando nullam ampliùs Asyli mentionem fecit, acquievitque neganti Pontifici, ac dum Romam reversus est, nullam ampliùs hujus privilegij curam aut desiderium præ se tulit, planè ostendit, illud Legatis non deberi; alioquin si deberetur, nunquam ferret se illo privari, præsertim Rege jam armato, & Pontifice belli avertendi causâ in omnia pronò. Crequio Duci Legatione Gallicâ abeunti Dux (a) Chaulnes successit. Hic equidem aliqua molitus est, quibus hoc jus Asyli vindicare videbatur, sed Pontifice non solùm invito & repugnante, verùm etiam liberrimè omniq; loco ac etiam in vicinia Palatij Farnesij (ubi Chaulnes morabatur) Justitiam, ut postea dicitur, administrante.

*Anno MDCLXVII.* Clemens IX. Pontificatum adeptus est. Hic mitissimis

(a) *Duca di Chaulnes.*

mis licet moribus, ac in Galliam præsertim indulgentissimis; nunquam tamen passus est à Principum Legatis Asylum aut Franchitias occupari, idque Romæ notorium est: constatq; ex Tabulariis & Protocolis eo tempore scriptis, in Caupona ad Gallum Farnesio palatio vicina (quam Galliæ Legatus de Chaulnes incolebat) in delinquentes animadversum esse. Non ergo sub Clementis IX. Pontificatu hoc jure Asyli & immunitatum Legati gaudebant.

*Anno MDCLXX.* Clemens X. in Pontificem delectus est, & hoc præsertim tempore abusus Franchitiarum apud Legatos invaluit. Hi enim non contenti hanc immunitatem & Asylum sibi arrogare, eo quoque omnes domesticos, Familiares, Opificesquè potiri volebant, quotquot Legatorum insignia, quamvis ab istorum palatiis remotissimi ædibus suis præferrent. Deinde non tantùm cum Romam primùm inveherentur, sed toto tempore, quo illic morabantur; haud permissum Telonariis accedere,

suoque officio fungi, magno Domesticorum lucro, sed ingenti Camerae Apostolicae damno: & quamvis Pontifex, mansuetudinis Sacerdotalis memor, vi peccatisque abstineret, semper tamen & Romae, & in Principum aulis contra hos abusus declamatum est, adeo, ut nulli legitimae possessioni aut praescriptioni locus esse potuerit, quippe invito semper Domino, & juri, dominioque suo nunquam cedente; non ergo haec praescriptio dici potuit, sed usurpatio, quae nunquam legitimum titulum parit, alioquin & latrocinia defendi possent, & quidquid vi aut potentia a debilibus extorquetur. Crediderim ego, his Legatorum conatibus ansam dedisse simultates, quas cum Cardinali Alterio exercebant ob novum edictum, quo Legati vectigalibus subdebantur; resque eò processit, ut obducta catena tormentis pulvere, plumboque oneratis, auctisque militum excubiis Portae Quirinales observarentur.

Hac,

Hâc, inquam, occasione crediderim, Gallum, Hispanum, Venetum, Casareumq; Legatos ( qui in communi causa velut ex condicto, unitimq; agebant ) de usurpandis, proferendisquè Asyris cogitasse. En Æram, annumq; natalitium istius tam recentis abusus, & quem tamen Lavardinus tam vetustum de prædicat, ut saltem antiquitate venerabilem reddat. Quanquam ne illo quidem anno dici potest fuisse natus, cum, ut supra monui, nec possessio, nec præscriptio nascatur, quando & quoties Dominus reclamât.

In hoc rerum statu Anno videlicet *MDCLXXVI.* Pontificatum inijt Innocentius IX. Prima hujus Pontificis cura illa fuit, ut corruptelas Asyli profligaret, utque tanto malo suaviùs mederetur, minoriquè dolore, non cum Legatis, sed cum Principibus, qui illos miserant, res peragi cœpta. Istis, quàm ingentia, & quàm multa essent mala, quæ ex hujusmodi immunitatibus provenirent, efficaciter demonstratum, ac præsertim

Christianissimo Regi per Varesium (a) Pontificis Nuntium. Hic enim, ut ex epistolis liquet, quas Romam de hoc argumento dedit, sæpè multumquè cum Pompona, ipsoq; Rege locutus est, evicitquè validissimis rationibus, ut sæpè per Pomponam pollicitus Rex fuerit, se in hac causa non minùs Pontifici, quàm alios Reges gratificaturum, nec inter istos se ultimum fore. Idemq; postea Varesio Nuntio Rex ipse repetiit. Regius quoq; Confessarius Pater la Chaise Varesij rationibus se victum professus est, addiditquè, Patrem Olivam Societatis Generalem, cùm sibi de hoc argumento scripsisset, falsum esse: *Recordari se, hunc Immunitatis abusum à paucis annis cepisse.* Hæc Regij Confessarij tam ingenua contestatio tantò pluris esse debuit, quantum ab eo profecta, qui Principis conscientiam moderabatur, & cujus partes erant non monere tantùm, sed etiam vetare, quidquid animam Principis perdere posset. Quis jam non crederet,

(a) *Monsig. Varesi Sig. de Pompona.*

deret, securum esse Pontificem tot Regiis promissis? & tamen mutavit aula; rescriptitque Vareseus, proposuisse Regem Immunitatem tueri, & hanc inter jura reponere Galliaë debita, longisque retrò annis possessa. Creditur hanc mutationem Romæ ab Estreo Duce provenisse, cui non pauca emolumenta à delinquentium patrocínio.

Evenit intereà, Apparitorem, qui ex loco haud procul Româ redierat, in platea Farnesia ab Estreo Legato detineri. Id causam Pontifici dedit, regias aures iterùm pulsandi, edicendique Cardinali Rospiglioso, qui pro Estreo postulabat: *Se quidem metu pejorum connivere, nunquam tamen Legatos deinceps admissurum, nisi injustissimo hoc Immunitatum jure decederent.* Effecitque ut dixerat, Barbaro Venetâ legatione abundi Zenus successerat, & Apparitores Justitiæ ab ejusdem Legati familiaribus malè accepti fuerant, cum propè S. Marci palatium observati essent; continuò edictum pependit, quo percussores mortis

tis

tis damnabantur, & spes omnis Legato  
adempta visendi Pontificem, sicque Ro-  
mâ abscessit, deletumquè ejus loci Asy-  
lum, nec alius à Republica suffectus Legati  
dignitate.

*Anno MDCLXXVII.* Edictum Ro-  
mæ vulgatum, quo ijs vita & bona adem-  
pta, quippe læsæ Majestatis reis, qui ad  
hujusmodi Asyla perfugerent. Id postea  
edictum *Anno 1680.* repetitum est, sed  
multò quàm ante severius.

*Anno MDCLXXIX.* Cum Romæ  
innotuisset Legatum Parisiis venturum;  
per Abbatem Laurum (nam Legatus  
Varesius jam mortem obierat) Regiis  
Ministris Pomponæ videlicet Colberto-  
què ærarii Præfecto, ac postea ejus fratri  
Colberto Crosii Secretario Statûs nomi-  
ne Pontificis insinuatum est, nunquam  
ab hoc Legatum admissum iri, qui non  
priùs Asylo ac immunitatibus cederet in-  
justè occupatis; additæque à Lauro invi-  
ctæ rationes, sed nihil in aula promotum.

*Anno MDCLXXX.* Dux Radzivi-  
lius, quanquam Polonici Regni præci-  
puus,

puus, Regiusque Cognatus ac Legatus  
extraordinarius, & eo comitatu in vectus,  
quo principem decebat tot partibus in-  
signem, non tantum Asylo cessit, eoque  
nunquam ex Regis sui imperio uti voluit,  
verum etiam res & impedimenta visita-  
ri à publicanis permisit, nullo tamen aut  
suo aut Regis dedecore; quis enim dede-  
cus dicat, aliena non rapere, & sacrilegio  
abstinere?

*Anno MDCLXXXIII.* disceden-  
te Carpio (a) Marchione ad ineundam  
Neapolitani Regni Præfecturam, mox  
vicum plateamque Hispanicam & Palatij  
viciniam satellites percursarunt, nec ces-  
satum novo Hispaniæ Legato Marchio-  
ne Cocogliudo: nam non prius hunc  
Pontifex pro Legato agnovit, quam pro-  
fessus esset, se ex Regis sui imperio Asylo  
cessurum.

*Anno MDCLXXXVI.* Romam ad-  
venit Comes de Castelmaine extraordi-  
narius Angliæ Regis Legatus, nec alia  
optatior

(a) *Marchese del Carpio.*

optatior Legatio, aut majori gaudio Pontificis animum impletura; nam à centum retrò annis nullus ex Britannia Legatus, quippe & rebelli, & persecutrice Pontificis. Jam Rex ipse Romanis genibus adolvebatur, quid posset gratius evenire Pontifici? & tamen maluit hoc etiam gaudio fraudari, quàm aliquid committere indignum Pontificis Majestate ac Justitiæ adversum. Indictum ergo Angliæ Legato, nisi Asylo renuntiaret, recipi à Romano Pontifice non posse. Renuntiavit Legatus, ac etiam res suas observari à publicanis permisit, nullo Regis dedecore, quippe spontè & justa cedentis, cùm nihil aliud à pontifice peteretur, quàm ut Regij Legati Romæ eodem jure, quo in aliis principum aulis haberentur. Planè hac in causa non potuit major esse aut Religio Anglici Regis, aut constantia & rectitudo Romani pontificis. Quid enim Anglus petere non poterat in præmium reductæ Religionis jam centum & ultrà annos Angliâ proscriptæ? aut quid majus vereri

retri Pontifex, quàm eum offendi, è cujus manu, arbitrioq; Religio pendebat? & tamen neque istum tam grandis metus, neque illum tam grande meritum ad dexteram, sinistramve permovit. Omnino fateri oportet fuisse hanc actionem magno Rege, Maximoq; pontifice dignam, & parem heroicis illis, antiquisq; facinoribus, quæ tantoperè in historiis decantantur. Non credidit Innocentius lucrum tam grandis Regni totq; animarum DEO probatum iri, si turpi coniventiâ, ac modis pontifice indignis pararentur: quomodo enim turpia & indigna placere possint tam magno, tam generoso & indolis infinitè nobilis, honestæque? num ergo Omnipotentia Deum defecit, ut Regna animasq; lucrari non possit, veramq; Religionem Anglis persuadere, nisi adulatione & artificijs non Deo tantùm, sed quovis honesto senatore indignis? *Agat Pontifex, quæ non decent, ut Deus Angliâ potiatur.* Miserum Deum! si opus habet tam sordidis consiliis, suaq; Majestate indignis! imò  
pereat

pereat potiùs Anglia, quàm ut pontifex se ad indecora & inhonesta demittat. Quid faciunt in Coelis tot Legiones Angelorum, si Religio florere non potest nisi humanis flagitiis? Eadem Jobo, quæ Innocentio mens fuit, quando dicebat:

(a) *Nunquid indiget Deus mendacio vestro, ut pro illo loquamini dolos?* Et Apostolo:

(b) *Non sunt facienda mala, ut eveniant bona.* Et quid sanctos & Apostolos loquor?

Ipsi quoq; Ethnici hanc veritatem professi sunt. Simultas Atheniensibus cum Spartanis erat alioquin

foederatis. Athenis in senatu de bello agitatum. Themistocles senatorem petiit,

cui modum in abdito patefaceret hostes profligandi: datus Aristides, cui

arcanam fraudem exposuit, quâ Spartana classis incendi posset. Rediit Aristides

senatu suspenso, ac magnum aliquid præstolante; tunc ille:

*Perutile est Republica Themistoclis consilium, sed minimè honestum.* Exclamavit senatus:

*Quod honestum non est, non potest esse utile.* Ita

Cicero

(a) *Job. 13.* (b) *Ad Rom. 3.*

Cicero & Plutarchus narrant. Scio ætatis nostræ politicis hæc axiomata haud probari, quibus videlicet tota fiducia in blandiendi, fallendiq; artibus, nullâ curâ honesti : at ego non Politicis scribo, sed veritati, & huic tandem omnia cedent.

*Anno MDCLXXXVI.* Dux Estreus Galliæ Legatus repentinâ ferè morte sublatus est, voluitquè Pontifex exequias paratissimè celebrari, eademquè Pompâ, quâ Decanus Cardinalis efferri solet; nec ante cadaver conditum permissum Justitiæ Ministris, ut plateam, viciniamquè Farnesiam obirent. Tantò plaris hæc humanitas Pontificis fuit; quòd cadaver Apostolici Nuntii, quamvis Archiepiscopi, diù Parisiis insepultum jacuit, tanquam Parochialibus juribus subderetur. Mortuo ergo elatoquè Estreo, jussum Apparitoribus, ut plateam Farnesiam percurrerent, datæque ad Ranuccium Cardinalem Pontificis Legatum literæ, quibus jubebatur Regi factum, rationesquè Pontificis exponere; fecitquè Renuc-

nuc-

nucius eâ facundiâ, momentisque argu-  
 mentorum, quæ æquitas causæ mereba-  
 tur, sed Rege immoto, & Legato, qui  
 immunitatem tueretur, proficisci jussit.  
 Estreus quoque Cardinalis, qui eandem  
 immunitatem tanquàm Galliæ compro-  
 tector ambiebat, Româ excessit, delegit-  
 què villam prope Portam S. Pancratii.  
 Hæc omnia pontificem impulerè, ut Bul-  
 lam tandem vulgaret in ipso pontificatu  
 sui limine destinatam, retentamquè, at-  
 ab omnibus Cardinalibus, qui Roma  
 morabantur, subscriptam, Estreo & Mai-  
 dalchino exceptis, qui causas cur sub-  
 scribere haud possent, se pontifice coram  
 allaturos sponderè. Missa ad omnes  
 Legatos exemplaria, jussique principibus  
 insinuare. Repetebantur in hoc diploma-  
 te superiorum pontificum poenæ, additâ  
 Excommunicatione majori ipso facto  
 incurrendâ, solique Pontifici reservatâ in  
 eos omnes, qui jure Asyli, aut potiri, aut  
 uti vellent; cùm enim nemo ampliùs su-  
 peresset ex Magnatibus Pontifici subje-  
 ctis, qui sibi hoc vendicaret, credidi-

Pontifex, non aliis armis, quàm spiritua-  
libus utendum, quibus nemo Christia-  
norum exemptus est.

Rege intereà Lucemburgo Parisios re-  
verso, non omisit Ranuccius apud Re-  
gem, Regiosquè Ministros insistere, ne  
Legatum ad pontificem mitterent, nisi ju-  
re Asyli abdicato, alioquin nunquam  
Romæ pro Legato habitum iri. Idem  
Lavardino sæpius repetitum, ac tum  
præcipuè, cum profecturus Nuntium A-  
postolicum inviseret. Quamvis enim hic  
millies testaretur, se ad Pontificem gra-  
tissima asserere, ac plena reverentiæ, sem-  
per tamen responsum est, nihil isthac  
profectura, nisi Asylo absisteret.

Sub initium ergo Septembris Lavar-  
dinus lentis itineribus Italiam versùs  
profectus est terrestri itinere; & mari fa-  
milia, cui ingens Officialium, militum-  
què ex Gallica Classe numerus accessit.  
Pontifex intellecto Lavardini in Italiam  
adventu, denuntiari iterùm jussit Estreo  
Cardinali, se nunquam Lavardinum pro  
Legato habiturum, si jure Asyli potiri  
vellet.

vellet. Sed & omnes Cardinales, prælatique, quotquot Romæ agebant, jussu Pontificis moniti sunt, recordarentur Pontificij Diplomatis, quod ipsi subscripserat, quoque omni societate cum Lavardino arcebantur: quippe qui contra omnium Principum, Gentiumq; jura toties recusatus, vi tamen, & in contemptum Principis Legatum ageret, seque in censuras & anathemata sponte indueret, simulq; juxta Galliæ Conventiones & Concordata iisdem Censuris omnes, qui cum eo agebant, involverit.

Sufficeret historica hæc enarratio, suisque annis distincta ad evertendum, quidquid pro hac immunitate tuenda Lavardinus, alijq; scripserunt. Id verò ut palam fiat, juvat aliqua observare.

Et primò quidem has Immunitates non posse ex jure Legatorum, aut ex Principum, à quibus mittuntur, reverentia proficisci. Vidimus enim eas non à Legatis tantum, sed ab omnibus fere Baronibus, Magnatibus, Cardinalibus,

imò,

imò, ut Boccalinus loquitur, à quovis ferè nobili occupatas esse. Qui ergo dici potest Legatis proprium, quod tam multis commune fuit? Nec potiori titulo Legati quàm alij; omnes enim uno eadamquè modo usurpabant: nec Pontifices omisissent juris, aut privilegij reminisci, si aliquod Legati haberent.

*Secundò.* Quoties Pontifices in has immunitates edictis pugnabant, nullum unquam (excepto Lavardino) legas repugnâsse, aut jus aliquod prætexuisse; quod manifesto argumento est, nunquàm fuisse à Legatis pro legitimis habitas: quis enim credat ex tot Principum Legatis, suorumquè jurium, etiam quæ non habent, tenacissimis, ausum neminem esse, non dicam obniti, sed ne conqueri quidem, si illis fiderent? Tacuerunt, quia nulla suppetebat ratio loquendi.

*Tertiò.* A Julio III. usque ad viventem Pontificem, quoties scintilla aliqua micabat istarum immunitatum, toties edictis pænisquè obstitisse Pontifices; quod solum sufficeret ad rumpendæ Præ-

C

scri-

scriptioni; si enim mille annorum spatio nemo me invito & Judicem appellante domum meam præscribere poterit quâ poterit tantam urbis partem quàm amplam Jurisdictionem?

*Quartò.* Imò non tantùm edictis pontifices contra hujusmodi immunitates pugnârunt, quod, ut dixi, sufficeret, ne præscribi possent, verùm et ipsâ abolitâ, sublataque; idque ex silentio Legatorum constat, quod edictis acquievêre: tum ex publicis documentis & protocollis, in quibus quàm plurimos actus reperire est, administratâ per Apparitores Justitiæ, idem in ijs ipsis locis, quæ modò exempta stantur, Legatis nihil ausis repugnatum ex petrarchæ, Boccacini, patris Societatis Jesu Generalis: imò totius ferè urbis testimonijs, quæ hodie què recordatur, usque ad Clementis pontificatum liberam fuisse Romam turpi, noxiaquè servitute, quam Clemens (sive ob fessam annis ætatem sive ob similtates inter Cardinalem

poter

potem, Legatosquè alijs ex causis or-  
tas) edictis, pœnisquè abstinuerit;  
certum tamen est, gravissimè apud prin-  
cipes conquestum esse, quod solum suf-  
ficeret præscriptioni truncandæ. Sed  
nihil æquè hanc veritatem ostendit, ut  
Pisana Conventio, in qua, licet Cre-  
quius Galliæ Legatus hanc immunita-  
tem enixissimè peteret, eamquè novam,  
& insolitam esse fateretur; licet Pon-  
tifex Alexander temporum acerbitate  
durissimas condiciones acciperet; nun-  
quàm tamen immunitas impetrari po-  
tuit: cessitque Legatus, cùm pontifi-  
cem obfirmatum videret: nec Romam  
postea reversus de hac immunitate ac  
Jure Asyli quidquam cogitavit, liberis  
Justitiæ Ministris, omnesquè urbis Re-  
giones & plateas oberrantibus; non  
ergo tunc temporis hoc jure Legati gau-  
debant.

*Quintò.* Denique ex ijs, quæ hacten-  
us narrata sunt, palàm est, Innocen-  
tium XI. Pontificem Maximum in abo-  
lendis Legatorum Asylis summo qui-  
dem

dem jure processisse, sed summâ quoque in  
 moderatione, ac planè pacatissimâ, in  
 Patris potiùs, quàm Principis mo  
 Primò nihil cursim & impetu factum, cir  
 omnia diù, lenteq; maturata, ac pr  
 undecim annorum spatio discussa, qua  
 Bulla ederetur. Deinde nihil con  
 Legatos à Pontifice decretum, imò om  
 honore observati, preces tantùm na  
 querelæ in aulis Principum ac Pari  
 porrectæ, idquè toties, tamquè effi  
 citer, ut faterentur Ministri, justa  
 stulari, & Rex ipse omnia promitter  
 Utquè suaviùs minorique pudore  
 lia invitaretur, præmissa aliorum  
 cipum exempla, Poloniæ videlicet  
 Angliæ, Hispaniæquè, Alyslo ced  
 tium: nihil quoq; Romæ immutatu  
 dum Legati viverent, sed expectatu  
 dum vitâ aut saltem Legatione  
 rent; ipsi quoq; Estreo, quamvis  
 functo tanta reverentia est habita  
 ante exequias nihil in Palatium,  
 niamq; Farnesiam Apparitoribus  
 eret. Ipse Lavardinus, quamvis  
 in

quoque inusitatoquè exemplo Romam militariter  
invectus, ac Pugnatori potiùs, quàm  
Legato similis, ædesq; Farnesias, ac vi-  
cinam regionem armatis, excubiis, cir-  
citoribus, pulvere plumbo, granatisq;  
ac omni apparatu militari impleffet,  
perinde ac si castrum non Palatium oc-  
cupasset, in eaque urbis parte Domi-  
natum ambiret Pontifice excluso; hæc  
omnia, quæ non dico nullus Princi-  
pum, sed nec ullus Civium domi suæ  
pateretur, Pontifex tamen placidissi-  
mè tulit, non arma, non Principum  
vicinorum foedera, non pœnas oppo-  
suit, innocentiam tantum suam & justitiam  
idelicet nixus. Quæro, an à Pontificis, alio-  
rumquè Principum Legatis Galliarum Rex  
hæc fieri Parisiis pateretur? passus est  
tamen Innocentius. Quid potuit am-  
plius? Nam Censuras quod attinet,  
non illas Pontifex in Lavardinum  
vibravit, sed Lavardinus se ultrò in-  
illas induit. Quæ culpa Venatoris,  
si jaculum in feras destinatum tu-  
spontè incurras? nec enim Innocentio

animus fuit, cùm sub pœna Excommunicationis Asylum prohibuit, ut Lavariscandinus eam incideret, sed ut vitaret; non ergò noluit vitare, sed potiùs incidere, de non Innocentius accusari, sed Lavariscandinus debet; nam ut benè observavit Augustin<sup>9</sup>: *Non vult ferire, qui dicit car*

Hactenus ordine Historico exposuimus originem, progressumquè Asylum, quæ à Gallico Legato tantâ contentione expetuntur; superest, ut ostendamus, quas ob causas Innocentius XI. abolita ea voluerit; multæ enim gravissimæquè pontificis animum urgebant, ac tantæ rei pares.

III. *Primò* infiniti abusus, qui huiusmodi immunitati miscebantur. Nulla ferè urbs populo sacro, profanoquè ac profertim externo frequentior: par populo delinquendi licentia multitudine exemplis protecta, sed præsertim facilitate impunitatis, sparsis totâ urbibus Asylis; nullum enim crimen, cui non continuò Palatium aliquod, imò vicinipateret; hîc secura flagitia, imò Prin-

immu-  
cipi insultantia; quanto hoc fidelium  
avar-scandalo in ipso Religionis domicilio,  
et; non impunitam tantum impietatem vi-  
idere dentium, sed etiam florentem, mina-  
lavare-  
cemque? quanto pontificis dedecore,  
rvavi-  
qui videre, patique cogeretur, quæ nol-  
it caro-  
let? Nec verò corrigi abusus, delerique  
posu-  
aliter poterat, quam sublatâ causâ, hoc  
Asylo est, jure Asyli. Quamvis enim Legati  
â con-  
omnia pollicerentur, nunquam tamen  
osten-  
favor, clientelæ, preces, largitiones,  
centia-  
aliiquæ prætextus aberant reos protegen-  
enim-  
di, docuitque experientia, fisti flagitia  
urges-  
non posse retentis Asylis, & Legatorum  
promissa semper effectu caruisse.

ui hui-  
la fer-  
ac præ-  
popu-  
dine a-  
m faci-  
â urb-  
cui no-  
ò vic-  
ò Prin-  
cip-

*Secundò.* Non minima pars urbis su-  
premo Pontificis imperio subducebatur,  
dominio inter tot Legatos, velut inter  
tot Principes, diviso: quanta hæc servi-  
tus, quantumque periculum, ne dein-  
ceps pejora sequantur?

*Tertiò.* Nullibi terrarum hæc licen-  
tia permessa, cur ergo Pontifex patere-  
tur, quod nulli principum? aut cur  
Romæliceret, quod Parisijs, quod Lon-  
dini,

dini, quod Viennæ, quod nusquam  
licuit?

*Quartū.* Accedebat spes maxima  
rem tanti momenti feliciter explendi  
modò Pontifex vadum experiri aude-  
ret, nec primo torrenti cederet. Quip-  
pe optima causa & iustissima agebatur  
ac omnibus probata. Constabat Pon-  
tificem non impetu, non indignatione  
aliisque privatis rationibus ferri, nul-  
loquè suo, aut suorum commodo, sed  
solâ necessitate urbem purgandi tam in-  
dignâ, noxiaquè servitute. Accede-  
bat insignis Veneratio, quam Innocen-  
tius sibi toto Orbo Christiano parave-  
rat: summa morum integritas; animus  
omni affectu vacuus; nulla familiæ ex-  
tollendæ, aut propinquorum curam  
quos pro externis habere videbatur;  
publici tantùm boni immensa sollicitu-  
tudo. Urbs quàm plurimis, insolitis  
que corruptelis purgata. Religionis  
disciplinæquè Ecclesiasticæ flagrantis-  
simus Zelus, nullo privatorum, magna

tumq

tumq; delectu, nec tamen immodicus & accusationi obnoxius, aut prudentiæ expers; id enim in hoc Pontifice præcipuum, quòd cùm animi magnitudine & constantiâ nec Bonifacio VIII. nec Sixto V. cedat, multò tamen illis moderatior, severitate pacatâ, & amoris ac reverentiæ in Principes mixtâ, quos nec provocet, nec tamen formidet. Populus, quantum licuit, oneribus sublevatus. Summa domi frugalitas, sed foris summa quoque & major dictu, credituq; liberalitas, immenso in Turcicum bellum profuso auro; sed præcipua in Deum fiducia, & ideò par fiduciæ felicitas, nec enim alium retrò sæculis Pontificem reperias in proferenda Religione, magnitudine rerum gestarum parem. Austria Turcicis armis, quæ totam Europam concusserant, liberata. Hungaria, Sclavonia, Croatia, Græcia, Peloponnesus præter Insulas quàm plures Barbaris adempta, & quod mireris, hæc omnia ægro plerumq; Pontifice, nec tamen otioso, sed consiliis, Legatis,

ac præsertim immensis Thesauris omnium  
 promovente. Taceo alia, quæ mode-  
 stiam Pontificis feriant, si palàm fiant,  
 mequè adulationis notent, quam aver-  
 sor. Hæc ergo omnia, ut maximam  
 Innocentio venerationem, ita parem  
 duciam pepererant, fore, ut quidquam  
 in tam sancta causa, à tam sancto Ponte-  
 fice ac ipsis quoquè hæreticis laudato fieret,  
 ratum omnes Principes, acceptum  
 que haberent: & habuerunt planè, ces-  
 seruntque Asylo.

IV. Cum solo Galliarum Rege pugna  
 superfuit, flagratque in hunc diem sem-  
 per majori flammâ, sed pontifice æquè  
 immoto, invitoquè; nam præter ra-  
 tiones, quas suprâ libavimus, illa quo-  
 què accessit; non posse Gallos audiri  
 quin Principes omnes, qui Asylo renun-  
 tiaverant, offendantur, quippe se sperni  
 crederent repeterentque jam concessa  
 pejori quàm antea malo. Denique In-  
 nocentius à primo Pontificatûs sui in-  
 gressu Christianissimi Regis animum per  
 Varesium, per Laurum, Ranucciumque

Mini-

Ministros suos pertentaverat, ostensâ  
efficacissimis rationibus Asyli abolendi  
necessitate; & à Rege magnificè respon-  
sum: *Se aliorum Principum exempla ob-*  
*servaturum, nec ultimum fore, qui tam*  
*juste petitioni deferret.* Quid ergo sibi  
Pontifex non sponderet à tam propensa,  
testataquè Regis voluntate? Agebat  
tunc temporis Legatum Gallici Regis  
Dux Estreus, noluitquè pontifex ejus  
palatij prætensam immunitatem, Asy-  
lumquè turbari, dum viveret, ratus  
hanc quoque moderationem profutu-  
ram placando, lucrandoquè Galliæ Re-  
gi, nec multò post Estreus vivis excessit.  
Jussi satellites Palatij aream, viciniam-  
que obire, hætenùs justitiæ inaccessam,  
non priùs tamen quàm elato funere, ju-  
stisquè peractis, ut sic quoque mortuï  
cineribus veneratio haberetur. Regi-  
bus quoque denuntiatum, neminem à  
Romano Pontifice pro Legato habitum,  
admissumque iri, nisi Asylo renuntia-  
ret. Videbatur Hispaniæ Rex oblu-  
ctaturus, sed continuo cessit, Pontificis

& justitiæ, quæ sola quærebatur, reverentiâ. Solum ergo cum Gallia bellum fuit. Diu illic dubitatum, quid fieri deberet Lavardino jam proficisci, jam consistere jussu, donec tandem profectio decreta, imperatumquè Legato Asylum tueretur. Mirari subit, quæ tandem causa Regem Christianissimum impulerit, ut tanto ardore hanc causam promoveret. Nihil enim ejus dignitati decebat, si omnium Principum exemplo, latrocinis, sacrilegiis, adulteriis, raptibus, homicidiis, aliisque urbis sacræ flagitiis hoc præsidium subduceret: nec ideò minor, si non ferviret sceleratis. Multis ergo in mentem venit, aliud hoc cum Pontifice bello quàm Asylum quæri: nimirum, ut victorias Cæsaris moraretur Italiâ armis turbata: at ego nihil tale de Christianissimo Rege crediderim; quidquid fuerit, Lavardinus Italiam tenuit, conseditque haud procul Romam; sed jussu Pontificis nunquam in Provinciis Ecclesiasticis apparatu Legati exceptus.

Tan-

Tandem ingredi urbem statuit, delegitque Dominicam diem, decimam sextam Novembris anni octuagesimi septimi supra millesimum sexcentesium. Pompæ hic ordo fuit. Præibat ingens equitum armatorum globus, gladiis sclopisque brevibus, longis, mediis instructus, sequebantur quadraginta currus impedimentis onusti: post hos alia equitum æquè armatorum turma; tum acies nobilium in equis juvenum, aliique magno numero famuli, qui rhedam Legati pedites ambiebant, in ea præcipuo loco Cardinalis Estreus, purpurâ amictus; dexteram Legati uxor, lævam filia tenebat, ex adverso Maidalchini Cardinalis, cui ad sinistram Legatus Gallicus. Jacti quoque in accurrentem populum argentei nummi, quibus ad Gallici Regis nomen celebrandum invitaretur, sed à paucis acclamatum, iisque miserimis. Subeuntem palatium binæ armatorum alæ, dextera lævaque sparsæ in equis excepere, noctu excubia palatio adhibitæ, jussæque militariter palatium,

viciniamquè obire, ne quis Asylum turbaret: impedimenta quoque armatis vallata, submovendis telonariis: Nocturnum epulum Estreus Cardinalis Legatus exhibuit. Is primò ad Cardinalem Cibum, postea ad Summum Pontificem admitti petiit, sed ab utroq; rejectus est. Romæ interim pergebatur publicis, privatisq; precibus Deum implorari, ac supplicationes obiri, singulis Religiosorum sodalitiis ad templa quotidie procedentibus; crederes publicam calamitatem urbi imminere, eiquè evertehendæ Romam certatim laborare. Cùm Pontifici adventus & Põmpa Legati nuntiaretur, fertur respondisse: *Hi in curribus, & hi in equis! nos autem in nomine Domini ambulabimus.*

V. Planè novâ specie Roma intremuit, ipsique Galli averfati sunt; Legatum videlicet, pacisq; interpretem militari apparatu terrenti, bellantiquè similem alienam Civitatem invehi, arcemquè Religionis calcatâ Principis  
Ma-

Majestate; id à nullo Legatorum factum. Sed nec ulla tanti strepitûs causa; si enim vim metueret, quantulæ hæ copix, ut armato Pontifici obsisterent, cogerentq; invitum? si nihil metueret, quò tanti apparatus, nisi fortè ut Principi insultaret? dissimulabat interim, ferebatq; Pontifex, contentus Legatum non agnoscere, idque toti aulæ indictum. Instabat dies sanctæ Lucix sacra, quæ in Lateranensi Ecclesia solemni ritu ac Legato coram peragi solet in memoriam Henrici quarti Galliarum Regis: jusserrat Pontifex, si Lavardinus adveniret (quippe censuris adstrictus) continuò faces extinguere, sacrumq; arumpi, ac cantum cessare. Id ubi Legato innotuit, differri jubet sacram ceremoniam in alium diem: sed Pontifice negante ullam esse differendi causam, cum Canonici ostendissent, inter eam Ecclesiam, Regemq; conventum esse, ut Legati arbitrio staret, quam diem eligeret, continuò acquievit, permisitq; transferri. Memorare id volui, ut moderatio

deratio

deratio Pontificis palàm fiat, flagrantis quidem, sed intra rationem, citraquè excessum, quod in Principibus ratum. Plura scribere omitto, quæ nihil refert scire posteritatem; quippe aut minuta, aut offendendis animis apta, quos ego pacari malim, componiquè. Illud tantum adijciam, quod maximè hanc litem Romanam inter, Galliamquè incendit. Nocte Nativitati Salvatoris sacrâ Lavardinus S. Ludovici Ecclesiam adit, sacroq; epulo accumbit, strato pulvinari, aliisq; Legatorum insignibus usus. Re ad Pontificem delatâ non potuit pænis, justaque severitate ampliùs temperare, quam hactenus cohibuerat, quamquè Lavardinus videbatur non tantum provocâsse, sed etiam ab invito extorsisse. Constabat censuris obstrictum esse ob usurpatum Asylum, armisque retentum; id enim sub excommunicatione latæ sententiæ, ipsoquè facto incurrendæ Pontificium Diploma prohibuerat: ferebat interim Pontifex, dissimulabatquè, & moras induciasquè nectebat. At postquam

La-

Lavardinus processit, in ipsaque Ecclesia, & totâ Româ spectante, ac cum maximè oportebat Deum, ejusquè Vicarium placare, contemptum professus est, quid potuit aliud Pontifex, quàm ut tandem excitaretur toties excussus? & tamen tunc quoque modestissimè actum, nec supra necessitatem. Jubet ergo per Cardinalem Vicarium interdictum Gallicæ ædi affigere adjectâ causâ: *Quòd Lavardinum notoriè excommunicatum ad sacra admisissent.* Potuit aliquid minus fieri à Pontifice, à toties provocato, offensoquè? Missi etiam à Gallis citatis equis veredarij, qui Regem omnia, quæ contigerant, causasquè edocerent: simulque Apologiam Lavardinus vulgavit, quo factum purgabat, negabatquè se censuras meruisse.

Lubet hîc observare, quantâ in hac causa moderatione Innocentius processerit.

Nam primò noluit Pontifex novum Diploma, quo Asylum persequeretur, vul-

vul-

vulgari, vivente adhuc Estreo Duce Gallia Legato. Mortuo Estreo præmissa sunt exempla omnium Regum Principumquæ Asylo cedentium, ut tantò suavius Gallia invitaretur, minori què pudore, si ultima cederet. Lavardinum quamvis militari, hostilique paratu ingressum, & armatis obseptum, ac bellum, quàm pacem afferenti similiorem; non tantùm Provinciis ac Urbe non prohibuit, quod facile poterat, & nemo non Principum faceret; verùm etiam admisit, tulit què fremente populo, & jura ac Principis Majestatem violatam esse conclamante. Quando non dico Rex Gallia, sed alius minorum Principum hâc specie Legatum domi suæ ferret, tantoquæ publicæ quietis damno? superavit ergo Innocentius non solum omnium Principum, verùm etiam privati Civis patientiam. Palàm quoque erat Lavardinum censuris esse implicitum, quippe violati Diplomatis reum: nihil tamen Pontifex movit, sed ignorantia aut conniventi similis rem temporis

com-

commendabat, minimo contentus, hoc est, pro Legato non agnoscere, Deumque publicis precibus placare. Nec unquam Lavardinum, pro excommunicato declarasset, nisi ille palam & cum pompa contemptum professus telum ab invito extorsisset. Quod si animus erat Pontificem spernere, quæ rogo necessitas id cum tanto apparatu, fastuque ostentare, ipsaque nocte flagrantis totâ urbe pietatis? Nec dici potest, non id Lavardinum prævidisse; nam Pontificis animum, cum de festo sanctæ Luciae ageretur, jam exploraverat. Sed age, Anonymi Auctoris Libellum qui Lavardini Advocatum se fecit, jam percurramus.

VI. Primò igitur opponit Anonymus: (a) *Nihil unquam injustius majorique injuriâ contra Principum Legatos, quam quod nuper Romæ contra Lavardinum tentatum esse.*

R. Antiquissima est præpotentium querela, ut sibi injuriam fieri dicant, cum aliis

(a) *Pag. 1.*

aliis faciunt. Quoties ovibus à Lupo  
 objectum est, turbari ab illis fontem, cum  
 tamen infra lupum aquarentur? si inju-  
 ria est, quidquid Gallo non placet; fa-  
 teor magnam accepisse Lavardinum: &  
 nego hinc oportere injuriam aestimari.  
 Dicitur ergo injustum, quidquid fit con-  
 tra jus alterius: prius ergo probari oportet,  
 jus fuisse Lavardino, invito Prin-  
 cipe, ad quem mittebatur, se pro Legato  
 ferendi, implendiq; metu & armis ur-  
 bem, ut reliqua tamen superius narrata,  
 & quæ non dicam, nullus Principum, sed  
 neq; ullus Paterfamilias domi suæ pate-  
 retur. Hæc si jure fecit Lavardinus, ac-  
 cusare Pontificem potest; sed cui mortali-  
 um persuadebit, id jure factum? Com-  
 parentur, quæ Pontifex à Lavardino tan-  
 to jam tempore passus est Romæ, quæque  
 Lavardinus à pontifice; & mox consta-  
 bit uter injuriam acceperit.

VII. Secundò: *Ignarissimos esse ju-  
 rium dicit, (a) quæ Regibus conveniunt,*  
 qui-

(a) *Fol. 2.*

*contra Apologiam Lavardini. 69*

quicumque negare ausint, non pendere ex Principis arbitrio Legatos constituere; istis verò jure gentium honorem ac venerationem deberi: sic omnium populorum moribus receptum esse, etiam cum bello implicentur. *Quae ergo contra Lavardinum Pontifici Romano suggesta sunt, aliena esse à communi sensu omnium Gentium bene honesteq; institutarum. Posse quidem Regibus supplicari, ut Legatos suos amoveant, quoties publicam pacem turbant, aut alias hostilia moliuntur; dum tamen morantur, Legatorum more colendos esse. Ne apud incultissimos quidem Barbarorum auditum, lectumq; esse, ut eo pretextu Legatorum dignitatem violarent, quòd ipsi nollent Principum suorum juribus cedere. Haec verò si locum habeant apud Principes merè saeculares, multò magis apud Pontifices Romanos, quorum potestas precaria sit, pendeatq; ex filiali Principum reverentia, praesertim verò Galliae Regum, unde tota in temporalibus Pontificum dignitas. Esse Romanam omnium Gentium communem Patriam, sicque oportere omnium Principum Legatis frequentari.*

*R. Hæc*

R. Hæc Auctor longâ Oratione, se-  
 rebus vacuâ. Supponit enim Lavardi-  
 num Legatum esse, utq; Legatus sit, et  
 solius arbitrio Regis, qui misit, pendere  
 Supponit iterùm, si Rex Legatum remo-  
 vere nolit, quamvis ex justissimis causis  
 id pontifex petat, nihilominus etiam ab  
 invito tolerandum, & pro legato habendu-  
 dum esse. Hæc pro tam certis habet, ut  
 ignorantissimos esse dicat, qui negent: &  
 tamen tam falsa sunt, & ab omnium sen-  
 su aliena, ut nihil magis; sed oportuit  
 paginam implere, & quod veritati de-  
 fuit, compensare convitiis honesto cala-  
 mo indignis. Veritas sic habet: Legatus  
 est Persona publica, quæ à Principe ad  
 Principem mittitur, pacis aut alterius  
 negotij causâ. Legatus igitur non unius  
 tantùm Principis mittentis, sed etiam  
 ejus, ad quem mittitur, assensu & volun-  
 tate constituitur. Duo, inquit Grotius  
 (a) requiruntur, ut quis Legatus consti-  
 tuatur, auctoritas videlicet mittentis, &  
 assensus recipientis.

(a) Grotius de J. pacis & belli l. 2.  
 c. 18. n. 5.

*Principis, ad quem mittitur.* Legatorum quippe immunitas & officium ex tacita partium conventionione proficiscitur, ut idem Grotius notat; hæc verò est reciproca, & utriusq; consensum requirit; nec immeritò, cum utriusq; Principis interfit, quis Legatus eat. Idque multò maximè locum habet in ijs Legatis, qui hodiernâ tempestate diù aut etiam perpetuò in aulis morantur; in his enim cessat ratio juris gentium, hoc est, necessitas. Audi eundem Grotium: (a) *Optimo, inquit, jure rejici possunt, quæ hodie sunt Legationes assidue, quibus quàm non sit opus, docet mos antiquorum, quibus illæ ignoratæ.* Id ipsum Wicquefortius (b) testatur: *Certum est, inquit, legationes ordinarias nec juris gentium, nec ducentis retrò annis notas fuisse; suntq; quàm plures Nationes, apud quas nullus earum usus, sola Europa eas admittit, siq; aliquis Principum eas respuerit, dici quidem poterit aliquid contra morem fecisse, nihil contra jus Gentium.*

Hæc

(a) *Grot. cit.* (b) *Wicquefort en l'Ambassadeur l. 1. pag. 11.*

Hæc ita vera sunt, ut sive antiquam siue recentem historiam evolvas, infinita reperias Legatorum exempla, qui aut non recepti, aut remissi sunt; nec tamen creditum est, jura Gentium violari. Sic Romani Ætolis denunciârunt: (a) *Legatos mitterent, alioquin pro hostibus fore.* Itemquè Vejentibus: *Ni facerent urbe, pœnas duros.* Lacedæmoniorum Legatus à pericle dimissus est (b) *Quòd ab hoste armato venisset.* Quam tò magis dimisisset, si Legatus ipse armatus veniret? sic Senatus Romanus negavit se posse Carthaginensium (c) Legatos admittere, quorum exercitus esset in Italia. Sic Legatis Jugurthæ à Romanis edictum (d) *intra decem dies Italiâ excederent, nisi Regem & Regnum deditum venissent.* Et quid plura? numquid in sacris litteris habemus Rabfacem Regis Assyrii Legatum jure merito ab Ezechia Rege receptum non esse?

(a) *Liv. l. 27. l. 10. l. 4.* (b) *Thucyd. l. 11.* (c) *Liv. l. 41.* (d) *Salustius in Jugurtha.*

esse, quòd timeretur populum perverfurus? Si recentia percurras, non minus exemplorum est, præsertim in Gallia, ubi planè nihil frequentiùs, quàm ut ex causis Regi notis, nec aliorum iudicio aut examini subjectis Legati aut non admittantur, aut exire Galliâ jubeantur: estq; recentissimum Tigurinæ & Bernensis Republicæ Legatorum, qui nec in Regis conspectum, nec ad tractanda cum Ministris Regijs negotia admissi sunt, idque non alia ex causa, quàm quòd de ritibus, formaquè illos excipiendi conveniri non potuit. Quantò ergo majori, justiori q; ex causa Lavardinus excludi potuit, qui contra aliorum Regum exempla Asylum non tantùm peteret, verùm etiam armis occuparet? Nuper quoq; Moscoviticis Legatis indictum, ut nisi pellium mercatu abstinerent, Galliâ exirent. Paul<sup>9</sup> IV. Figueroam Philippi II. Legatum, & Mediolanensi Præfecturâ defunctum, cùm ferè Romam intraret, urbe exclusit, (a) negavitquè pro Legato agnitum iri, quòd Pontificis cursorem litteris,

D

quas

(a) Anno 1558.

quas ferebat, spoliâisset, incurrissetque  
 censuras: nec Philippus succensuit, substi-  
 tuitq; Vargam Venetiis prius Legatum.  
 Sive ergo Legationis naturam, sive  
 exempla Principum inspicias, etiam qui-  
 bus maxima juris Gentium reverentia  
 (quales Romani) concedi omninò de-  
 bet, Legatum dici non posse, qui à Prin-  
 cipe admissus non est; posse verò non  
 admitti ex plurimis causis, præsertim ex  
 illa, si veniat aliena invasurus, ut nuper  
 Lavardinus; tunc enim non Lavardi-  
 nus; tunc enim non Legati sed hostis  
 vices agit, cessatque finis Legationis.  
 Hæc tam clara sunt, ut negari à nemine  
 possint, nec tamen sperare nobis victo-  
 riam licet, quando à Gallis non ratione,  
 sed potentiâ certatur. At, inquit Ano-  
 nymus, *supplicari Principi debet, ut Lega-  
 tum amoveat; colendus verò est, quamdiu  
 moratur.* Nimis ignarus est rerum, qui  
 hæc dicit: quoties enim per Vareseum,  
 per Laurum, per Ranuccium Cardinalem  
 Pontifex rogavit, urisitque, ne Lavardinus  
 mitteretur? & tamen missus est; nec mi-  
 sus

sus tantum, sed etiam armatis obseptus, adeo ut dubitari posset, Gotthus, an Gal-  
lus esset, qui sic Romam intravit. Quid  
superfuit Pontifici? qui modestius tueri  
se poterat, quam ut urbe quidem admit-  
teret, et si armatum, minacemque, non ta-  
men ut Legatum haberet? nam nec Lega-  
tus erat, quippe invito Pontifice. *At nulla  
Lavardini culpa, cum non posset juribus ce-  
dere à Rege prætensis, cur ergo punitus, si in-  
nocens?* Nulla est poena, si alicui non  
tribuas, quod non debetur: Lavardinus  
ut Legatus à Pontifice habitus non est,  
quia Legatus non fuit; quis poenam di-  
cat, si pro senatore aut Episcopo non ha-  
bebatur, qui nec Episcopus, nec senator  
est? nam quod postea Censuras inciderit,  
non hæc culpa Pontificis, sed Lavardini  
fuit. Pontifex enim censuras universim  
tulerat in eos, qui Asylum usurparent,  
nullo Hispani, Angli, Germani, Galli,  
aliarumque nationum, discrimine: quod  
ergo Lavardinus se illis, & solus induerit,  
non Pontifici imputare potest, quippe  
nolenti, invitoque, sed sibi, qui sponte in-  
currit:

currit: nam si quis gladio se perimat, quem accusabis? fabrum? qui gladios fecit, palamq; exposuit? an eum, qui in ferrum incubuit? Nec interest, Lavardinum ex Regis imperio Asylum occupasse; nam, ut taceam, multa à Lavardino peracta esse præter Regis voluntatem; cui nota non est Apostoli sententia in omni foro humano Divinoq; recepta; videlicet: (a) *Dignos esse morte non solum, qui ea faciunt, sed etiam, qui consentiunt facientibus?* Si ergo eadem culpa est facientis & consentientis, quanto magis imperantis & exequentis? Quinquagenarij, qui ad capiendum Eliam missi sunt, se quoq; Imperio Regis Ochoziæ (cujus Legati erant) tuebantur: (b) *Homo Dei, Rex præcepit, ut descendas.* Et tamen igne puniti sunt Deo excusationem respiciente. Heliodor<sup>9</sup> quoque Antiochi Legat<sup>9</sup> cum Templum spoliare aggrediretur Summo Pontifice Oniarenitente; Principis mandatum prætexebat: (c) *At ille pro his, quæ in mandato habebat à Rege, dicebat, Regi ea esse deferenda.*

(a) *Ad Rom. 1. v. 32.* (b) *4. Reg. 1.*(c) *Mach. c. 13.*

da. Num ideo calcibus & flagellis punit<sup>9</sup> non est, moriturus, nisi Onias servasset? Nihil ergo juvat Lavardinum Regis voluntas, quando non imperium Principis, sed causa innocenter facit. Quæro si Pontificis, aut alteri<sup>9</sup> Principis Legatus invito Rege, armatusq; Parisios intraret, illicq; simile aliquid moliretur ijs, quæ Lavardinus Romæ, quanto eum tempore Rex pateretur, quantumq; deferret Principis sui imperium alleganti? mirari ergo Lavardinus non debet, si exceptio Romæ non valet, quæ Parisiis nunquam valuit, valebitquæ. Hæc tam aperta sunt, ac omnibus nota, ut negari non possint; & qui negant, multò pejorem faciant Regis causam tam pudendis auxiliis.

Quod verò dicitur: *Pontificis Romani in Christianos potestatem precariam esse, & ex Principum arbitrio, qui se sponte submitunt, pendere, tantoquæ magis Pontifici cavendum, ne istos offendat?* Respondeo hoc argumento omnium Principum potestatem, non solius Pontificis peti, quis enim imperabit,

si nolint subditi obedire? evolvantur  
omnium Gentium Historiæ, & conti-  
nuò patebit, multò sæpiùs contra Prin-  
cipes sæculares rebellatum esse, quàm  
contra Pontifices; imò stetisse Cathe-  
dram Petri, quamvis millies concussam  
tot cadentibus Regnis: ipsa Romana  
Monarchia tot exercitibus, tot impe-  
rijs, tot opibus potens tandem deflo-  
ruit durante Ecclesiâ; interquè ipsos  
Romanos Imperatores, quis non ex mi-  
litum favore, studioquè pependit? Ta-  
ceo Gallici, aliorumquè Regnorum sce-  
nas & vices: frustrà ergo Pontifici  
objicitur, quod multò magis omnium  
regnantium est fatum; illud discrimen  
est, quòd subditi, ne à sæcularibus Do-  
minis deficiant, temporalium pœnarum  
metu coërcentur; hic si absit, major  
sit subditorum, quàm Principis poten-  
tia, nihil ampliùs moratur, ut jugum  
excutiant. Secùs est in imperio Religio-  
nis; hîc enim, ut Pontifici Romano  
subdat, non temporales pœnæ, sed æ-  
ternæ faciunt, nec istis evadendis ulli

par potentia. Unde fit, ut paulò antè dicebam, multò fæpiùs à principibus, quàm à Pontifice subditos defeciffe, nullum ergo minùs precarium imperium est, quàm Religionis. Quòd si nemo principi perfuaserit, ut subditis omnia concedat metu seditionis, quantò minùs pontifici? præfertim quòd Ecclesia sicut non humanis consilijs & prudentiâ crevit, ita nec humanis consilijs regenda est, quoties illa Divinis adverfantur; quid verò magis adverfatur, quàm ut metu omnia Principibus cedas, nullâ honesti ratione? non placent Deo, & ideò nec succedunt turpia consilia. Est insigne in rem nostram Alexandri III. Responsum, cùm enim metu schismatis, & ferè paribus minis ad indigna urgeretur, quibus nunc Galli, Legatis Friderici Imperatoris ita respondit: (a) *Nos recognoscimus Dominum Imperatorem Advocatum & specialem sacrosanctæ Romanæ Ecclesiæ Defensorem. Unde ipsum (si per eum non steterit) præ cæteris Principibus Orbis intendimus honorare, in*

D 4

qui-

(a) *Radevicus l. 2. c. 54. & 55. Anno 1159.*

quibus Regis Regum honor nullum capiat  
 detrimentum. Ubi verò quidquam occur-  
 rit, quod absq̄ summi Regis offensa effectum  
 habere nequeat; si honorandus terra Imper-  
 rator videtur, ille potius à nobis timeatur,  
 & illius honor imprimis conservetur, qui est  
 Rex Regum, & Dominus Dominantium, &  
 qui animam & corpus perdere, atque in  
 eternam ignis gehennam mittere potest, er-  
 go cum pro Ecclesie libertate tuenda Patres  
 nostri proprium sanguinem fuderint, & nos  
 ad eorum exempla, exigente necessitatis ar-  
 ticulo, extrema audemus pericula sustinere.  
 Frustrà ergo Galli metum offendendi  
 Regis Innocentio objiciunt; quando in  
 causa DEI nihil æquè metuendum est,  
 quàm metuisse.

VIII. Tertiò causatur Anonymus;  
 (a) Romam esse totius Orbis Christiani Pa-  
 triam communem; sicq̄ oportere, ut illic  
 omnium Principum Catholicorum Legati  
 conveniant. Equum non esse, ut Legatis  
 Gallici Regis Asylum prerogativam invident  
 Itali, quando ipsi majorem partem occupent  
 sacri

(a) Fol. 2.

*sacri Senatûs; cum tamen & mos Ecclesiæ  
& ratio velit, ut absque Personarum au-  
nationum discrimine purpura dignissimis  
obveniat, quæ nunc aliis exclusis solos fere  
Italos vestiat.*

*R.* Si Roma omnium nationum com-  
munis est Patria, quid queritur Lavardi-  
nus, si eodem jure, quo omnium aliarum  
nationum Legati, habitus est? nec enim  
alij Principum Legati admissi sunt, quàm  
qui Asylo cessere: vivat ergo Lavardinus  
in communi Patria communi jure; quod  
si nolit, non illum Innocentius, sed ipse  
se Româ exclusit. Alioquin quid scele-  
rum civibus non liceat, si qualescunque  
sint, & quacunque ratione vivant, to-  
lerari in Patria debeant? & planè cum  
nuper Lavardinus Romam ingressus est:  
non Civis faciem, sed hostis ostendit,  
nec tam Patriam intrâsse, quàm in  
aciem irrupisse visus est. Quod de  
Cardinalibus dicitur, nihil pertinet ad  
causam Lavardini. Oportere Cardi-  
nales aliquos deligi ex omni natione,

verum est, idque insigniter in ultima Cardinalium promotione ab Innocentio observatum, in qua non Gallia, non Hispania, non Germania, non Italia pura defuit: ceterum debere ex quavis natione pares numero esse, tam absurdum est, ut nihil magis; quid enim in eligendo Pontifice magis schisma pareret, quam si singulis nationum par numerus votorum esset? singulae videlicet pontificem ex suis vellent, Galli Gallum, Hispani **Hispanum**, nullo certandi fine: Idque palam apparuit in magno schismate Occidentis, cui initium dedit electio Urbani VI. cum enim Itali Italum vellent, Galli Gallum, & inter Gallos Lemovicenses Lemovicensem; tandem ingens illud schisma conflatum, quo nullum nec longius, nec funestius Ecclesiae. Idem ergo accideret, si quaelibet natio pluribus Purpuratis abundaret, & nulla aliam numero vinceret. Sed cur Italica vincit? inanis quaestio. Idem enim de Gallica, Germanica, Hispanica aliisque quaerisset, si quae superaret. Deinde cum  
 Chri-

Christus Cathedram in Italia fixerit, credi debet hanc nationem, sive Pontificem spectes, sive Cardinales (ex quibus Pontifex eligitur) prætulisse. Id quoque ostendit usus Ecclesiæ etiam Primitivæ, in qua pleriquè ex Italia Pontifices. Sed ut dixi, hæc extra chorum; nec ego memorâssem, nisi cogerent Galli intempestivâ quæstione.

IX. Quartò opponit: (a) *Merita Gallie Regum in Ecclesiam Romanam; quæ majorem Principatûs sui temporalis partem à Regibus Gallie acceperit: nec securior portus Naviculae Petri, quoties tempestate jactaretur, quàm in Gallie sinu: non ergo Lavardinus Regis Legatus tam malè accipi debuit, hoc præsertim tempore, quo Gallia ab Heresibus purgata, Romana Ecclesia restituta est.*

R. Nulla Gallis frequentior cantilena, quàm ut beneficia sua repetant, moneantq; Pontificem gratitudinis, perinde ac si cum immemore beneficiorum, aut non curante loquerentur. Maxima

D 6.

esse,

(a) Fol. 2.

esse, quæ Gallia Reges in Pontifices contulerunt, nemo negaverit, nec alius magis agnovit, palamq; professus est, ut ipse Pontifex Romanus. Sed hæc ipsa præteritorum memoria spem omnibus facit, hodiernum Gallia Regem nihil Majoribus suis cessurum, nec illis ut victoriis, ita Religione imparem fore: nec enim idè illi minores, quia reverentiâ & obsequio in Vicarium Christi certârunt, imò illi magis florûere, qui magis Romam venerati sunt, ut exempla Clodovæi, Pipini, Caroli Magni, ac Ludovici ostendunt, DEO velut pro Vicario suo debitore, ac ingentibus præmiis, quidquid illi præstaretur, compensante. Ergo, ut dixi, quæ à Gallia Regibus olim in Ecclesiam Romanam collata sunt, exempla esse debent moderno Regi, quæ imitetur, non quæ subvertat: alioquin quàm non indigna tantùm, verùm etiam quàm inepta erit hæc consequentia: *Reges Gallia olim Romam Pontificibus donârunt, ergo hodie eam Pontifici rapere possunt; olim Pontifices protexere, ergo hodie persequi debent.*

Et

Et tamen, quis crederet? sic Galli hodie argumentantur. Caterum ipsi quoque Pontifices nec tam ingrati, aut immeriti sunt, quàm Galli supponunt. Patiantur ea tantùm leviter tangi, quæ in Galliam collata sunt, videbuntq; utrinq; beneficiis certatum esse, nec adhuc constare, Roma an Gallia superaverit.

Et primò certum est, veram Catholicamq; Religionem Galliaë illatam esse, operã ac curã primì post Christum Romani Pontificis, Petri videlicet, ut enim taceam, quæ de sanctis Martiali & Dionysio Areopagita Galli ipsi, qui etiam maximè Critici, fatentur: Zosim<sup>9</sup> ad Galliaë Episcopos ita scribit: (a) *Ad urbem Arelatensem primùm ex hac sede Trophimum summus, Antistes, ex cujus fonte tota Galliaë fidei rivulos acceperunt, directus est.* Idem habet Ado (b) Viennensis.

D 7

Ipsi

(a) Zosimus ep. 5. ad Galliaë Episc.

(b) Ado Viennens. in Mart. 4. Cal. Januar. V. Quenellium tom. 2. Opera S. Leon. & P. Alex. natal. ad saecul. 1. Anno 450.

Ipsi Episcopi Provinciæ Viennensis epistolâ ad Leonem I. *Omnibus Gallicanis Ecclesiis notum est, quòd prima inter Gallias Arelatensis Civitas missum à Beatissimo Petro Apostolo sanctum Trophimum habere meruit Sacerdotem, exinde aliis paulatim Regionibus Galliarum bonum fidei & Religionis infusum.* In Concilio quoq; Parisiensi sub Ludovico Pio Episcopi Galliæ ad Eugenium II. Pont. Max. ita scribunt: (a) *Nec vobis tedium fiat, si se paulò longius sermo protraxerit, dummodo linea veritatis, qua ab antiquis Patribus nostris usque ad nos inflexibiliter ducta est, B. Dionysio sc. qui à S. Clemente in Gallias cum duodenario nostro primus Predicator directus, &c.* Gallia erga Religionem suam Romæ debet, & quod possit beneficium cum isto comparari? considerent, quantum Gallia fidelis ab infideli distet, nec solùm Religione, sed etiam potentiâ, fælicitate, virtute bellicâ, artibus, scientiisque litterarum præcellat, & fonti benedicant, à quo hæc omnia

*Anno 824. V. Baron. tom. 9.*

omnia fluxere. *Gregorius II.* Carolo Martello Consulatum Romanum defert, ut habetur in Historia Gregorij (a) Turonensis. *Stephanus Papa* Pipino Patriatum Romanum, primam videlicet post Imperatoriam dignitatem, & quam Carolus non prius deposuit, quam imperio potiretur, ut etiam Marca (b) fateatur.

*Zacharias Pontifex* eundem Pipinum Regno Francico præponi curat exauctoratâ Merovingica stirpe, quo nullum beneficium Gallia majus accepit; ab hoc enim prima exordia processerunt ingentis illius potentia, & alioquin pessumibat civilibus bellis, ignaviaq; Regum consumpta.

Idem *Zacharias* Pipino facultatem tribuit nominandi Episcopos sui Regni, ut scribit *Lupus* (c) Ferrariensis.

*Leo*

(a) *Append. ad Histor. Gregor. Turon. c. 110.*

(b) *Marcal. 1. de concord. c. 12. n. 4.*

(c) *Lupus Ferrar. epist. 71.*

*Leo III.* Româ in Gallias & in castra proficiscitur, ut Ludovicum, fratresq; in acie congressuros componat.

Idem Gregorius cum in pleno Gallorum Antistitum Concilio Ludovico imperium ademptum esset, Decretum rescindit, & Ludovico imperium confirmat, teste Paulo Æmilio. *Joannes VIII.*

Ludovicum II. auctoritate suâ contra Aldagisum tuetur, eumque à persequendo Imperatore (quem carceri incluserat) absterret, in fugam vertit, ac tandem pacem inter utrumque conciliat. *Stephanus IX.*

Francorum Proceribus contra Ludovicum Regem defectionem molientibus sub pœna excommunicationis præcipit, ut novis absistant, illique continuo pareant, teste Flodoardo. *Urbanus IV.*

Regnum Siciliae, quod ad sacram sedem devolutum fuerat, Carolo Andegavensi fratri S. Ludovici defert, ac Regem Angliæ efficacissime urget, ut adornatâ classe liberando Galliae Regi à Barbaris capto se accingat. *Clemens IV.*

Carolus Andegavensem in possessionem utriusque

Sici-

Siciliæ ( quæ Regnum Neapolitanum complectebatur ) inducit, quâ Galli septendecim circiter annis gavisi sunt, nec Siciliæ Insulis excidissent, nisi Caroli socordiâ.

*Gregorius X.* Philippo Regi sexennales Cleri Gallicani decimas concedit bello contra Barbaros prosequendo.

*Martinus IV.* Panormitanos ob casus immani conjuratione Gallos anathemate percellit, mittitquè Cardinalem Sabinensem ad revocandam in Galli obsequium Siciliam. Idem Martinus Principatum Cataloniae, Arragoniae, & Valentiae Regna Petro Arragoniae Regi adempta, in unum è Philippi III. Galliae Regis filijs, Carolum videlicet Valesium transfert, eiquè triennales Cleri decimas concedit, habitoq; celeberrimo omnium Ordinum Conventu parisijs, è Pontificis manu Regna confestim acceptata.

*Bonifacius VIII.* Carolum Valesium Philippi Pulchri fratrem Anagninæ cum Coniuge magno apparatu excipit, universæ Ditionis Ecclesiasticæ  
Præ-

Præfectum, Imperiique (quod vacabat) Vicarium constituit, ac utrique Imperio Orientis & Occidentis præficiendum destinat, de quo vide Spondanum *ad annum 1301. n. 2.*

Idem Bonifacius Adolphum Imperatorem Principibus Germaniæ in eum concitatis moratur, ne cum Angliæ Regis Gallorum hoste arma in Belgio conjungat, quod planè Francico imperio fatale futurum erat.

S. Ludovicum Catalogo Divorum adscribit. Scio equidem quæ postea inter Bonifacium & Philippum Regem contigerant, oblivione magis quàm memoria digna. Sed nec illud melatet, tres illius filios paulò post immaturo funere sublato: *In pœnam*, (uti scribit (a) S. Antoninus) *injuriæ & sacrilegij, quod eorum Pater in Bonifacium commiserat.*

*Benedictus XI.* Regnum Galliæ interdicto liberat, Regem Philippum supplicentem absolvit, omnia privilegia confirmat, Academiæ Galliæ juribus suis restituit.

(a) *Antonin. 3. p. tit. 21. c. 3.*

stituit, reservationes vacantium Ecclesiarum revocat, contributiones Decimarum, Bonorum Ecclesiasticorum, ubi Laicorum facultates non sufficiunt, Regi Philippo relinquit, & in ejus gratiam Columnenses veniâ donat, totamquè familiam in integrum restituit, Petro Cardinali excepto, cui Clemens V. purpuram à Bonifacio VIII. ademptam restituit, de quibus vide Spondanum ad annum 1303. n. 20. *Clemens V. inquit Spondanus, in gratiam Philippi Regis Pontificiam sedem in Gallias transfert perculso ad facinus Christiano Orbe, mansitq; illic amplius septuaginta annos.* Nolo hîc commemorare septuaginta annorum decursus quibus pontifices in Gallia hæserunt, quæ & quanta in Galliæ Reges contulerint. *Pius VI. in celebri de præcedentia certamine pro Gallia pronuntiat, nullo metu potentia Hispanicæ (quæ regnante Philippo II. multò Gallicam superabat) nullâque minarum curâ, quas Philippus ingesserat, jussu Oratore suo Româ abscedere.* *Pius V. Carolo IX. Galliæ Regi contra Hugonotos*

nottos

nottos rebelles quatuor mille & qua- Pr  
 dringentos pedites, ac equites nongen- ac  
 tos throno simul & religioni servandæ in qu  
 subsidium mittit. *Clemens VIII.* obni- lic  
 tente licet Hispanicâ factione ac infinita tæ  
 opponente ( minabantur enim pro uno pra  
 Gallia Regno alia multa à Pontifice de- Co  
 fectura ) Henricum IV. ab Hæresi ab- nit  
 solvit, quo facto, causæ omnium Civilium nis  
 bellorum in Gallia conciderunt, firma- Po  
 tumquè Regnum familiæ Borbonicæ ho- Re  
 die regnanti: dici non potest, quanta plu  
 morando, terrendoquè Pontifici produ- no  
 cta fuerint; sed vicit amor Gallia felicit- Ga  
 simo eventu. Idem Clemens superatis cir  
 immensis difficultatibus matrimonium lia  
 Henrici IV. cum Margaretha Vallesia vile  
 ( quam ante annos septem & viginti ex nat  
 Pontificia dispensatione duxerat ) nub- bus  
 lum esse declaravit, permisitquè nuptias ca  
 cum Maria Medicea, ex qua Ludovicum edi  
 XIII. & ex hoc Ludovicum XIV. hodie can  
 regnantem habemus; alioquin exaruerat can  
 familia Regia sterili Margarithæ Conju- gys  
 gio, ac Gallica corona in Condeum  
 Priu-

Principem conciderat adolescentulum, ac in hæreticorum sinu educatum, & quem tamen Clemens Religioni Catholica restituit; nam inter conditiones datæ à Clemente absolutionis hæc inter præcipuas fuit, ut videlicet Henricus Condeum Principem Calvinistarum manibus eriperet, eumq; Catholicis doctrinis imbuendum curaret. Clementi ergo Pontifici Gallia & Regnum, & Reges, & Religionem debet. Taceo alia quàm plurima, ac præsertim innumeras Romanorum Pontificum Legationes pro pace Gallico imperio reddenda, præcipuè cum Angli perpetui ac fatales hostes Gallia imminerent. Taceo infinitam privilegiorum molem, quibus nulla æquè natio, ut Gallicana à Summis Pontificibus exornata est. Nam ut observat Marca Archiepiscopus in libello Barcinonæ edito anno 1646. *Quidquid contra canonum decretalium mentem in Gallia circa res Ecclesiasticas agitur, id fit ex privilegijs Apostolicis, non autem mero jure Regio.* Id

Id

Id solùm observo, in Historia Francie  
 ter reperiri, Regnum Gallia auctoritate,  
 ac operâ summorum Pontificum serva-  
 tum esse. *Primò* quando ignaviâ Mero-  
 vingorum, bellisq; Civilibus ferè dele-  
 tum, auctoritate Stephani & Zachariae  
 Pontificum in Carolinam stirpem trans-  
 latum est: *Hildericus Rex*, inquit Egin-  
 hardus Carolo M. à secretis, *jussu Step-  
 hani Romani Pontificis depositus, ac detonsus,  
 atque in Monasterium trusus est*: Et infra  
*Pipinus autem per auctoritatem Summi  
 Pontificis ex Praefecto Palatii Rex constitu-  
 tus*. *Secundo*, quando teste Ludovico  
 Pio Caroli M. filio, *Francorum Proceres  
 auctoritate B. Petri sibi à Domino Jesu  
 Christo traditâ obligavit, & obtestatus est  
 ut nunquam de altera stirpe Regem supra  
 se presumant aliquo modo constituere, quod  
 & Divina Providentia ad Apostolicam See-  
 dem tuendam eligere dignata est*. Haec  
 sunt verba ipsius Ludovici in epistola  
 ad Hilduinum: quibus adjungit Gagu-  
 nus: (a) *Stephanus autem Pipino bene-*  
*dixit*

(a) *Gaguin. Histor. Franc. l. 3. f. 45.*

dixit, & ejus posteritati, atq; qui temeritate aliquâ adversus Francos bella moverent, Communione Christianâ interdixit. Tertiò, quando Clemens VIII. Galliam bellis Civilibus (quæ hæresis & ambitio excitaverant, externis armis Germanorum, Anglorum, Hispanorum, Italarumque Regno illatis) propè confectam, quæquæ triginta & sex annorum decursu, ab obitu videlicet Henrici II. usque ad absolutum Henricum IV. producta, Gallia extrema minabantur, nec finem spondebant; tandem paci, pristinaq; dignitati restituit, Henrico Censuris absoluto, ac sterili Matrimonio post viginti & septem annos liberato. Cùm ergo Gallia & Religionem, & toties Regnum Vaticano debeat, persuaderi se utique Lavaradinus patietur, Beneficia, quæ Romanis Pontificibus ex Gallia provenisse dicit, non fuisse in immeritos collocata, multò minùs in ingratos; neque ego hoc dicerem, nisi necessitas cogeret objectam ingratitude diluendi.

Sed

Sed sint beneficia à Gallis accepta ad  
huc insoluta, sint Pontifices immeriti  
(quanquam quid Pontifices dico, cum  
non istis sed Christo sint data, & ab hoc  
immensis præmijs & victorijs compensa-  
ta?) num idcò debuit Innocentius con-  
cedere, quæ non licuit Ludovico postu-  
lare? petitur patrimonium Christi, pe-  
titur hæreditas Petri, petitur in urbe sanc-  
cta ingens sceleribus omnibus spatium,  
in quo velut in libero, exemptoque im-  
perio & impunita, & secura sint, imò &  
florentia, magisq; patrocínio Christia-  
nissimi Regis, quàm in ipsis Templis  
Majestate præsentis Dei defensa, perinde  
ac si Romæ Ecclesiæ desint recipiendis, &  
ad pœnitentiam revocandis reis. peti-  
tur denique, quod omnibus Regibus ac  
Principibus negatum, non potest jam  
Galliæ concedi, nisi omnibus illis acerbè  
offensis, ac dimissa repetituris, infinito  
Apostolicæ Sedis dedecore, pariq; dam-  
no, quippe totâ ferè Româ in Asylum  
imò in Babylonem conversâ. Infelicem  
Innocentium, qui aut cum Christo, aut  
cum

cum Gallo pacem habere non potest: nam aut hunc offendit, si neget; aut illum, si concedat: nemini plura & majora, quàm ipsi Deo debemus, & tamen is non permittit *fieri mala, ut eveniant bona;* quantò ergo minus potest Innocentius malum facere, ut bona remuneretur à Gallis accepta? quantum verò malum sit grande illud, vastiumq; Asylum, quòd non Regis ipsius comòdo, sed sceleratis, parricidis, Latronibus, & adulteris petitur, non est Regis judicare sed Pontificis; nec enim de Parisiensi, sed de Romana urbe agitur Pontifici subdita. Quòd si nunquam Rex pateretur litem sibi moveri de iis, quæ ipse Parisiis judicat, quæ ratio permittit, ut litem Pontifici moveat de iis, quæ Romæ disposuit? quamquam ne opus quidem est in hac causa Pontificis judicio aliquid deferre, quando totius Europæ judicium habemus; nam præter Gallorum aliquos metu aut gratiâ aulæ obstrictos nemo mortalium est, qui non credat æquissimam esse Pontificis causam; & ideò Reges ac Principes omnes

E

prom-

promptissimè Asylo cessère ; nec verò  
cessissent , nisi crederent justa postulari  
& tamen eodem jure , iisdemq; rationi-  
bus, quibus Galliæ Rex, retinere illud po-  
terant. Si Innocentius solum Galliæ  
Legatum Asyli jure privasset, poterat id  
injuriæ, odioq; nationis adscribi, ac me-  
ritò iram Regiam provocare ; nunc verò  
omnibus Regibus, omnibus Principibus  
eadem Lex dicta, omnesq; justam censue-  
re : quæ rogo ratio est, ut solis Gallis di-  
spliceat, quod omnibus placuit ? & quod  
aliis omnibus necessitas visa est, illi soli  
injuriam credant ? ac præsertim à Ponti-  
fice tam sancto, tam humanis affectibus  
vacuo, tam studioso Gallicæ Nationis, &  
in quo ne Calvinistæ quidem, jurati alio-  
quin Pontifici hostes, aliquid invenère  
non amore, ac veneratione dignum. Sed  
hoc est unicum Innocentij delictum,  
quod omnium Sanctorum Antistitum  
fuit, non posse videlicèt adulari cupidi-  
tatibus Regnantium ; & tamen non is  
Medicus ægrotum diligit, qui plagam  
celat, aut gossipio involvit, ne appareat ;

sed qui ferro etiam igni q̄; medetur, curâ  
dolorem compensante. Quamquam  
nec ferrum Innocentius, nec ignem ad-  
movit, sed quidquid reverentiæ & amo-  
ris in Principem ac filium licuit; monuit,  
rogavit, scripsit, instititque: nunc per  
Varesium, nunc per Abbatem Laurum,  
nunc per Ranuccium Legatum suum, ac  
postea Cardinalem preces porrectæ, ut q̄;  
hæ magis proficerent, præmissa omnium  
Regum, Principum q̄; exempla Asylo ce-  
dentium; quid potuit plus facere Inno-  
centius? ut sileret? ut Galliæ postulata  
admitteret? ut tam necessarium sanctum-  
que propositum metu desereret? hoc  
non potuit. Pavere ac fugere non est  
Pastoris, sed Mercenarij, quis ergo ali-  
quid audeat pro veritate, si Pontifices ti-  
meant? & quid faciunt Romæ tot Mar-  
tyrum cadavera, tot trophæa & vestigia  
sanguine certantium tincta, si ne qui-  
dem liceat summo Sacerdotum liberam  
vocem pro justitia proferre? nunquam  
metus Martyrem fecit. Et quid tandem  
non Principes petant, non Pontifices tri-  
buant,

buant, si toties cedant, quoties rogantur? non est hoc esse petram, sed paleam: nequè hoc voluit Christus, cum jussit Petrum esse fundamentum Ecclesiæ. Si Innocentius Pontifex ea tantùm spectaret, quæ Galliæ Regem circumstant, forisq; exornant, potentiam videlicet, opes, exercitus, classes, & quidquid deniq; speciem illam Majestatis effingit, quam homines adorant, facile persuaderi debuit, ut & hoc concederet, & quidquid aliàs Regi placeret: quid enim tandem intererat Pontificis jam provecctâ ætate, & in occasum pronâ, ut pacem pro bello non mallet? sed æstimanti totam illam magnificentiam, quæ foris splendet, mortalem & caducam esse, nec aliud post brevissimas annorum periodos (quamvis ego longissimas cupiam) de Magno illo Ludovico superfuturum, quàm frigidum cinerem, animamquè immortalem, & hanc non regio apparatu, non exercitibus, sed bonis tantùm, malisvè operibus septam, tantoq; periculo viciniorem, quantò gravioribus rationibus obnoxiam: hæc, inquam,

cogitanti Innocentio meritò perfuaderi non potuit, ut ea Regi permetteret, quæ utriusquè conscientiam onerarent; nec utique dolere Regi debuit, si inter tam multos, qui illius animam in mortis æternæ discrimen adducunt, unus faltem Romæ effet, qui illam totis viribus curaret, retineretquè præcipitio vicinam; enimverò cum mundanarum rerum strepitus cessaverint, qui modo Regium animum occupant, cumquæ in Comitibus totius generis humani Divino Tribunali assistemus, cessabuntque dulces illæ, sed fallaces adulantium cantilenæ, tunc, inquam, agnoscat Ludovicus Rex, fideliora fuerint Innocentij consilia, nunc quidem ingrata suadentis, sed tamen salubria ac necessaria; an illorum, qui prætextu proferendæ Regiæ auctoritatis sibi gratiam & præmia quærunt, Regi verò ingens animæ periculum, seramquæ factorum poenitentiam.

*At non debuit tanti Regis Legatus accessu ad Pontificem prohiberi, quando Rex pro-*  
*E 3* *ferenda*

*ferenda Religioni Catholica tanto conatu  
successuquè laborat.*

Respondeo, multò minus debuiffe Romanum Pontificem, quo tempore tot curis, tot victoriis, tot Legationibus, tantaque auri profusione evertendo Turcico Imperio, ac Religioni Christianæ per totum Orientem amplificandæ laborat, domi forisq; à Gallis turbari. Comparerentur, quæ Ludovicus contra hæreticos in Gallia, quæque Innocentius in Austria, Hungaria, Græcia, & Peloponneso fecit, quæq; deinceps, nisi Galli prohibeant, in Europa, Asiaq; factururus est, videbunt ac fateri cogentur, nihil Innocentium Ludovico cessisse, & quod iste contra Calvinistas edictis, illum consiliis, armis, auro, precibusquè apud Deum contra Turcas præstitisse, hoc solùm discrimine, quòd Ludovicus unam, inermemq; Provinciam, nec ausam resistere, Innocentius tam multas, armatasquè Religioni subjecit: non ergo decuit tam gloriosum Pontificem, tamq; de re Christiana præclarè meritū eo ipso tempore à Christiana-

stianissimo Rege, filioq; Ecclesiæ primogenito, quo evertendæ Ottomannicæ impietatî tam anxie ac feliciter laborabat, tam acerba & hostilia pati.

*At Legatum non admisit.*

At Vos coegistis, ne posset admittere.

Cur enim Gallicum Legatum aliis conditionibus, quàm aliorum Principum admitteret? nemo istorum aliter acceptus est, quàm ut Asylo cederet, & tamen nemo istorum de injuria conqueritur, imò nec queri potest, cùm non de Regum, sed Latronum beneficio, commodoquè agatur. Quî igitur injuria dici potest,

quam nullus Regum pro injuria, pro dedecore habuit? Date locum justitiæ, permittite flagitia puniri, subducite sceleribus patrocinium, eo jure Legati vestri potiantur, quo omnium Regum Legati; liceat domi suæ Pontifici, quod omnibus Regibus, omnibus Principibus licet, & inquit dico omnibus Principibus? imò quod omni Prætori, quodq; omni Patrifamilias, & sic tandem Romam intrate.

Quòd si ne hoc quidem conceditis; non

deinceps culpam Pontifici adscribite, re-  
jecti Legati, sed vobis tam honesta recu-  
santibus. Quæ à Rege in expellendis  
Hæreticis peracta, magna utique & in-  
gentia sunt, ac spem omnem superantia,  
sed quanto pretio compensata? Revo-  
centur in memoriam infinita mala, quæ  
Calviniana hæresis Galliæ invexit, adeo  
ut propè fuerit Monarchiam in Rem-  
publicam, Reges in Consules mutari; &  
fateri cogentur plus Regni interfuisse,  
quàm Religionis, has faces extinguere, ne  
iterùm Galliam incenderent. Taceo in-  
finitos Thesauros ex proscriptorum bo-  
nis, neque hæc memoro, quasi elevare  
velim, quæ à Rege præclare sunt gesta,  
sed solùm ut ostendam, præmio non ca-  
ruisse. Deinde si bonum, quod ex pur-  
gata Gallia provenit, cum malis compa-  
retur, quæ ex contemptu Pontificis, ejusq;  
factis, scriptisque laceratâ auctoritate  
proveniunt, hæc multò majora; nam in  
totam Ecclesiam redundant, & commu-  
ni defectioni viam aperiunt, eratque mi-  
nus malum, hæresin in una Gallia tole-  
rari,

rari, quàm tam perniciosis exemplis, doctrinisquè totam Europam inficere, ac periculo exponere amittendæ Religionis; hæc nunquam stetit dejecto Pontifice; atque ut nulla hæresis fuit non Romæ inimica, ita nisi hujus societate nunquam floruit vera & Catholica Religio; quæ igitur gratia, ramos coluisse percussâ radice?

X. Quintò: (a) *Ignoratam fuisse, dicit, Lavardino Pontificis Romani Bullam.*

R. Ego Marchioni Lavardino tanto videlicet viro, tantique Regis Ministro nihil non credam, si ita jusserit, fidemquè exegerit. Cæterùm negari non potest, difficile id creditu esse, ac persuaderi hominibus vix posse. Quomodo enim latere illum potuit, de quo totus Orbis, ac Gallia imprimis tanto tempore, tantoquè strepitu loquebatur? De quo cum Ranucio Cardinali, Legatoquè Pontificis Lavardinus sermonem habuerat? cui tot Cardinales subscripserunt? Quam Romæ affixâ, & in omnium manibus viderat? De qua

E 5

loquen-

(a) *Fol. 3.*

loquentem, scribentemq; Cardinalem Estreum audierat, videratque; & denique cujus effectum jam senserat, quando sanctæ Luciae festum differri iussit, ne, si templum intraret, continuo sacra cum dedecore abrumpi videret. Si hæc tam clara, tam nota, & ubique locorum vulgata ignorari poterant, nescio quid non possit.

Sed quoniam Marchioni Lavardino placuit ignorantiam prætexere, credamus ignorasse; at non ideò effectum excommunicationis morari potuit. Quis enim nescit, non tantùm toto humano & Divino jure, sed etiam toto Orbe & omnibus Principum Tribunalibus neminem excusari *ignorantiâ juris* clari, vulgatique? Si Parisiis duello aliquis confligat, allegetque ignorantiam edicti Regij, quo duella prohibentur, num pœnam effugiet? Cùm ergo Bulla Innocentij non in angulis, non in latebris scripta, nec domi retenta, sed totâ urbe pependerit, nec Tabellionis tantùm manu, sed ipsius Pontificis, ac triginta & suprâ Car-

(dina-

dinalium calamo subscripta, ac septimo jam mense typis impressa, planè aut non potuit ignorari, aut non debuit, præsertim à Regio Ministro omnium arcanorum conscio, quantò magis omnium vulgatorum? Sed ignoraverit Lavardinus, ac etiam veniam ignorantia demus; quæro an si ergo Bullam compertam haberes, morem illi gereret, aut non gereret? si non gereret, frustrà ignorantia se purgat, quando etiam sciens, volensquè paratus est obsequium negare: si morem gereret, ergo jam saltem obtemperet, quando inficiari non potest, sibi de voluntate edictoquè Pontificis constare; nihil ergo excusando, liberandoquè Lavardino proficere ignorantia potest tot nominibus invalida.

*At Bulla Innocentij in Gallis promulgata non est?*

R. Nihil dici potest Gallis humanius, veniusquè, etiam cum lædunt, quippe osculum plagæ præmittunt, Romam Legatus ibit Pontifice invito: urbem armatus invehetur, bellanti simi-

lis ac velut cum hoste congressurus: magnam urbis partem armis implebit dominantis more, & publicum Asilum contra Principis edictum flagitiis aperiet, non tantum ut tuta sint, verum etiam, ut insultent prohibenti: Palatium, totamque viciniam excubiis, vigiliis, circuitoribus occupabit, perinde ut fieri solet in arce armis expugnata, terraque hostili; & hæc omnia Principe coram, nec aliis armis quam precibus pugnante: Ecclesias quoque perumpet, sacrisque cum fastu, contemptuque assistet nullam Vicarii Christi, nullam Censurarum reverentiam. Hæc omnia faciet, & cum causam rogatus fuerit tanti contemptus tantæque injuriæ, respondebit: *Bullas Innocentij in Gallis non esse promulgatas.* Quid si ergo essent promulgatæ, num ideò Lavardinus his omnibus abstineret? Cur ergo promulgatio prætextitur, cum nihil eam Galli morentur? finge nullas omninò Bullas esse, num ideò Lavardino licebit jus Gentium violare, alienum solum hostiliter ingredi, armisque occupare? & denique omnibus  
parri-

parricidis, adulteris, perduellibus, scele-  
ratisq; non libertatem tantum, verum  
etiam stimulos delinquendi addere im-  
punitate proposita? planè nullis Bullis  
opus est, nullaquè promulgatione, ut ista  
non liceant. Sufficiant edicta naturæ, Le-  
gesq; Evangelij, ut Lavardinus intelligat:  
*Quod sibi quis non vult fieri, alteri ne fa-  
ciat. Qui Pastorem Ecclesiæ audit, Deum  
audire, qui illum spernit, Deum spernere;  
& quæcunque Vicarius Christi ligat super  
terram, esse etiam ligata in Cœlis.*

Hæc tam clara sunt, ut neminem late-  
ant, possintq; à nullo negari; nisi fortè  
quis dicat legem Evangelij, legemq; na-  
turæ Parisiis promulgata non esse. De-  
inde quale illud est, ut oporteat Bullas,  
quæ Romæ fieri aliquid prohibent, eti-  
am Parisiis promulgari? Quoties Legati  
Pontificij, aliorumquè Principum jussi  
sunt regno excedere, aut armatis cu-  
stodiri, aut aurum Galliæ non efferre,  
aut peregrinas merces damno Regionum  
Vectigaliū non vanum proponere; num  
propterea aut Romæ, aut in Hispania  
E 7 diplo-

110 *De Abusu Franchitiarum*  
diploma, quo ista vertabantur, propositum est? & cum nuper Legati Moscovitici, qui magnam vim pellium Galliae intulerant, jussi sint, aut Mercatu aut Regno abstinere, num inquam, prius hoc edictum Moscoviae pependit? Cur ergo à Romano Pontifice petitur, quod à nullo Principum? nisi fortè, quia Christi Vicarius est, peiori illum conditione damnamus. Cum ergo Lavardinus Romæ esset, cum Romæ deliquisset, debuit quoque suffecitque Romæ puniri, & illic poenas dare, ubi pacem publicam, ubi jus Gentium, ubi Ecclesiam, Principemque offenderat. *Nec obstat, Legibus loci Legatum non teneri: Quia, ut Politici scribunt, Principalem representat nemini subditum;* id enim verum sit de legibus pænisque temporalibus, non verò de pænis spiritualibus, in quibus ratio cessat, cum nemo in rebus conscientiam spectantibus negare possit, se Pontifici subjectum esse. Nec poterat character, dignitasque Legati Lavardinum tueri, quem pontifex nunquam pro Legato habuit, recepitvè: cum enim Legatus sit à Principe ad Principem,

*contra Apologiam Lavardini. III*

cipem, & mutuo pacto mittentis ac recipientis constituatur, non potuit, nisi utriusque principis consensu Legatus dici, suntque infinita cum nostri, tum antiqui temporis exempla. Scio equidem multa esse, quæ Galli Bullis pontificiis eludendis obijciant, sed nec illud me latet, à Galliarum Regibus regnantis Monarchæ Antecessoribus, & à Galliarum prælatis summâ hæcenus veneratione exceptas esse.

Carolus Magnus, quo nemo potentia, victoriis, fortunâ major in suis Capitularibus: (a) *In memoriam B. Petri Apostoli honoremus sanctam Romanam & Apostolicam Sedem, ut, quæ nobis Sacerdotalis est Mater dignitatis, esse debeat Magistra Ecclesiasticæ rationis. Quare servanda est cum mansuetudine humilitas, & licet vix ferendum ab illa sancta sede imponatur jugum, feramus, & piâ devotione toleremus. Si verò quilibet aliquam perturbationem machinando & nostro ministerio insidiando redarguatur falsam ab Apostolica Sede detulisse epistolam, salvâ fide & integrâ humilitate*

(a) Ivo Carnot. in Decr. p. 5. c. 50. & habetur in Concilio Tribur. c. 30.

litate penes Episcopum sit potestas, utrum-  
eum in carcerem detrudat, usq; quò per epi-  
stolam aut per idoneos Legatos Apostolicam  
interpellet sanctitatem, ut potissimum sua  
sanctâ Legatione dignetur decernere, &c.

Ludovicus Caroli Magni filius jam mo-  
riturus ita filios Reges alloquitur: (a) *In-*  
*ibemus atque precipimus super omnia, ut de-*  
*finitionem Ecclesie S. Petri simul suscipiant,*  
*sicut quondam à proavo nostro Carolo & avo*  
*nostro Pipino, & beata memoria Genitore*  
*nostro Carolo Imperatore, & à nobis postea*  
*suscepta est, ut etiam cum DEI adjutorio ab*  
*hostibus defendere nitantur & justitiam*  
*suam, quantum ad eos pertinet, ac ratio po-*  
*stulaverit, habere faciant, &c. Quæ autem*  
*major, magisq; necessaria Justitia, quam*  
*ut Pontifici de rebus sacris imperanti,*  
*suamq; Jurisdictionem vi occupatam tu-*  
*enti fideles obtemperent?*

Sanctus quoque Ludovicus inter alia  
monita, quæ Philippo filio moriturus re-  
liquit:

(a) *Apud Pithæum & Spondan.*  
*ad ann. 838.*

liquit: *Sis devotus & obediens Matri nostra Romana Ecclesie, & Summo Pontifici tamquam Patri spirituali.*

Ipsi Gallie Episcopi, quando consecrantur, hoc se juramento obstringunt: *Decreta, Ordinationes, sententias & mandata Apostolica totis viribus observabo, & faciam ab aliis humiliter observari..... mandata Apostolica humiliter recipiam, & quam diligentissime obsequar.*

S. Bernardus præclarissimum Ecclesie Gallicanæ lumen aliquorum objectionem præveniens: (a) *Sed dicit aliquis debitam Pontifici reverentiam exhibeto & nihil amplius; esto, fac quod dicis? quod si exhibeas debitam & plenā, plenitudo siquidem potestatis super universas Orbis Ecclesias singulari prerogativa Apostolicæ Sedi donata est, qui igitur huic potestati resistit, Dei ordinationi resistit.* Hæc quondam Regum Prælatorumq; Gallie sententia fuit, possetq; infinitis exemplis confirmari, si vellem toties jam dicta & libris vulgata repetere. A quib<sup>9</sup> quantum distet

Lavar-

(a) S. Bernardus Ep. 131.

Lavardini exceptio promulgationem  
causantis, nemo non videt. Prohibent  
Romana Diplomata Galliæ inferri, pro-  
hibent recipi; & postea causantur, non  
esse recepta, non esse vulgata, non esse  
nota, hoc nimirum Carolus Magnus vo-  
luit, hoc Ludovici, hoc Bernardus, hoc  
ipsi Episcopi jurarunt, cum Sacramento  
polliciti sunt: *Totis viribus Apostolicas  
mandata recipere, & quàm diligentissimè  
exequi.* Quamquam frustrà consumor-  
rebus probandis tam claris, tamq; indu-  
bitatis, quæq; jam dudum ipsi Lavardino  
perspecta sunt viro tantâ rerum experi-  
entiâ claro: sed maluit aliquid dicere,  
quodcunque illud esset, quàm seipsum si-  
lentio damnare more Athletarum etiam  
in casu luctantium; idque præclare qui-  
dem, si lusus, non res seria ageretur; au-  
lucta cum alio adversario, quàm cum ve-  
ritate & justitia esset.

XI. *Sextò, addit Anonymus: (a) Lavardinum sine forma, sine causa, sine ratione, non auditum, non defensum, Romano pro Excommunicato declaratum esse.*

(a) *Fol. 3.*

*B. Gal.*

Ry. Gallis nihil videtur, quidquid Lavardinus Romæ deliquit; at aliud non tantum Pontificis Romani, sed etiam totius Europæ judicium est. Si ergo causa quaeritur, ob quam excommunicari meruit, dico non unam, sed plures, imò gravissimas fuisse; videlicet, quòd contra Pontificis Bullam sub pœna excommunicationis latae sententiæ, ipsoq; facto incurrendæ, jus Asyli, & Quarteriorum, ut vocant, usurpaverit; quòd non minimam urbis Romanæ partem armis occupaverit, armisq; retinuerit: quòd contra omne jus Gentium non Legati, sed hostis & bellatoris more urbem invecus sit, Principe coram, ac magno publicæ quietis periculo: quòd Palatio & vicinæ regioni excubias, circitores, armatosque cum tessera militari circumfuderit, id quod nullibi terrarum, & à nullo Legatorum hætenus factum, solique Principi licet: quòd Julii III. Pii IV. Gregorii XIII. aliorumque pontificum Bullis crimine læsæ Majestatis se obstrinxerit: quòd publicanos & principis vectigalia non

non

Principis Vectigalia non paucis millibus fraudaverit, solvique prohibuerit. Præsertim verò quòd ingenti urbis offensione ac Religionis contemptu sacra profanaverit, idquè tanto fastu tantaq; ostentatione ac derisu supremæ in rebus Ecclesiasticis Pontificum auctoritatis, ut post Attilæ & Alarici ætatem, aut saltem post irruptionem Borbonij nihil simile Roma conspexerit, fueritq; periculum tam perverso exemplo totam urbem, Italiamquè corrumpi. Hoc nulla ætas Lavardino ignoscet; quidquid enim litis cum Pontifice fuerit, non ideò Religio in discrimen vocari, ludibrioq; infidelium exponi debuit. Hæc ergo tam multa & magna, cùm Lavardinus deliquerit, innocenti tamen, & admirantissimis quærit: *Quam ob causam Pontificis indignationem meruerit?* Planè si non dico omnia, sed vel minimum eorum, quæ Romæ peracta sunt, Parisiis ab aliquo Legatorum contigissent, num illum vel momento Rex ferret? Enim verò nunquam Lavardinus præpotentium reorum

reorum

morc

more causam & delictum fatebitur; sed hoc nihil morari Pontificem debuit: iusta enim, an iniusta sit causa, ob quam anathemate punitus est, non Lavardini, sed Orbis terrarum, aliorumq; Regnantium exemplo (qui Asylo cessere) ac praesertim Pontificis iudicio decidendum fuit, qui more aliorum Principum, rerum, urbiumq; suarum solus Iudex & moderator est; tam enim Pontifex Dominus Romae est, quam Rex Parisiis. Si ergo nullius Principis Legatum eâ ratione Parisiis Rex pateretur, quâ Lavardinus uti voluit Romae, nec suarum Legum causas ab aliis, quam à se uno examinari ferret, quid tandem deliquit Innocentius, quidve commisit iniusti, si id Romae fecit, quod Rex Parisiis fecisset?

*At excommunicare non debuit?*

At mutò minus debuit Lavardinus excommunicationem provocare, imò extorquere. Repetantur enim memoria, quae Romae peracta sunt, & nemo inficias iverit, ex industria & velut studiosè

studiosè à Gallis curatum esse, ut invito ac tergiversante Pontifice censuras exprimerent. Quæ enim necessitas fuerat, cum constaret de pontificis voluntate, aliorumquè Regum exemplo Aſylo abstinentium, Legatum mittendi (nam Gallicis negotiis Estreus Cardinalis sufficere poterat, imò abundare) urbemq; armis non militariter tantùm, sed hostiliter etiam implendi? nam quòd nec pugna, nec cædes contigerint, non humanitas invadentium, sed modestia pontificis fuit arma prohibentis.

Rursus quid oportebat Lavardinum nocte Nativitati Salvatoris sacrâ tantâ cum pompa, cultuq; ac apparatu insultantis in Ecclesia comparere, sacrisq; palam defungi, quæ non ignorabat sibi à pontifice interdicta? Si tanta, ut inquiunt, pacis cupido, cur non expectatum? cur Legatio non aliquamdiu dilata, dum mitescerent animi, dumq; tempus remedii suggereret, aut saltem dum finis Turcico bello imponeretur, quod planè Galli prævidebant ingenti cum damno Religio-

gionis Christianæ abruptum iri, si pergerent, pontificem, Italiamq; turbare. Unde multorum sententia fuit, studiosè à Gallis hanc occasionem captatam esse, ut bello Italiæ illato, aut saltem belli periculo, Italiæ Germaniæq; principes, ac ipsum Imperatorem à Turcis averterent, cogerentq; finem victoriis ponere, ac Imperio Ottomannico jam cadenti requiem, pacemq; concederent, idquè non tam Barbari amore (quod nefas de Christianissimo Rege cogitare) quàm metu Austriacæ potentiaè tot victoriis, tot provinciis auctæ. Sed absit à me credi tam aliena à pietate & magnitudine Ludovici Regis, cui nulla major cura, quàm Religionis, quique alienis damnis non eget, ut crescat, viribus ac potentiâ sua tutus. Illud verum est, & negari non potest, multò gloriosius, utiliusquè Regiam indignationem in Barbaros Turcasquè, quàm in pontificem conversum iri, cum causæ & injuriæ non desint longè atrociores. Nota sunt, quæ Gallico Oratori Constantinopoli evenère, quando tam indignè

indignè

indignè à Turcici Imperii Ministris habitus est, ejectusquè aulâ, mancipii more, & tamen quàm clementer à Gallis dissimulatum? Idem ergo sperari pro Pontifice poterat, præsertim cùm nihil tale Lavardino contigerit, & saltem Innocentii ætas, merita, sanctitas, curæquè delendis Ottomannis tam feliciter impensæ veniam, aut saltem moras aliquas mererentur. Petimus pro Innocentio, quod Turcis spontè concessum.

Quod verò dicitur: *Pro re merè temporali, qualis est immunitas à Gallis prætensa, non debuisse Lavardinum excommunicari.* Facile ignosci potest Advocato Lavardini, quippe sacrorum Canonum, Ecclesiasticæ disciplinæ, & idiomatis, quo sancti Patres ab initio florentis Ecclesiæ semper usi sunt, ignaro; isti enim semel Ecclesiæ, Deoque donata non pro rebus merè temporalibus, sed pro rebus sacris, ac Christi patrimonio habuerê, & ideò istorum usurpatio etiam in ipsa Gallicana Ecclesia pro sacrilegio semper habita est, abstineoquè exemplis, utpotè  
in

in re clara, ac in omnibus sæculis nota. Planè hanc Theologiam ignorârunt antiquæ Ecclesiæ Patres, quando in causis etiam temporalibus non Reges tantùm, sed Orbis totius Imperatores anathemate perstrinxerunt. Sic Ambrosius Theodosium ob cladem Theſſalonicensem. Sic Stephanus VI. Carolum Magnum, si nuptias cum Longobarda junxisset Desiderij filia. Sic Basileense, & Constantiense Concilia toties à Gallis laudata, & Gallicis Præsulibus plena in causis merè temporalib<sup>9</sup> Principes excommunicant, ut videre est sessionibus 20. 31. 37. & ultimâ. Atque ne Galliis, & argumento, de quo agitur, exeam<sup>9</sup>, placeat ea tantùm audire, quæ Parisiensis & Turonensis Conciliorum Patres in hac causa decreverunt. (a) *Placet, inquit Parisienses, ac omnibus convenit, ut quicumq<sup>3</sup> res Ecclesiæ injustè possidens præsumpserit retinere, ab omnibus Ecclesiis segregatus, à sancta Cõmunionem habeat.*

(a) *Concil. Paris. I. cap. 1. & c. 2.*  
Anno 570.

habeatur extraneus, neq; aliud mereatur  
 remedium, nisi culpam propriam verum  
 emendatione purgaverit. Indignè enim  
 ad altare Domini properare permittitur  
 qui res Ecclesiasticas audet rapere, & in-  
 justè possidere. Et infrà: Perpetuo ana-  
 themate feriatur, qui res Ecclesie confisca-  
 re, aut conterere, aut pervadere presumpse-  
 rit. Nota sanctissimos, præcipuâque do-  
 ctrinâ huic Concilio interfuisse, quorum  
 princeps S. Germanus Episcopus Parisien-  
 sis. Patres Concilij Turonensis II. (a)  
 Inviolabiliter servandum censemus, ut qui-  
 cunque tam Ecclesie, quàm Episcopi res pro-  
 prias pervadere, competere, vel confiscare  
 presumpserit, & pertinaciter in pervasione  
 perstiterit, ut verè sit super eum maledictio  
 qua super Judam venerit, ut non solum ex-  
 communicatus, sed etiam anathema moriatur,  
 & cœlesti gladio fediatur. En senten-  
 tiam Gallicanæ Ecclesie, tunc videlicet  
 temporis, cum doctrinâ & sanctitate flo-  
 rebat, ac cum omni adulatione ac ambi-  
 tu procul, veritati, non gratiæ scribebat.

(a) Concil. Turon. c. 24. Anno 570.

Scio omissis infinitis aliis hæc duo testi-  
monia sufficere, si tam facilè Gallia per-  
suaderi posset, quàm facilè convinci; sed  
illud molestum est, quòd ratione supe-  
rati ad potentiam, viresquè appellant:  
nec istis opponi aliud potest, quàm Di-  
vina protectio, omni tandem humanâ  
superior; hîc Innocentius acquiescit, pa-  
ratus experiri, quidquid aut Gallo, aut  
Deo placuerit; nec enim Innocentij cau-  
sa, sed Dei agitur; vincet aut cadet, ut-  
cunque Cœlo videbitur.

*At citari, moneri, audiriq; prius debuit.*

Non ignorat Roma, quid in hujus-  
modi causis fieri, omittivè oporteat;  
planè infelix sit & rudis, si Ecclesiasticos  
ritus, formasquè Censurarum discere à  
Regibus, militibus & Advocatis debeat.  
Neminem prius fidelium communione  
arcendum esse, quàm monitus, auditusq;  
sit, res est certa, ac millies in sacris Cano-  
nibus repetita, ac præsertim in Parisiensi  
& Turonensi synodis, quas paulò antè  
citavimus. Sed æquè certum est, quoties  
Censuræ non ab homine, sed à jure & Le-

ge feruntur, nullâ aliâ monitione opus esse, cum satis ac semper ipsa lex moneat; in notoriis quoquè, & quæ nullâ tergiversatione celari, negativè possint, non oportet, ut monitio aut citatio declarationem præcedat. Præsertim, cum Excommunicatio non est comminatoria, sed latæ sententiæ; & non in genere tantum, sed in particulari casu, & contra particularem personam inflictâ. Consilium quoquè Lateranense, & ipsa Conventio, seu Concordatum, inter Pontificem Leonem X. Regemq; Galliæ Franciscum I. clarè disponunt, cum de Excommunicatione ita constat, ut ea nullâ tergiversatione celari possit, sine alia denuntiatione pro Excommunicato habendum, vitandumquè esse. Hoc cum Collegium Ecclesiæ S. Ludovici non observaverit, meritò interdicto supponi debuit, & simul Lavardinus pro Excommunicato declarari. Hæc sunt comperta & millies nota, nec à Lavardini Theologis ignorari poterant, sed oportuit aliquid dici, quodcunquè illud esset, ne

ne viderentur culpam silentio fateri. Notum erat Lavardinum Romam intrasse, notum quoque armatis, excubiisque Palatium ejusque regionem obsedisse, ne Justitiæ Ministris pateret, notum quoque natalitiâ Christi nocte sacris Mysteriis procuratum esse; quid ergo in re tam clara, tamque indubitata, totaq; Româ inspectante facta, citari illum, interrogariquæ oportuit?

XII. *Septimò, (a) pergit Anonymus dicere: Honores, quibus in Ecclesia S. Ludovici Lavardinus affectus est, dignitari Gallici Oratoris annexos esse, quippe Gallici Regis Majestatem representantis; non ergo aut à Pontifice, aut ab Ecclesia pendere, neque hanc ob causam potuisse à Romano Pontifice Lavardinum excommunicari, aut Ecclesia S. Ludovici interdicto supponi.*

R. Utinam Lavardini Satellites & Advocati de armis potius & castris, quàm de excommunicatione & Interdictis loquerentur, quæ non intelligunt. Nec enim Ecclesia S. Ludovici interdicto subjecta est, quòd ejus Ecclesiæ

(a) Fol. 3.

F 3

Sa-

Sacerdotes Lavardino honores detulerint Legato debitos (quamvis & hinc peccatum, cum revera Legatus non fuerit) sed ut loquitur Edictum: *Quòd ausi fuerint ad Divina officia & participationem Sacramentorum admittere, cum constaret, notorie excommunicatum esse.* Si ergo non patitur Lavardinus Pontificem discernere de honoribus Legato debitis; æquè Pontifex non patitur Lavardinum de Ecclesiis & Censuris iudicium ferre, quæ à solis Sacerdotibus cognosci debent, Romæ præsertim, ac in Regia Pontificis. Similis ferè est Lavardini querela, cum in Apologia dixit: *Regis Christianissimi Ministros, utpotè qui personam ad Majestatem ipsius Regis referant, nullis Censuris subjacere.* Quæro enim à quanto tempore potiri Reges hoc privilegio ceperint? mihi enim historiam Ecclesiasticam percurrenti infinita Exempla occurrunt Regum, quos non tantum Pontifices, sed etiam Galliæ Antistites excommunicatione perculerunt. Pauca ex multis libabo. S. Chrysostrmus de Regibus univ-

universim ita loquitur: (a) Et ad vos  
( Sacerdotes alloquitur ) sermonem con-  
vertere necessarium est, ut cum multo studio  
hæc dona ( sacram videlicet Eucharisti-  
am ) distribuatis, non parva vobis immi-  
net ultio, si quemquam ullius culpæ consci-  
um, hujus mensæ participem esse concedatis.  
Sanguis ejus de manibus vestris exquiretur,  
sive quis Dux militiæ sit, sive Præfectus, sive  
Princeps diademate coronatus; indignè,  
autem accedat, prohibe: majorem illo pote-  
statem habes, hoc vestra dignitas est, hoc se-  
curitas, hoc corona. Ex prima Clodovæi  
Merovingica stirpe, S. Germanus Epi-  
scopus Parisiensis Charibertum Regem,  
& Manovefam, quam incestis nuptiis  
duxerat, anathemate ferit: (b) Cumquæ  
( verba sunt Gregorii (c) Turonensis  
eam Rex relinquere nollet, percussa judicio  
Dei obiit. In secunda Carolina stirpe  
Stephanus IV. Romanus Pontifex Ca-  
rolo

F 4

rolo

(a) S. Chrysostr. hom. 60. ad Popul.  
Antioch.

(b) Anno 570.

(c) Greg. Tur. histor. Fran. l. 4.

rolo *Magno* recentibus adhuc in Apostolicam Sedem meritis excommunicationem (a) intentat, nisi continuo nuptias cum Desiderij filia abrumpat, tantumq; abfuit indignari Carolum, aut id Majestate Francicâ indignum ducere, ut potius quàm primùm paruerit, Longobardâ ejectâ. In eadem secunda stirpe Carolum simplicem foedus cum Northmannis infidelibus parantem S. Fulco Rhemensis Archiepiscopus suo & omnium Galliae Antistitum nomine his verbis absterruit: (b) *Cum omnibus Episcopis meis ego vos & omnes vestros excommunicans, aeterno anathemate condemnabo. Vides, quæ tunc temporis non unius Fulconis, sed totius Gallicanæ Ecclesiae mens & sententia fuerit. In tertia Galliae Regum Dynastia Robertus Hugonis Capeti filius, quòd incestas nuptias junxisset, à Galliae Episcopis sacris exclusus, adeo*

(a) *Habetur Epistola Stephani tom. 3. Concil. V. Emil. & Spondan. ad Annum 770.*

(b) *Flodoard. l. 4. c. 5. Anno 898.*

omnibus horrore fuit, ut vix tres famuli obsequio superfuerint, anathematis reverentiâ, profecitquè severitas, pellice paulò post palatio pulsâ. Rem Damianus (a) & Pithæus narrant. Ex eadem Dynastia ob similem causam *Philippus* Roberti Nepos primùm in Concilio Lugdunensi, deinde ab Urbano II. absolutus, teste Ivone (b) Carnotensi. *Philippo II.* æquè Francorum Regi, quòd legitimam uxorem dimisisset, anathema intentatum, ac Gallix Regnum interdicto subiectum est, idquè Gallix Episcopi adeò non improbârunt, ut quamplurimi eorum exilio puniti sint, (c) quod Pontifici paruisent. Tandem resipuit, petitâ ab Innocentio veniâ, receptaquè in thalamum Reginâ. Ex stirpe & Dynastia Valesia

F 5

Hen-

(a) *Petrus Damian. l. 2. Ep. 15.*

*Pith. in chron.*

(b) *Ivo Carnot. Ep. 166. & 169.*

(c) *V. Spondan. ad ann. 1198. Raynald. ann. 1200. n. 9.*

*Henricus III.* à Sixto V. monetur, ut Borbonium Cardinalem & Archiepiscopum Lugdunensem carceribus liberet, nisi faciat, pro excommunicato declaratum iri, fuitq; monitorium in Galliis, Carnuti, Metisq; promulgatum, & quia eodem anno mors Henricum prævenit, ejus cadaver publico funere, solitisq; suffragiis supra duodecim annos caruit (quòd crederetur excommunicatus decessisse) donec sub Henrico IV. agente Ossato (a) Cardinali & absolutionem Henrici IV. nomine, ac Elisabethæ Regiæ viduæ infinitis argumentis urgenti, tandem à Clemente VIII. impetrata est. Agnovit ergo Gallia posse Reges excommunicatione puniri. Idem Henricus Rex per Cenomanensem Episcopum, Cardinalem Jojosam, ac Pisani Marchionem Legatos, ac in genua provolutos absolvi à Censuris rogavit, quas ob eadem Guisij Cardinalis incurrerat; (b) nec tamen obtinere

(a) *V. Spondan. ad annum 1589. n. 16. & Ossat. Ep. 215.*

(b) *Sondan. cit.*

obtinere potuit, quippe Borbonio Cardinali & Lugdunensi Archiepiscopo necdum carcere eductis. Ex stirpe Borbonica Henricus Navarrae Rex ob hæresin, quam semel abjuraverat, iterumquæ professus fuerat, à Sixto V. diris percussus est, idquæ ritè à Pontifice factum Clerus Gallicanus agnovit, habuitq; Regem pro excommunicato; & quamvis Henricus vehementer excommunicationi adversatus sit, nunquam tamen privilegium obtendit, quòd Reges excommunicari non possint: sed solum quòd hæreticus non esset, qualis à Sixto arguebatur. Ipsa Sorbona inter alias propositiones (quas Henrico addicti vulgaverant) hanc quoquæ in publico Senatu decimâ Februarij damnavit. *Pontificibus Romanis jus non est Reges excommunicandi.*

Ita scribit Spondanus, (a) qui ad annum 1585. refert ejusdem Henrici instructionem Ossato & Peronio Legatis suis datam, in qua petebat Rex à Censuris & excommunicatione absolvi, quas incurrerat.

F. 6

(a) Spondan. ann. 1590.

currerat. In ipsa quoque absoluteione à Clemente VIII. publicè Legatis concessa, Rex à Censuris, quibus tenebatur, (a) liberatus est.

Et si hæc omnia deessent, sufficeret clarissima Christi sententia Petrum alloquentis: *Quæcumque, inquit, ligaveris super terram, erunt ligata & in Cælis.* Si *quæcumque*, ergo & Galliæ Reges, nisi dicant, ad istos Evangelium non pertinere, aut Christi præceptis exemptos esse.

Ex his omnibus aliisque quàm plurimis, quæ silentio prætermittimus, palàm est, potestatem excommunicandi Reges semper in Galliis agnitam, exercitamque, imò & saluberrimam fuisse, quoties sanandis hoc remedio ægris Principibus suam Episcopi operam Pontifici sociarunt. Nunquàm Henricus IV. & fortè nulli amplius Galliæ Reges Catholicam Religionem amplexi essent, nisi illum Pontifices vibratis Censuris compulissent. His ergo Gallia debet conservatam Religionem, & tot alia bona, quæ ex Re-  
ligio-

(a) *Spondan. ann. 1590.*

ligione consequuntur; nec verò aut Carolo Magno aut Henrico Magno quidquam Majestatis decessit, quòd se punienti Pontifici submiserint, imò venerationem illis amoremquè auxit subjectio, non vi, nec metu, sed Religione expressa. Et Magno Theodosio quid nocuit ad pedes accidisse Mediolanensis Antistitis? num ideò minus potentiâ, victoriis, reverentiâ subditorum floruit? imò tantò major, quantò modestior, subjectiorquè Sacerdoti: & cui istorum ad Concilium, aut ab abusu appellandi cogitatio incidit?

Non hæc dico, quasi ignorem, quam parcè sacris fulminibus uti Pontifices oporteat, in Reges præsertim, quorum arbitrio sedet, aut obsequi, aut obniti ac plerumquè pudet moneri, multoquè magis puniri: nec facilè culpam agnoscunt libertate peccandi, ac famulantium adulatione: nec etiam me latet, quantum mali proveniat ex facilitate Censurascumulandi. Cæterum nihil est tam sanctum, quo abuti

non possis, nec nos abusum, sed usum commendamus, eumquè præparcum & necessarium. Quot mala ex potestate regnandi, bellumquè indicendi? quot ex matrimonijs, negotiationibus, judicijs proveniunt? num propterea hæc omnia damnanda abusu obtentu? Idem de excommunicatione & Censuris dicas, quas cum necessitas Innocentio extorserit, nemo Judicem accuset, qui pœnam dictavit: sed reum, qui meruit, imò qui extorsit.

Auctor quidem seu potius Compiler libertatum Gallicarum multa congerit, ut ostendat, non posse Reges excommunicari; sed ea planè nihil probant, cum tantum aut facta aliqua Principum narrent, ex quibus nullum jus colligi potest (quid enim non licebit, si exempla sequamur?) aut aliqua Parliamentorum Senatûs Consulta, quibus nulla potestas est de auctoritate Ecclesiastica, ejusquè finibus judicandi; aut denique abusus tantum Censurarum damnantur. Taceo hunc librum anno 1639, ab ipso Galliarum Clero

*Apologiam contra Lavardini. 135*

Clero Parisijs damnatum, prohibitum-  
què esse: *Quòd* (verba sunt Spondani)  
*multa contineret, quæ magis ad Ecclesiæ*  
*servitutem tendere, & schismatis occasio-*  
*nem præbere viderentur, & ideò primò à sa-*  
*cro Consistorio Regio prohibita sunt distrahi*  
*& vendi: deinde Eminentissimorum Car-*  
*dinalium, cæterorumq; Illustrissimorum*  
*Antistitum, qui tunc Lutetia reperti sunt*  
*undeviginti: nescit enim Ecclesiæ Gallicana*  
*libertates, quæ malum operantur: nescit ju-*  
*ra, quæ illam à Romane Matris firmissima*  
*connexione & filiali obedientia divellant.*  
Haftenùs (a) nobilissimus scriptor.

XIII. Octavò. (b) *Sed, inquit Ano-*  
*nymus, si jus Asyli, & immunitatum abu-*  
*sus est tam horridus, tantaq; abominatione*  
*dignus, ut Pontifex Religioni & Conscientiæ*  
*sibi duxerit illum amplius ferre; cur ergo*  
*tanto jam tempore illum tulit? cur post tot*  
*annos Conscientia Pontificem monuit? Id*  
*planè indicio est, quàm Conscientiam*  
*queri.*

R.

(a) Spondan. ad ann. 1639. (b)  
Fol. 4.

R. Nihil festivius est, quàm audire Lavardinum, ejusq; Advocatos de Conscientia & Religione loquentes; suam enim Conscientiam Pontificis metiuntur; & cum illis postrema sit hæc cura, sedemque ultimam obtineat, ludere putant, quotquot conscientiam appellant. Tulit ergo Pontifex primis annis hunc Asylorum abusum eo ferè pacto, quo Agricola lolium & Zizania florente in agro: non quòd amet, sed quòd frumento sit mixta, quæratque occasionem evellendi. Eademque ratione quæri posset, cur Galliæ Rex, si conscientiam sibi duxit Calvinistarum hæresin in Gallia ferre, non statim ejecerit? Planè Innocentius in ipso statim limine initi Pontificatus professus est, se Asyla nunquam laturum, ut tamen Regum Majestati honor haberetur, lentè processum; moniti, rogati, convictique rationibus sunt: expectatum quoque, dum Principum Legati, qui tum vivebant, decederent. Tandem ubi omnia parata, ubi veneratio Pontificis tot rebus secundis aucta, ac ipse  
Rex

Rex Gallia pollicitus, se aliorum Principum exemplis imitandis non ultimum fore, ubi denique alij Reges Asylo cessere; merito visum est Pontifici, non amplius cessandum. Expectavit ergo aetatem, ut meteret. Quid potuit à Pontifice aut prudentius, aut humanius fieri?

XIV. *Nonò.* (a) *Verbis*, inquit Anonymus, *generalibus non comprehenduntur persona notâ speciali digna, quales sunt Principum Legati: non potuit ergo Lavardinus ex verbis Bullæ pro excommunicato haberi. Imò nec dici quidem potest, Lavardinum casum Bullæ incurrisse, quippe vim nullam adhibuit, nec cursum Justitiæ impedivit.*

R. Oportet ab hoc Lavardini Advocato Bullam Innocentij, ne quidem lectam fuisse, alioquin nunquam hæc scriberet tam adversa veritati. Renovat Innocentius Julij III. Pij IV. Gregorij XIII. Diplomata, & illa verbatim recitat; at in illis expressa fit Legatorum mentio; qui ergo dici potest Bullam Innocentij nihil de Legatis loqui? Deinde in Bulla

(a) *Fol. 4.*

Inno-

Innocentij hæc clausula adjungitur, videlicet: *Omnes quâcunq; dignitate & auctoritate tam Ecclesiasticâ, quàm seculari præfulgentes, etiamsi de illis specialis, specifica, expressa & individua mentio faciendâ esset.* Quæ verba ex omnium Juris-Consultorum sententia æquivalent expressioni individua: tantumq; operantur, quantum si Lavardini nomen in Bulla recitatum esset; demonstrant enim enim Pontificis voluntatem. Et quamvis hæc omnia non essent, quis nescit sacro Cardinalium Collegio, omnibusque Romæ Prælati ex parte Pontificis denuntiatum esse; caverent, ne Lavardino sociarentur, quippe sacris interdicto; imò ipse Lavardinus à Renuccio Cardinali de voluntate Summi Pontificis monitus est: actum maximè, cum Clericis Lateranensis Ecclesiæ indictum, ut si Lavardinus Divinis officiis assisteret, quæ in honorem sanctæ Lucie peraguntur, continuo sacra cantumq; abrumperent, ut fieri solet, cum adstant palàm excommunicati; quid ergo amplius fieri potuit, ut

ut constaret Pontificio Diplomate Lavardinum comprehendi? sed piget tam claris immorari, & misereor Lavardini tam infelici Advocato nixi, & tam absurda narrante. Paria sunt, quæ dicit, *denon impedito Justitiæ cursu nullaq; vi adhibita.* Nam quàm verum id sit, satis intelligas ex ijs, quæ de ingressu Lavardini jam suprâ recensui, & quæ quotidie geruntur, Româ fremente, ac Pontificis moderationem contra tot insultus demirante.

XV. *Decimo. (a) At Sixtus V. quamvis Inre Asyli Legatos prohibuerit, non tamen adjunxit pœnam excommunicationis, imò sustulit à suis Antecessoribus jam latam.*

R. Non sequitur, ut quod unus Pontifex omisit, alius quoq; omittere debeat. Quàm multa à Ludovico Rege (qui modò Galliarum potitur) confecta sunt, ejus majoribus planè intentata? ergo omnibus rebus sua ætas & maturitas est: alioquin quantum Principibus orium &

steri-

(a) *Fol. 4.*

sterilitas erit, si non faciant, nisi jam facta? Deinde nota est omnibus Sixti severitas, qui cum timeri vellet, temporales pœnas ante spirituales habuit, maluitque curandis delictis ferro uti, quàm cruce. Alia methodus Innocentio, cui cum Magnatibus pugna, & ideò Religione, non supplicijs damnandos censuit, risumquè provocâisset, si carceres, aut exilia, aut multam Regibus minaretur. Nec obstat exemplum Sixti, quando alia, multoquè majora exempla suppetebant, quæ Innocentius imitaretur, Chrysofomi videlicet, Ambrosij, Athanasij, Gregorij Magni, Nicolai I. aliorumquè Pontificum, quos infrà memorabo.

XVI. Undecimò: (a) *Si Innocentius, inquit Anonymus, prius Consilia & vota sacri Collegij excepisset, quàm Bullam vulgaret, seque tam grandi periculo immergeret; nihil simile aggressus esset, Patrum ac presertim Cardinalis Estrei rationibus victus.*

(a) *Fol. 4.*

R. Supponit Lavardinus, Bullam Innocentij, quâ Legatorum Asyla prohibentur, solo Pontificis, ejusquè domesticorum nutu excidisse, non rogatis, non auditis Cardinalium votis. At verò id tam falsum est, ut pudeat refellere. Legant Pontificis Bullam, videbuntquè Purpuratorum nomina magno numero subscripta; num verò subscriberent aut non lecta, aut non probata? major est Romæ, quàm Parisijs dicendi libertas: licet Cardinalibus & sentire & loqui, nec ullus exilio punitus, quia verum dixit; ut nuper in Regaliæ causa Parisijs factum. Illa quoquè verba Bullæ inserta videlicet: *De fratrum nostrorum S. R. E. Cardinalium consilio, & assensu, ac prematurâ consideratione præhabitâ*, Galum falsi convincunt. Multò minùs dici potest *Cardinalem Estreum in hac causa auditum non esse.* Quis enim Estreum prohibuit, ne loqueretur? aut quando ei occasio loquendi defuit? aut quando accessu Pontificis prohibitus est? Planè excusari non posset  
Car-

Cardinalis socordia, si obmutuisset, cum tam multis ex causis ad dicendum urgeretur: imò non tantùm dixit, sed etiam scripsit: at veritas & justitia causæ, vocem & calamum vicit.

XVII. *Duodecimo*: (a) *Nam, inquit, Pontificem decuit, sustinenda cause merè temporali ac politica (qualis est, quæ Asyla Legatorum spectat) sacram dignitatem, pacemq; statûs Ecclesiastici, imò totius forsan Europæ periculo exponere.*

R. Credo equidem, quando Innocentius de abrogandis Asylyis cogitavit, id primùm & ante omnia expendisse, plus boni an mali hæc mutatio pareret: nec improvisa illi pericula, quæ modò narrantur; sed tanti non erant, ut tam sanctum & necessarium opus morari deberent, idque justissimis ex causis, ut jam commemorabo, juvatq; longiùs immorari rationibus exponendis, quæ Pontificem obfirmârunt; video enim id potissimùm Innocentio objectum, ac præsertim ab Estreo Cardinali, cum votum suum

(a) *Fol. 4.*

suum calamo exponeret; videlicet imperitos Medicos Pontificem imitatum esse, quando morbum mederi aggressus est peiori remedio. Sed nego, mecumque negabunt, quotquot pacatis, placidisque animis rem totam considerant, debuisse videlicet tam gravem, plenumque flagitijs abusum ferri metu malorum, quæ jam tum præviderat, & nunc tanto strepitu à Gallis præcinuntur.

Nam *Primo* supponunt Galli, Jus & immunitates Asylorum rem esse merè politicam & temporalem; at maximè falluntur: cum enim infinita sint flagitia, quæ illorum causâ, & spe impunitatis patrabantur; idquè omnium Nationum, quæ Romam concurrunt, pessimo exemplo; oportuit Asyla considerari non solum ut loca, in quibus Principis potestas & Jurisdictio violatur; sed etiam in quibus suprema Dei Majestas gravissimis injurijs afficitur; at verò quid magis ad Christi Vicarium pertinet, quam quovis humano respectu seposito cavere, ne Christus tam indignè offenda-

tur,

tur, & tot animæ pessumeant Christi Sanguine redemptæ? non ergo causa Asylo-  
rum est causa merè prophana, nisi fortè  
illis solis, qui nullâ Dei & animarum curâ  
tanguntur.

*Deinde* suprema Pontificis Jurisdi-  
ctio, quæ tot Asyulis in urbe violatur, non  
est inter causas merè prophanas censen-  
da; quæ enim ad Ecclesiam pertinent,  
Deo dicata sunt, nec possunt sine sacrile-  
gio usurpari. Id tam certum, ut nihil  
frequentius jam ab initio florentis Eccle-  
siæ sit à Patribus inculcatum: omittoq;  
exempla & testimonia Patrum jam alibi  
narrata. Cadit ergo præcipua Lavar-  
dini ratio, cum videlicet negat, pruden-  
ter Innocentium fecisse, quòd in causa  
merè temporali & politica sacram Pon-  
tificis dignitatem cum Regia colliserit,  
adduxeritquè in tantum discrimen.

*Tertiò.* Si toties Pontifici abstinend-  
um est salubribus Consilijs, quoties  
Principes minantur, & bellum eminens  
ostentant; quid unquam præclari aude-  
bit? Si ergo Romam sibi Galli postulave-  
rint,

rint, alioquin bellum illaturi, qui totam Europam incendant, num ideò Pontifices cedent, bellumq; & minas rediment Christi patrimonio? Si semel Pontifices minis se frangi, vinciquè patiantur, idq; Principes observent, nullum facient finem petendi, minandiquè. Æquum ergo non fuit, ut Pontifex à proposito delendi Afyla moveri se pateretur solo metu & terrore futurorum. Fecit Pontifex, quod muneris sui, quod necessitas, quod publica & privatorum falus, imò quod DEI caufa (toties in Afylis offenfi) exigebant; idquè nullus Principum, fi Gallos excipias, non maximè approbavit, ratumq; habuit; fi ergo bellum & turbæ à Gallis fequantur, cujus amabò culpâ id fiet? fua retinentis, an rapientis aliena? & quando magis, quàm in iufta caufa cœlefti patrociniò fidere, nitiquè Pontifices debent? fi omnia aut fato, aut cafu evenirent, nullâ in rebus humanis DEI providentiâ ego quoquè honeftis confiliis utilia præferrem, fed quandoquidem conftat

G

omnia,

omnia, ac præsertim Ecclesiam, Dei nutu gubernari, nunquam persuaderi me patiar, ut credam Deo placere sordida consilia, aut secunda fore. Hæc non mea, sed Apostoli sententia est: (a) *Perdam sapientiam sapientium, & prudentiam prudentium reprobabo: nonne stultam fecit Deus sapientiam hujus sæculi?* Verbo, si bellandum est, malim Pontifices cum Gallis, quàm cum DEO & conscientia bellum suscipere.

*Quartò.* Cùm dicitur, minus esse malum Regi Galliæ Asylum spontè cedere, quàm vim & bellum experiri; oportet non Asylum tantùm expendere, ejusque cessionem, sed omnia, quæ hâc cessione proventura sunt; nam & arborem non folam, sed cum fructibus æstimamus. Si Pontifex Gallo cedat, eadem ratione & Hispano, & Anglo, & omnibus Principibus cedendum erit Asyla postulanti- bus: at quanta hinc confusio flagitiis impunè florentibus, & totâ ferè Româ in speluncam Latronum conversâ? Imò multò quàm ante gravius malum, exper-

(a) *1. Corinth. 1.*

quæ remedij: crescet enim Legatorum  
licentia, quando se victores, victum Pon-  
tificem cernent. Revocentur in memo-  
riam & mala, & pericula, quæ paucis  
mensibus contigere, Lavardino non Le-  
gatum Romæ, sed Regnatorem agente,  
quamvis invito & obnitente Pontifice?  
quid rogo fiet, si & perpetua & pacifica  
sit hæc Asylorum dominatio; & omni-  
um Principum Legatis permessa? imò  
non Legatis tantum, sed omnibus idem  
jus affectantibus? Oportebit sanè aut  
Pontificem Romam excedere, aut preca-  
riò & ex magnatum arbitrio vivere, hoc  
est, servi non Principis more, & exem-  
plo nullibi terrarum viso. Quod possit  
malum comparari tam indignæ servi-  
tuti? nequæ hinc finis, ubi enim semel  
Principes vicerint, & prætextu Asyli, ut  
nuper Lavardinus, urbem armis, Clie-  
ntelis, factionibus impleverint, iidem,  
quibus nunc & paribus minis alia Ponti-  
ficum jura, quoties libuerit, involabunt:  
imò nec tuta Pontificum & libera ele-  
ctio; redibitque Ecclesia in pristinam  
servi-

fervitatem, quando videlicet sub Dominatu Tusciæ Marchionum Pontificis electio non liberis suffragiis, sed pretio, armisque agebatur, imò ex voto meretricum, quæ in aula magis placuissent. Meritò igitur Innocentius etiam principia, omnemque speciem externi Dominatus, deleta voluit, ne frustra essent remedia morbo jam valido; nec ullum malum credidit huic posse comparari.

*Quintò.* Sed & Patrum exempla Pontificem nostrum docuere, ne in tam justa & necessaria causa minis, vanisque terroribus cederet. Nulla planè virtus Magnam Pontificem ut magnanimitas & constantia decet, nec alia magis in Patribus floruit primitivæ Ecclesiæ, quando perpetuæ cum Principibus lites crucem averfantibus. Infinitus sim, si omnia recenseam; memoriâ repetatur, quantis minis egerit Justina contra Ambrosium, Eudoxia contra Chrysostomum, Valens Imperator contra Athanasium; qui tamen nullo unquam terrore moveri poterant, ut à sententia decederent: & tamen

illi,

illi, qui minabantur, non Galliaë aut Hispaniaë Reges erant, sed totius Orbis, Europæ videlicet, Africaë, Asiaëquè Imperatores. Quibus verò minabantur, Episcopitantùm: quantum ergo pudoris, si Pontifices paveant, Episcopis intrepidis, metuquè liberis? & denique quidquid Galli irascantur, nunquam Orbis terrarum credet, Ludovicum Regem illi Ecclesiaë bellum illaturum, à qua ejus stirps coronam accepit. Nam quæ gloria tanto Regi arma in Sacerdotes vertisse, & Patrem ac Pontificem suum ideò bello pulsasse, quia non voluit, quod non licuit? Ergo cum Romam Gallus expugnaverit, Portis Vaticani hæc inscriptio grandibus litteris incidetur: *Templum Religionis, quod Christus fundavit, Petrus erexit, Pipinus dotavit, Ludovicus destruxit?* Non potest id fieri, quidquid Galli minentur.

XVIII. Decimotertiò, (a) Conqueritur Lavardini Defensor: *Omnia Pontifices in pejus interpretari. Vocari exercitus*

G 3

paucos

(a) Fol. 5.

paucos illos Clientum & famulorum, qui Lavardinum comitabantur ex decoro tanta Dignitatis, quippe Gallie Legatum. Palatium, quo receptus est, arcem appellari, Tintinnabulum, quo hora, prandia, funera, hospitumque adventus indicatur, pro signo erumpendi. Disciplinam, Ordinemque Domesticum, pro stationibus & excubiis militaribus. Denique si Lavardinus Angelus Dei sit, statutum esse eum deformare, ut saltem à pueris fatuisque, quorum semper maximus numerus est, suffragium ferant.

R. Credo equidem hunc Oratorem cæcis & surdis scribere voluisse, qui nec audierunt, nec viderunt Lavardini ingressum; alioquin, quæ rogo fiducia tam nota, tam comperta negandi? Legantur, quæ supra de Lavardini in urbem adventu dicta sunt, evolvantur annales, an ullus unquam Legatorum ita ad Pontificem, aliumvè Principem ingressus sit; Roma interrogetur, & tota Lavardinum accusabit, nec ego immorari volo jam supra narratis, & quorum Roma tot testes, quot oculos habet.

XIX. Decimoquarto: *Consultius facturum Pontificem dicit, si Ecclesiis Asyla, non Palatiis adimeret; Ecclesias enim precibus porrigendis institutas esse, non protegendis flagitiis.*

R. Modesta enimverò petitio, & digna Advocato. Tollantur Ecclesiis Asyla, & dentur Palatiis; & plus valeat in tuentis reis Lavardini reverentia, quam Majestas Dei. Nec interest Templorum Asyla à Deo in veteri testamento, & ab Ecclesia in novo tot sacris Canonibus, tot sæculorum decursu sancita esse; hæc omnia cessent, & in Lavardini cultum vertantur. Qui ita discurrunt, planè ostendunt nihil sibi Religionis superesse; alioquin ex Asylis Templorum inferre potius contrarium deberent, extinguenda videlicet esse Asyla Legatorum. Cùm enim tot sint Romæ Asyla, quot templa, quid opus est illa multiplicari tanto innocentia pacisque publicæ periculo? & quæ ratio, ut cùm non omnia flagitia sint secuta in templis, sint in Lavardini palatio? nec opus est

præsentem Pontificem à Gallis moneri, ne permittat, ut criminosi Templis abutantur; qui enim non patitur illos Legatorum ædibus, multò minùs patietur abuti ædibus Dei.

*XX. Decimoquintò: Non possunt enarrari scandala, quæ ex hac Pontificis duritie in hereticis nascuntur; eosquè impediunt, ne vera Religioni accedant.*

*Rx. Idem quoquè Christo objectum fuit: Scis, inquiebant Apostoli, quid Pharisei scandalizati sunt in sermone hoc. Non ideò tamen cessavit Christus causam agere veritatis; imò monentibus respondit: Sinite illos, cæci sunt, & duces cæcorum. In quem locum optimè Divus Gregorius: (a) Inter verba vituperantium semper ad mentem recurrendum est, & si ea non reperitur malum, quod de nobis narratur, in magnam debemus letitiam proflire. Quæ enim debet esse tristitia, si omnes accusent, & sola conscientia nos liberos esse demonstrat? habemus Paulum*

*dicen-*  
(a) *S. Gregor. l. 8. c. 45. ad Pallad. Presbyt.*

*dicentem: Gloria nostra haec est, testimonium  
Conscientia nostra. Job quoque dicit: Ec-  
ce in Caelo testis meus? si ergo est nobis testis  
in Caelo, testes in corde, dimittamus stultos  
foris loqui, quod volunt. Quamquam ne  
hac quidem excusatione opus est; con-  
stat enim neminem offensum, aut scan-  
dalo affectum esse, quod Pontifex Asyla  
fustulerit, quodque à tam sancto propo-  
sito nullo metu averti potuerit; imò  
Calvinistæ etiam ac Lutherani id maxi-  
mis laudibus profecuti sunt. At verò  
quod Lavardinus Asyla invaserit, quod-  
que Rex Gallia Pontifici, quem pro  
Christi Vicario agnoscit, tam sancta im-  
peranti non acquieverit, & propter um-  
bram inanissimi privilegii, solisque La-  
tronibus utilem, Ecclesiam, totamque  
Europam turbaverit; id enim verò est,  
quod hæreticos Orbemque Christianum  
vehementer scandalo affecit, quodque  
tot præclara Gallorum facinora turpi  
maculâ foedavit; Regis ergo Ministros  
& Confessarios scandali moneri oport-  
uit, non Pontificem Innocentium.*

XXI. Decimosextò : (a) Opponit quoquè, exempla Ludovici sancti, Philippi Pulchri, & Ludovici XII. Regum Gallia, qui excommunicationes à Gregorio IX. Bonifacio VIII. & Julio II. fulminatas nihili duxère. Quis ergo prohibeat istos imitari?

R. Fallitur Lavardinus, si credit omnia se Regum & Sanctorum exempla imitari posse; alioquin & homicidia, & adulteria poterit, quia à Davide commissa & sancto, & Rege; non ergo videndum est, quid Reges fecerint, sed quid lex fieri, omnittivè jusserit; lex enim erroris est expers, non Principum facta. Et David non ideò sanctus, quia adulterium commisit; sic Ludovicus IX. non ideò inter sanctos relatus, quia excommunicationem contempsit. Quamquàm multò aliter res se habet, quàm hic scriptor recenset. Dicit Ludovicum IX. Gallia Regem contemptui habuisse excommunicationem, quâ Gregorius IX. in Fridericum I. Imperatorem animadverterat; citatq; ad marginem Matthæum Parisium. Sci-

(a) Fol. 5.

endum

endum verò est, historiam Parisiensis etiam Gallorum iudicio falsi suspectissimam esse, in ijs præsertim, quæ Pontifices spectant; nam editio Matthæi Parisij primò ex Bibliothecis Anglicanis prodiit sub Regno Elisabethæ anno 1561. Postea Tiguri iterum typis impressa anno 1589. Utrumq; ex Præfatione ad Lectorem habetur præfixâ Codici Salisburgensi. Jam Lectori iudicandum relinquo, quæ fides haberi debeat libro, quem ex manibus Calvinistarum habemus, juratis Pontifici hostibus: possis limpida sperare ex tam turbido fonte? (a) Ipse Maimburgus (cui in defloranda Pontificum auctoritate tanta voluptas) fatetur, Parisiensem mendacia, fabulasq; palpabiles & crassissimas nugas Lectoribus proposuisse. Sed multò

G 6

multò

(a) Maimburg de la Decadence lib. 2. pag. 112. Ubi. *Il debite de fables, & des faussetez toutes visibles.... ridiculo digression... bene grosse, &c.*

multò gravior Maimburgo Spondanus  
 (a) Apamiarum Episcopus, & inter  
 præcipua lumina recensendus Gallicanæ  
 Ecclesiæ, ubi recitasset, quæ de Ludo-  
 vico sancto Parisiensis narrat, hæc ad-  
 jungit: *Hæc diffusè blaterat Parisius, quæ  
 meras nugas esse hominis cerebro laboran-  
 tis tam nullus dubito, quàm omninò mihi  
 persuadeo, nullum fore sanæ mentis, qui  
 putidam ejus narrationem & futilem Dia-  
 logismum inspexerit, qui non idem mecum  
 sentiat, cùm etiam tantæ rei ne per somnium  
 quidem ullus prorsus alius Auctor memine-  
 rit.* En tibi, quàm nullius fidei sint,  
 quæ de Summis Pontificibus Parisius scri-  
 bit, etiam ex sententia Gallorum Au-  
 ctorum! & tamen in causa tanti mo-  
 menti Lavardini Causidicus tam levi-  
 bus testimoniis utitur; sed quid face-  
 ret, cùm meliora defuerint? fateor  
 sanctum Ludovicum leges aliquas tulisse  
 immunitati Ecclesiasticæ, ac censuris  
 ab Episcopo latis oppidò graves; sed  
 id fecit Aulicorum consiliis deceptus;  
 at

(a) Spondan. ad ann. 1223, n. 12.

at ubi errorem à Gregorio IX. edoctus est, continuo correxit, resciditque legem reverentiâ Pontificis. Vide insignem Gregorij Epistolam, (a) in qua propositis Theodosij, Valentiniani, Caroli Magni Imperatorum exemplis, qui immunitatem Ecclesiasticam acerrimè protexerunt nullo Majestatis dedecore, exemplar adjungit Diplomatis, quo Honorius III. Pontifex anathemate percussit, quotquot hujusmodi leges ferrent, quales Ludovicus. Agnovit continuo Rex sanctus, correxitque errorem non tam spontè, quàm aliorum instinctu commissum. Illud quoque memoratu dignum, cum ejus Romam Legatus ab Alexandro IV. diploma retulisset, quo potestas fiebat nominandi Pastores ad vacantia Sacerdotia, Rex sanctus recusato privilegio, & Diplomate in flammis projecto ad Legatum conversus:

G 7

*Quod*

(a) *V. Epistol. 390. lib. 9. & Raynald. ad ann. 1396. n. 31.*

158 *De Abusu Franchitiarum*

(a) *Quod mea negotia Roma strenuè obieris, laudo: quòd mihi à Pontifice munus hoc retuleris, non probo; intelligo enim, quanto cum periculo animæ meæ & Regni hoc susciperem. Hæc sunt Ludovici sancti exempla, quæ oporteret suggeri Christianissimo Regi: non illa, quæ ab ejus majorum gloriosis vestigiis tantoperè abluunt, ejusq; gloriam & conscientiam pari damno afficiunt. Quæ de Philippo Pulchro, & Ludovico XII. narrantur, silentio potiùs digna sunt, quàm memoriâ, mirorq; Lavardini Causidico nullum pudorem esse ea recensendi; nam Philippum quod attinet, constat eum in flore ætatis raptum, & si credimus Divo Antonino, (b) aliisque, dum aprum insequitur, equo excussum. Reliquit tres filios, qui omnes uxorum adulteriis fædati, fatoque immaturo, & sine maribus defuncti, Valesiis coronam reliquere. En tibi*

(a) *Spondan. ad ann. 1254. n. 14.*

(b) *Antoninus 3. p. tit. 21. Spondan. ad ann. 1314.*

tibi quorum Regum & quàm infelicium exempla Ludovico nostro inculcantur? Ludovici XII. in Julium Pontificem conatus, *peffimum confilium, & Christianiffimi Regis nomine prorsùs indignum* Spondanus (a) vocat: nec aliud Coeli iudicium; Ludovicus enim quinquennio post infelici morbo abreptus est. Absit à me, ut regnanti Ludovico pares exitus velim. Comparentur Principes, qui Pontificem venerati sunt, quique persecuti; Constantinus videlicet, Theodosius, Pipinus, Carolus Magnus, Philippus II. cum Justiniano, Henricis, Fridericis, Philippo Pulchro, aliisque, & continuo, patebit, quorum virtutes, & fortunam precari oporteat Christianissimo Regi.

XXII. *Decimoséptimò: (b) Opponit Pontificum curas: Qui prætèxtu, inquit, Religionis rebellium factiones contra legitimum Regem Henricum IV. adjuverunt, id verò nemo unquam probavit.*

R. Ve-

(a) *Spondan. ad ann. 1510.*

(b) *Fol. 8.*

Rz. Verum est, nullum unquam Calvinistarum probasse, quæ pro Religione in causa Henrici IV. Pontifices egerunt; nec miror ea quoque non probari Lavardini Advocato, qui singulis ferè paginis Calvinum redolet. Si rebelles vocandi sunt, qui non prius Henrico IV. subdi voluere, quàm hæresin exueret, veramquè Religionem profiteretur, hæc planè culpa aut potius calumnia non tam Romanum Pontificem, quàm præcipuas Gallici Regni familias, ac maximè Clericum Gallicanum involvit, qui nunquam adduci potuit, ut Principi Calvinistæ subderetur. Ipsa Gallia Pontifices imploravit, & præsertim Sorbona, ne pateretur Calvinistam regnare. Audi epistolam Perandæ ad Patriarcham & Legatum Cajetanum anno 1592. die 16. Aprilis. Sorbona hujus sententiæ est, urgetque Pontificem, ut ipse Regem Gallie pronuntiet, declaretquè; alioquin Gallia conclamata est, expersq; remedij. Et hanc potestatem Pontifici Regem declarandi rationibus planè evidentibus, mul-

*multisq; exemplis ostendunt, imò adjungunt: ubi Pontifex Regem pronuntiaverit, isq; in Gallia denunciatus fuerit, continuo à Clero, & ab omnibus Catholicis receptum iri. Vides quæ sententia tunc fuerit Cleri Gallicani, omniumq; in Gallia Catholicorum; Galli ergo Pontifices, non isti Gallos impulere.*

Cæterum cum in negotio fœderis Gallici multa contigerint, quæ nunquam Pontifices probârunt; breviter rem totam evolvam, ut tantò clarius verum à falso distinguas.

Sciendum igitur est, cum edicto *Anni 1576.* Henricus III. Gallix Rex Calvinistis libertatem & exercitium Religionis totâ Galliâ, aditum ad omnes dignitates & honores, paritatem Judicum in omnibus Parliamentis, octo urbium possessionem securitatis causâ, aliasquè conditiones Catholicæ Religionis planè funestas permisisset; Catholici tam iniquis pactis offensi novum fœdus jurârunt fidei tuendæ. Fœderis caput Henricus III. Gallix Rex.  
Leges

Leges quas foedus complectebatur, Gregorio XIII. oblatae, rejectaeque sunt; quamvis enim haeresin deletam vellet, non tamen factiones Regno fatales probabat. Audi Spondanum: (a) Gregorium huic foederi suffragatum esset neque scripto proditum fuit; neque ullo alio argumento probari potest: quin imò ne tum quidem, cum Guisius aperte se detexit, ne dum hoc tempore, Pontificem foederi favisse, sed semper Patrem se amantissimum & fidum Henrici Regis amicum se exhibuisse, vel ipso teste Serrano, aut ejus Continuatore utroque haeretico, ac proinde Pontificum hoste aperte intelligitur, cum ad finem anni 1584. scribit, oblatum tunc fuisse foedus Gregorio, ut illud approbaret tanquam pro Ornamento & propugnatione Ecclesiae Romanae conditum; verum Gregorium annuisse quidem, ut contra Haereticos ageretur, at nequanquam motus illos populares approbare voluisse, sicque nuntios inanes dimisisse.

Certum

(a) Spondan. ad ann. 1576. n. 7.

Certum igitur est, etiam testimonio Hæreticorum, initia fœderis Gallici à Pontifice improbata esse; eodemquè Spondano teste, Principes Catholicos fœderis nunquam à Gregorio XIII. impetrare potuerunt, quamvis ardentissimè precarentur, ut Regem Navarræ, eundemquè Principem Duces Calvinistarum anathemate feriret, (a) Sixtus, qui Gregorio successit, Henricum quidem Navarrem Communione fidelium interdixit, Regnoquè inhabilem pronuntiavit, nunquam tamen permoveri potuit (quamvis Hispaniæ Rex Philippus ardentissimè, & cum minis urgeret) ut fœdus cum Hispano adversus Henricum jungeret, idque Spondanus (b) testatur. Cum tandem Henricus nollet hæresin ejurare, & maxima Galliæ pars, præsertim Clerus Gallicanus Catholicum Principem vellet; nec leges Regni fundamentales aliam, quàm Catholicam patrentur; Pontifices egregiè partes suas egisse

(a) Spondan. ad ann. 1585.

(b) Spondan. 1590. n. 5.

egisse, ut Henricum metu saltem compellerent ad hæresin deserendam; responditq; effectus: quippe Henricus coronæ anxius maluit hæresin, quàm Regnum amittere, seq; Catholicum professus est. Continuo sublata discordia, placati Pontifices, & Gallia Henrico subiecta. Si ergo cessassent Pontifices, neq; oportune tantis malis remedia applicassent, & Henricus, & uterq; Ludovicus, Filius videlicet Neposq; & tota denique Gallia, Regum exemplo hæresi perijissent: si ergo fateri volumus, Galliam Catholicam Pontifici debemus, solisq; hæreticis dolere hoc potest.

XXIII. *Decimo octavo: (a) Inauditum esse, conqueritur, ut Legati Principum non auditi, non excepti fuerint, nisi prius omnia Pontifici cederent; non vi, non imperio cum Principibus agendum, sed amicis conventionibus: quoties & Hispania & Italia Principes immunitatem Ecclesiasticam violaverint, non ideò tamen eorum Legatos, aut non agnitos, aut non admissos esse.*

R. Alia

(a) Fol. 8.

*R.* Alia facies est aliorum negotio-  
rum, alia præsentis, & de quo agitur.  
Si enim Pontifex Lavardinum pro Le-  
gato habeat, permittatq; Asylis uti, jam  
Gallis novus actus, & nova possessio ac-  
cedit, sicq; nova cavillandi materia: &  
quando semel admissos iterùm posses-  
sione dejicias? & quid reliquis Principum  
Legatis fiet, qui jam Asylo cessere? Non  
potuit ergo Pontifex Lavardinum pro  
Legato admittere, ut non simul Asyla  
admitteret, jam Decretis, exemplisq; Le-  
gatorum damnata; & si semel Asyla ad-  
mitteret in Gallorum gratiam, nulla spes  
ampliùs illa extinguendi infinito boni  
publici damno, scandaloq; fidelium.  
Cum ergo Lavardinus & Legatum fe-  
ferret, & nollet Asylis cedere, idem erat  
pro Legato agnoscere, quod causâ ca-  
dere; non ita in aliis negotiis: cum  
enim, exempli causâ, Legati ab Hi-  
spanis, Italisvè Principibus mittun-  
tur, violatæ immunitatis Ecclesiasticæ  
reis; non ideò mittuntur, ut pergant  
sub oculis ipsius Pontificis, apertoquè  
con-

con-

contemptu idem crimen repetere; sed ut excusent, aut deprecentur, aut aliorum negotiorum causâ. Non ita Lavardinus, cujus ingressus, & mora non potuit cum majori contemptu, injuriâq; conjungi præsentis Pontificis; suprâ quoquè ostendi, apud omnes Nationes receptum esse, ex similibus, aut etiam levioribus causis Legatos non admitti.

Jactat quidem Lavardinus: *Secretas instructiones Pontifici gratissimas se afferre.* At veniâ ipsius dixerim, quis credat meliora esse, quæ latent, quàm quæ monstrantur? cum ex adverso soleant Galli piscantium more escam foris ostendere, hamum intus celare. Sed quidquid sit, non debuit Pontifex spe cujuscunque præmij tot abusus permittere, quot ex Asylis nascuntur, nec mercatui exponere impunitatem peccandi.

*Decimononò: (a) Miratur Lavardinus Advocatus, Pontifices Romanos tam severè in Gallos agere, tam indulgenter in Hispanos, cum ab istis injuriis, & ab illis tot beneficiis affecti sint.*

(a) Fol. 9.

By. Non

R. Non est mearum partium, Hispanorum, Gallorumq; in Romanam Sedem beneficia conferre: nemo negat multa Pontifices Gallis debere, sed & Gallos quoque multa Pontificibus. Exempla etiam Sixti V. eorumq; præcipuè Pontificum, qui in Gallias sedem transtulere, satis ostendunt, non esse in Hispanos tantam indulgentiam, quantam Galli declamant. Sed quidquid de aliis sit, ego solius Innocentij causam ago, nec ulla mihi de aliis cura. Innocentium verò eodem jure cum Hispaniæ Legato egisse, quo cum Galliæ, imò omnibus egit, notissimum est; nullum enim istorum aliâ conditione Romam admisit, quàm ut Asylius cederet. Intempestiva ergo, imò injusta querela est partialitatis Innocentium in ea causa postulantis, in qua constat pari, eodemq; jure in omnes expertum esse.

XXIV. *Vigesimò, (a) Adjungit: Mirum non esse, si Lavardinus eas censuras moratus non sit, quas inutiles, imò perniciosas experientia, & Sixti V. Bulla satis ostendunt.*

(a) *Fol. 9.*

R. Sic

Sic omninò Lutherani & Calvinistæ philosophantur. Si velit hic Gallus censuras universim curandas non esse, hæresis est, nec calamo punienda. Si velit tunc excommunicationem metuentam non esse, cùm injusta est, aut ab eo lata, cui nulla auctoritas ferendi; verum dicit, sed nihil ad rem nostram. Si verò contendat, justa an injusta sit excommunicatio, non ex conscientia Judicis pendere, qui sententiam dixit sed ex arbitrio rei, qui punitus est, adeò ut spernere excommunicationem possit, seq; illi non subdere, quoties injustam censuerit; nihil dici potuit aut imprudentius, aut injustius: quando enim se reus puniri patietur, si ejus arbitrio, & non Judicis sedeat, de justitia aut injustitia poenæ judicare? nec poenâ teneatur, quoties injustam censuerit, aut saltem, quoties injustam dixerit? aut quis reus non dicet se injustè damnatum, si hoc sufficiat poenæ evadendæ? & quis credat tam malè institutam à Christo Ecclesiam, ut voluerit valorem poenæ ex arbitrio, judicioque rei

rei p

ca, c

Ver

inju

illæ,

gno

ergo

juva

cens

Si

nica

tene

E

pum

Gall

dam

subi

stet

quit

amic

ego

illo

tiæ C

subd

Gall

rei

rei pendere, id quod in nulla Republica, quamvis Barbara, valuit, valebitquè? Verum igitur est, neminem ligari posse injustis censuris; sed æquè verum, justæ illæ, an injustæ sint, ad iudicem, ut cognoscat, non ad reum pertinere: nihil ergo Lavardinum, ejusquè adultores juvat, quidquid opponunt de injustitia censurarum.

*Sed quid si Pontifex injustè excommunicatione aliquem plectat? numquid illà tenebitur?*

Eadem quæstio de quolibet Principum excitari potest: quid si enim Rex Galliaè injustè aliquem ad carceres damnet, numquid tenebitur carceres subire? Si dicas non teneri, modò constet omnium iudicio de sententiæ iniquitate; non verò si solus reus, ejusvè amici iniquam esse querantur. Idem ego de Pontifice & Lavardino, isto reo, illo Iudice dicam. Sicut enim sententiæ Christianissimi Regis nullius iudicio subduntur, mutariquè non possunt, quia Galliaè Monarcha est; ita nequè Pontificis,

H

tificis,

tificis, quia Monarcha Ecclesiae. Sed au-  
 di Pontificis Gregorij Magni elegantem  
 doctrinam: (a) *Sub magno moderami-  
 ne Pastores Ecclesiae solvere vel ligare de-  
 bent; sed utrūm justè an injustè obliget  
 Pastor, Pastoris tamen sententia gregi  
 menda est, ne is, qui subest, & cum injustè  
 fortè ligatur, ipsam obligationis sententiam  
 ex alia culpa mereatur. Pastor ergo vel  
 absolvere temerè vel ligare vereatur.  
 autem, qui sub manu Pastoris est, ligari ti-  
 meat vel injustè, nec Pastoris sui iudicium  
 temerè reprehendat, ne, etsi injustè ligatus  
 est, ex ipsa tumida reprehensionis superbia  
 culpa, quae non erat, fiat.*

Quod verò adjungitur: *Constare ex-  
 perientiā, excommunicationes noxias esse  
 maliq; eventūs.*

Respondeo, hanc esse omnium rerum  
 mortalium conditionem, ut profint, no-  
 ceantquè, utcunq; utenti libuerit: nec  
 est aliquid tam sacrum, quod abusus non  
 laedat. Idem de excommunicationibus  
 dicas, quæ multis profuere, ut Theodo-

(a) S. Gregor. Magnus hom. 20. in Evang.

Magno, Carolo Magno, Henrico Magno; nec ullus istorum ideò magnus non fuit, quia Sacerdotibus paruit; nec minus Principum animæ quàm corpora remediis subduntur, quoties agrotant nullo damno Majestatis. Quòd ergo aliquando excommunicatio nocuerit, non remedij, non medentis hæc culpa, sed agrotantis fuit.

Quanta series malorum ex bellis nascitur? num ideo tamen Ludovicus Galliaæ Rex bello abstinuit, quo Belgium, Austrasiam, Alsatiam vastavit tanto impendio sanguinis Christiani? quòd si dicant, multa esse mala, quæ ex bellis, armisq; proveniunt, sed multò plura fore, si bellare non liceat. Idem ego de Censuris, armisque Ecclesiasticis dicam, quibus, si metu mali uti non possis, multò pejora evenient; quippe omnia Principibus licebunt, estque amplissimum in Galliis exemplum, ubi Religio perierat, nisi vibratis Censuris, metuque Regni amittendi Henricus Magnus hæresin exuisset.

Hæc. Sed

Sed nimius sum, cum rebus tam claris probandis, & totâ Ecclesiâ, semperquè receptis consumor. Fecit Innocentius, cum Lavardinum excommunicavit, quod Symmachus, quod Innocentius, quod Hadrianus, quod Ambrosius, quod alij Pontifices, Patresquè fecerunt. Faciat Lavardinus, quod Arcadius, quod Carolus Magnus, quod Theodosius, alijque Imperatores, hoc est, pœniteat, sequè Pontifici subdat, nec erubescat post tot Imperatores culpam fateri. *Stravit*, inquit de Theodosio Ambrosius (a) *omne quo utebatur, Regium insigne: deflevit in Ecclesia publicè peccatum suum, quod et aliorum fraude obrepserat; gemitu & lacrimis oravit veniam; quod privati erubescunt, non erubuit Imperator publice agere pœnitentiam: nec ullus postea dies fuit, quo non illum doleret errorem. Utinam Lavardinus imitetur.*

XXV. *Vigesimo primò: (b) Laudat Advocatus Lavardini, Pontificis Innocentij*

(a) *S. Ambros. Orat. funeb. in Theodosio*

(b) *Fol. 10.*

centij ad Deum, preces: sed negat istas in rebus agendis sufficere: *Audienda esse sapientum Consilia, interrogandos Canones, & ex horum prescripto, non ex privatis inspirationibus saepe fallacibus Bullas texendas esse. Si haec Innocentius prestitisset, nuperum contra Legatorum immunitates Diploma vulgatum non fore. Suffragia Cardinalium Bullae adscripta subreptitia & extorta esse, nunquam enim Bullam fuisse Cardinalibus exhibitam. Clausulam & formulam illam Bullae insertam videlicet, de consilio & consensu fratrum nostrorum S. R. E. Cardinalium illusoriam esse, nec ex vero appositam, sed stilo Cancellariae.*

R. Fateor, cum hunc hominem de Orationibus, de Inspirationibus, deq; sacris Canonibus disputantem audio, non magis risu abstinere posse, quam olim Apelles, cum sutores de Helena differentem. Quid enim in domo Lavardini minus curatur, quam sacri Canones, Orationes, sanctaeq; Inspirationes? & cujus rei major, quam istius ignorantia? Consultius ergo tacere, quam ignota narrare.

Cæterùm quid dici possit inverecun-  
 dius, quàm non auditos esse, non consen-  
 sisse Cardinales, nec Bullam eis commu-  
 nicatam; cùm tot Cardinalium nomina  
 & suffragia sint Bullæ adscripta? num  
 ergo velatis oculis subscripsere? Nihil  
 planè de tam sacro Collegio, totquè  
 egregiis Senatoribus dici potest indigni-  
 us, quàm aut non vidisse, aut non per-  
 pendisse rem tanti momenti, & cui sub-  
 scribebant; nam quod dicitur: *Extor-*  
*ta fuisse suffragia*; nimis nota calumnia  
 est: quì enim Innocentius extorsit? vi-  
 metu, an dolo? at hæc omnia nimis ali-  
 ena à moderni Pontificis moribus, nec  
 ullus Cardinalium de vi aut fraude con-  
 questus, cùm tamen omnes subscripse-  
 rint, Estreo & Moidalchino exceptis.

Nec dici potest, nimis festinatum esse;  
 cùm constet jam primis annis Bullam fu-  
 isse conceptam, & undecim annorum  
 spatio maturatam, idque toties Regi  
 Christianissimo insinuatam, & ab isto,  
 ejusquè Ministris Pontifici promissum  
 est, in Galliis quoque receptum iri alio-  
 rum

rum Principum exemplo. Quot annis ergo opus est, ut maturum consilium dici possit, si undecim non sufficiunt? Quamquam & injustitia Asylorum tam clara & omnibus nota, ut nec Theologis, nec consiliis, nec annis opus fuerit ad eam ostendendam.

Paucas infra lineas redit Auctor ad ipsam querelam videlicet: *Sapientissimos quosquè S. Collegij non admitti ad Pontificis consilia, quibus nunc Europa turbatur.*

Anigma videri possit, quos Gallus intelligat iis verbis: *Sapientissimos quosquè.* Constat enim Bullæ contra Asyla Cardinales Cibum, Ottobonum, Cassanatam, Columnam, Azolinum, Pium, Chisium, Medici, Norfolcium, aliosquè subscripsisse, Estreo tantùm & Moidalchino exceptis; oportet ergo Estreum & Moidalchinum solos inter *sapientissimos* reponi; at ego hactenus credebam solos non esse.

XXVI. Vigesimo secundo: (a) Conqueritur, Pontificem Innocentium ex con-

H 4

siliis

(a) Fol. 10.

*siliis pendere Religiosorum ignorantium, rerumq; mundi expertium; nec non Prælatorum minoris sortis, quibus unica curagenio Pontificis adulari, à quo extolli momento possint.*

*R.* Quæ de Religiosis ignorantibus, minutisq; Prælati notâ Advocatis modestiâ declamantur, longâ refutatione non egent. In causa Asylorum consilia cum Religiosis collata non credo, saltem melatet; nec opus erat, re toties, & à tam multis Pontificibus jam olim decisâ. In causa verò Regaliæ, & quatuor Propositionum Conventûs Parisiensis, scripsere quidem Religiosi solito more, quippe jam à primis Ecclesiæ annis ea pars Religiosis servata, ut veritati succurrerent, quoties impugnabatur. Fecerunt ergo Religiosi, quod semper factum, & quod debebant. Ceterùm an ignorantes illi sint, ex libris, quos scripserunt, agnoscas; illi testimonium dicent, quinam postulari ignorantia debeant, qui Regi, an qui Pontifici serviunt. Planè nemo totâ Galliâ repletus est, qui hisce ignorantibus respondere

fit ausus, aut qui potuerit; adeò veritas prævaluit, & æquitas causæ. Quòd si velint, ideò Religiosos, qui pro veritate scripserunt, ignorantes esse, quia scientiam Principib<sup>9</sup> adulandi non callent, & quam Gregorius Magnus egregiè depinxit; verum dicunt, fateorq; ignorantissimos esse, nulloq; modo cum aulicis Lavardini, aut cum Regis Confessario posse comparari. Sic verò illam Gregorius descripsit: (a) *Deridetur justì simplicitas. Hujus mundi sapientia est, cor machinationibus tegere, sensum verbis velare; quæ falsa sunt, vera ostendere, quæ vera sunt, falsa demonstrare: hoc qui sciunt, ceteros despiciendo superbiunt. At contra sapientia justorum est, nihil per ostensionem fingere, sensum verbis aperire; falsa devitare, pro veritate contumeliam lucrum reputare. Sed hæc justorum simplicitas deridetur, quia ab hujus mundi sapientibus puritatis virtus fatuitas creditur. Omne enim quod innocenter agitur, ab eis procul dubio factuum reputatur.*

H 5

Quæ

(a) S. Gregor. lib. 10. moral. c. 16.

Quæ de *Minutis Prælatiis* dicuntur, eos videlicet spe præmiorum Pontificis genio adulari, nescio quem feriant; credo enimverò nullum in palatio Pontificis morari tam minutum Prælatorum, qui non pluribus æquivaleat Lavardini spathariis, & quot fasces Advocatorum, quotquè Talonii sufficient, ut unum ex minutis hisce Prælatiis componant? Multò minùs constat mihi, quàm illi spe ducantur; illud certum est, nemini hæcenus, qui in Regaliæ & quatuor propositionum conflictu causam veritatis egerunt, meliorem fortunam provenisse, aut à Pontifice auctum esse, si Cardinalem Aguirre excipias, cui excellens doctrina exemplo Baronij, Bellarmini, Cajetani, aliorumquè purpuram meruit: ego, si pro lucro, non veritate certandum sit, malim Parisiis operam locare, quàm Romæ, spem enim provocarent Maimburgi exempla, ac præsertim Regii Confessarii, cujus familia ex tenui & arida, (a) adeò opibus aucta est, ut pretio ducenties

(a) Capitanno della Porta del Louvre.

millium Francorum excubias Regii Palatii coëmerit, præter alia nec pauca emolumenta. Tanti videlicet pretii est Theologia aulicis grata: nihil simile Romæ.

Paria ferè sunt, quæ in sua Apologia Ministris Pontificiis Lavardinus objecit, videlicet: *Omniū contentionum, quæ Pontificem inter, Regemquè agitantur, causam temeritati ac insolentia Ministrorum adscribendam esse, qui ob Pontificis defessam annis, morbisque etatem, negotiis admoti illius gratiâ abutantur, Galliaq; turbanda omnem lapidem moveant.*

Ita placuit Lavardino loqui, qui specie humanitatis tunc maximè Pontificem arguit, cum maximè excusat. Quid enim pejus de Principe dicas, quàm quòd Ministris utatur temerariis, insolentibus, ac hostibus publicæ pacis, & istis non mole tantum Principatus, sed etiam animum ac gratiam suam committat? Planè ingentia cogitanti, quæ in componenda disciplina Ecclesiastica, in abusibus corrigendis, in profligandis hæresibus

sibus, ac præsertim in Turcico imperio  
propè ad internecionem usquè delendo,  
à moderno Pontifice felicissimè peracta  
sunt, adeò ut hac in re non omnium tan-  
tùm retrò Pontificum memoriam, sed  
etiam omnium mortalium spes & vota  
superârit; oportet, inquam, ingenuè fa-  
teri, Ministros Innocentii non temera-  
rios, non insolentes esse, sed tales, quo-  
rum merita Galli imitentur, sequè feli-  
ces ducant, si aliquam tantùm partem  
eorum gloriæ ac virtutis consequi pos-  
sint; nam quòd iis odium Gallicæ Nati-  
onis Lavardinus objicit, compertum est,  
non posse odij accusari in ea causa, quæ  
non solos Galliæ, sed omnium Regno-  
rum, Principumquè Legatos tangit, &  
quorum nemo hætenùs conquestus est,  
sibi injuriam fieri. Nulla ergo iu causa  
tam justa, tamquè omnibus probata Mi-  
nistrorum Pontificis culpa, sed eorum  
tantùm, qui contra omnium Principum  
exempla retinere potentiâ volunt, quod  
jure non possunt, aliosquè injuriæ ac odij  
postu-

postulant, qui sua, imò qui Christi patri-  
monia usurpari non sinunt.

Quamquam quid frustrà ego excusan-  
dis Ministris laboro, quando nemini  
compertum non est, hodiernum Pontifi-  
cem nunquam ex Ministrorum consiliis  
pependisse, sed conscium potestatis, ac  
muneris sui, ac præsertim cælestis patro-  
cinij, rebus lentè discussis omnia arbitrio  
suo ac prudentiâ metiri, nec aliis impe-  
randi, sed obsequendi munus relinquere,  
adeò, ut si quæ culpa est, soli Pontifici  
adscribi debeat, rerum omnium, quæ fi-  
unt, & conscio, & arbitro; quamquam  
nec culpa, nec imprudentia dici potest,  
quod tanto tempore, tamq; maturis con-  
siliis, assensuquè totius ferè sacri Collegij,  
imò totius Orbis terrarum, si paucos Gal-  
lorum excipias, probatum, decisumquè  
est. Cæterùm ex hoc quoquè Lavar-  
dino ignosci potest, quando Romam  
nuper ingressus nec Pontificis mores, nec  
integritatem Ministrorum satis comper-  
tam habuit, & ideò utrosquè ex aulæ ge-  
nio æstimavit.

XXVII. *Vigesimotertiò* : Ingenti & magnificâ digressionè à Legatorum Asy-  
 lis ad Conventûs Parisiensis propositiones conversus : Ignorantissimos esse, dicit, qui declarationem Parisiensem novitatis accuset, cùm constet, antiquissimam esse Gallicane Ecclesie sententiam. Quòd si privati aliqui Doctores, aut etiam ipse Synodi Gallicane, ut illa anni 1614. & 1615. contrarium docuerint, reliquias fuisse infortunati illius fœderis, quod Ligam vocant; tunc enim Pontificis emissarios alienis doctrinis Galliam imbuisse; ac præsertim Cardinales Jojosam, Peronium, Surdium; Ducesq; ac Marescallum Guisium Majenium, Esperonium, & Ancreum conatos esse Parlamentum, ac facultatem Theologicam pervertere, sed nunquam potuisse. Antistites, qui Parisiensi synodo interfuere. & merito eminentis doctrinae, & Zelo Religionis, & conversione tot hæreticorum (quos invictis rationibus domuerunt) tantum sibi fame comparasse, ut sufficiat illorum auctoritas sustinenda nuperæ Declarationi, ac hominibus persuadendis nullo privato affectu

fectu præventis. Ex adverso nuper ad purpuram promotos multò inferiori merito esse, nullaq; re alià commendabiles, quàm odio Gallorum, vastisq; voluminibus, quæ fabulis, vanisq; ac millies refutatis rationibus infarserint.

Rx. Sic solent victi: mordent & lacerant, cùm arma perdidere. Ignorantissimos dicit, qui nuperam Declarationem Conventûs Parisiensis novitatis accusant. At lubeat Lavardino, ejusq; Ministris ea perlegere, quæ à Cardinali Aquirre, & Auctore Gallia Vindicata scripto vulgata sunt, videbitq; Parisiensem Declarationem tam alienam esse à Patrum, ac præsertim Ecclesiæ Gallicanæ doctrina, ut nihil magis; nec mihi, quæ illic dicta sunt, & quibus Galli respondere nihil possunt, repetere animus est, quippe in alio argumento versamur. Perronij & Richelij Cardinalium doctrina, & in Galliam merita mundo notiora sunt, quàm calumniis obscurari possint; & quis in numero Parisiensi Conventu sedit, qui cum Perronio & Richelio possit comparari?

Et

Et illud quoq; risu dignum: *Perronij*,  
& *Gallia Synodorum doctrinam reliquias*  
*fuisse foederis Galliis infansti.*

Nimirum Constantinopolitanum,  
Ephesinum, Chalcedonense, Lateranen-  
se, Lugdunense, Ferrariense Concilia:  
sancti quoque Cirillus, Athanasius, Cy-  
prianus, Damasus, Bernardus, Antoninus,  
Bonaventura, Thomas, aliique Patres,  
qui Parisiensi declarationi adversantur;  
reliquias dici possunt foederis sacri. Illud  
verius dixissent, Religionem Catholicam  
reliquias esse foederis sacri, nisi enim hoc  
esset, nunquam Henrici filij, Neposque,  
sicque nunquam Gallia hæresin exuisset.

Quod additur de doctrina Galliae  
Episcoporum, parum interest meâ, docti  
an indocti fuerint, qui Parisiis sederunt;  
nam & Nestorius, & Arius, & Calvinus  
docti fuere. Plures in Gallia fuisse, qui  
purpuram ambierint, credo: plures me-  
ruisse, quam qui nuper promoti, ignoro;  
Pontificis iudicium fuit, qui tamen nec  
Galliam omisit, quamquam non illos  
elegit.

elegerit, quibus major cura tantam dignitatem optandi, quam merendi. Nec ob libros eruditissime scriptos alium quam Cardinalem Aguirre evedtum scio. Nullum huic in Gallos odium, sed unus amor veritatis, & hæc tam invictè probata, ut nihil Gallis occurreret, quod responderent; tam etiam modestè proposita, ut habeant adversarij, quod imitentur: sed cum nec imitari modestiam velint, nec respondere rationibus possint, ad convitia & injurias appellant, & molem libri accusant, cum opprimuntur mole veritatis.

Auctoritatem quod attinet Conventus Parisiensis, nullius planè momenti est.

Nam primò constat, Patres, qui huic Conventui assederunt, alios odio & vindicandi cupidine; alios metu corruptos fuisse. Repetantur memorià, quæ Pontifex contra Regaliam, proq; libertate Gallicanæ Ecclesiæ fecit, & ex adverso quam iniquis animis à Galliarum Episcopis (quorum tamen causa agebatur) ac præsertim

Tho-

Tholosano & Parisiensi Archiepiscopi  
 accepta fuerint, & quàm sava ab illis per-  
 secutio secuta. Relegantur etiam, quæ  
 ipsi Gallia Antistites litteris (a) ad Pon-  
 tificem datis de suo metu professi sunt,  
 quæq; illis Pontifex respondit; & conti-  
 nuò patebit, verum esse, quod dixi, in  
 Conventu Parisiensi omnia odio, metuq;  
 agitata esse. Et quid boni speres, ubi  
 odium præsedit, metusq; subscripsit? &  
 quoties experimur, etiam sapientissimos  
 hominum, quoties his affectibus rapiun-  
 tur, multa facere & dicere, quorum ipsos  
 poeniteat, aut saltem pudeat? Nota sunt  
 Tertulliani, Origenis, Luciferi, Phorij  
 aliorumq; exempla.

*Secundò.* Nulla Conventui Parisiensi  
 facultas contra omnium Patrum, Con-  
 ciliarum, ac præsertim Gallicanae Eccle-  
 siae sententiam aliquid statuendi. Qui  
 enim Conventus Parisiensis, ut cum tota  
 retrò Gallicana Ecclesia comparari de-  
 beat? quantoquè minus tot Conciliis &  
 Patribus præferri? aut si auctoritas &  
 doctrina te movet, cur non magis movet,  
 (a) Anno 1682. tot

tot Patrum, tot Conciliorum, imò Eccle-  
sia totius, quàm paucorum, quos odium,  
metus, vindicta, adulatio perverterant?

*Tertiò.* Et quid miraris Parisiensem  
Conventum errâsse, quando constat ob-  
similes ferè causas Antiochense, Arimi-  
nense, Ephesinum secundum, & alia  
Concilia errâsse, in quibus longè major  
& numerus, & doctrina, quàm in nupero  
Parisiensi: & quis nescit etiam hæreticis  
suos Conventus & synodos esse, in qui-  
bus fortè non minor doctrina quàm Pa-  
risiis, si hæc sufficeret: non ergo ab istis  
veritas quærenda, sed ab illo, cui Christus  
dixit: *Ego pro te rogavi, ut non deficiat  
fides tua, & tu aliquando conversus con-  
firma fratres tuos.*

*Quartò.* Adde & Regaliæ, & quatuor  
Propositionum causas ad majores, imò  
maximas pertinere, quæ etiam Gallorum  
testimonio soli Pontifici reservantur;  
hic ergo solus & unicus Judex; at plus  
valet, magisque obligat unius Judicis  
sententia, quàm mille aliorum judicia,  
quibus nulla auctoritas decidendi. De-  
nique

nique certum est, & alibi, invictequè probatum, Concilia à Pontifice improbata nullius esse auctoritatis; quantò ergo minoris auctoritatis Conventus Parisiensis decreta? Poterit ergo Episcopis Parisiensibus ab Innocentio repeti, quod olim Ariminensibus à Damaso dictum est: (a) *Numerus Episcoporum, qui erant Arimini (Parisii) congregati, præjudicij vim habere non debent, præsertim cum formula illa concepta sit, nequè Episcopo Romano (cujus ante omnia sententia expectanda erat) nequè aliis ei consentientibus.*

*Vigesimo quartò: Multa subdit de libertatibus Ecclesiæ Gallicanæ, quas negat pontificum privilegiis deberi. Sed cum hoc nihil pertineat ad præsens argumentum, sitquè integris libris confutatum, alto Gallorù silentio, nihil habeo quod addam, præter illud Apostoli: (b) *In libertatem vocati estis fratres; tantùm ne libertatem in occasionem detis carnis.**

XXVIII. VI.

(a) *Theodor. l. 2. c. 22.*(b) *Ad Galat. 5.*

XXVIII. *Vigesimo quinto*: Negat Leges, Bullasq; à Pontifice latas ad Principum Oratores, eorumque domus, & viciniam, seu quarterium extendi posse.

(a) *Legatum enim personam Principis, ejusque supremam, & independentem auctoritatem representare; ædes Legati, esse ædes Principis, nec proinde Pontificis legibus comprehendi. Hac Lavardino comperita, & ideò nihil Innocentij Bulla deferre potuisse.*

R. Si hæc ita habent; ergo non solum Romæ Regiis Legatis jus Asyli & Quarterii, sed omnibus Principum Legatis, & in omnibus aulis competet, ac præsertim Parisiis Legato pontificis. Hic enim eadem ratione, quâ Lavardinus causari poterit: se pontificis supremam & independentem auctoritatem referre: ædes suas, ædes esse pontificis, nullisque Regiis Legibus subjacere, nec à Regiis satellitibus viciniam suam percurri posse. Quæ omnia si nec Parisiis, alibi locum habent, cur habeant Romæ?

an

(a) *Folio. 13.*

an verò soli Galliæ Legati Principem suum repræsentant? Et si esse Galliæ Legatum est legitimus titulus Asyla & Quarterium obtinendi, cur hoc tantum Romæ, & non alibi gentium? Certum igitur est omnium Principum Gentium, què exemplo, Jus Asyli & Quarterii saltem extra proprias ædes, multoque magis in tota vicinia Legatis Principum nec deberi, nec dari; malè igitur à Lavardino petitur titulo Legationis.

Taceo Lavardinum Legatum non esse, cum, ut sæpè repetitum, non solius mittentis consensus Legatos faciat, sed etiam Principis, ad quem mittitur.

Taceo in nupera Innocentii Bulla non contineri Legem verè humanam, sed divinam & naturalem (cui omnes non tantum Legati, sed etiam Principes subduntur) videlicet: *Non invadendi, nec retinendi aliena domino invito.*

Taceo denique Legatos etiam agnitos, receptosquè multis ex causis remitti posse, præsertim cum hostilia moliuntur, alienam Jurisdictionem invadunt, aut

invasâ abstinere nolunt, cumq; Principi, ejusq; Ministris Justitiæ insultant, ut nuper Lavardinus.

XXIX. *Vigesimo sexto:* (a) Objicit possessionem immemoriam.

IV. Hoc unicum est argumentum, quo decipi solent simplices, rerumq; ignari; & tamen instar aliorum planè vanissimum: imò tantum abest, præscriptionem obtendi posse, ut potiùs hoc ipsum jus immunitatis & Asyli pro exemplo serviat rerum impræscriptibilium; adeò ut si in scholis Juris-Consultorum quæ- ratur: *Quodnam sit paradigma rerum, quæ nunquam præscriptæ, sunt, & nunquam præscribi possint?* Respondere debeat: *Jus Asyli à Lavardino Romæ petitum;* in hoc enim uno omnes defectus præscriptionis conveniunt.

Piget me ad ista devolvi, sed postquam Gallus hoc argumento uti voluit, in eoq; summam rei collocare, non possum filere. Nego ergo hoc jus Asyli à Gallis præscriptum esse, aut aliquando potuisse præscribi.

(a) *Fol. 14.*

Nam

Nam *primo* Præscriptio non est Divini aut naturalis, sed humani juris, ac civili lege inducta. Unde si supremus Princeps, qui Civili Lege non tenetur, declararet se nolle, ut res aliqua intra suum Principatum præscribatur, certum est præscribi non posse. At Pontifices Romani à Julio III. usque ad modernum Pontificem semper & factis, & severissimis Legibus professi sunt, nolle se, ut hujusmodi immunitas tanquam publicæ quieti, Gentium juri, humanisque commerciis adversa, præscriberetur; non ergo præscribi potuit.

*Secundò.* Tota & unica ratio, ob quam Præscriptio admissa est, illa fuit; ne jura & Dominia rerum incerta essent, si multis annis, quieteque ab aliquo possessa restitui deberent. At hæc ratio in nostro casu locum non habet: nec enim incertum esse potest, ad quos pertineat jus capiendi, puniendique reos in tota Romana urbe, & locis à Lavardino prætensis; cum certissimum sit ad Romanos Pontifices pertinere, ab iisque semper exercitum, ut

ex

ex Archivis, Protocolis, comuni totius  
urbis testimonio, ac confessione etiam  
Gallorum constat, quod supra ostendi-  
mus, cum de Pisana conventionē agere-  
tur.

*Tertiò.* Ad præscriptionem requiritur  
bona fides in legitimo aliquo titulo sive  
vero, sive præsumpto, fundata, adeò ut  
sublatâ bonâ fide, ne mille quidem an-  
norum possessio præscriptionem pariat;  
idq; ut Præscriptio à furto & rapina di-  
stinguatur: at in nostro casu, quæ bona  
fides, quisvè legitimus titulus aut esse, aut  
præsumi potest, quando Summi Pontifi-  
ces legitimi istarum rerum & unici Judi-  
ces toties & tam enixè publicisq; edictis  
hæc Asyla prohibuere, imò abusum ap-  
pellarunt *abominabilem, detestandum,*  
*publica pacis perturbativum, fomitem re-*  
*bellionis, pessimi, valdequè perniciosi exem-*  
*pli, rem enormem, nimiam corruptelam,*  
*ausum temerarium, abominabile & dete-*  
*standum nomen,* fierinè, inquam, potest,  
ut bona fides ac legitimus Titulus esse  
vel præsumi possit, in rebus, quas ex Prin-  
cipis

cipis edicto constat, *abominabiles, enormes, detestandas esse, &c.* Quod si nec bona fides, nec titulus legitimus, ergo nec præscriptio.

*Quartò.* Certum quoquè est, sine continuata & nunquam interrupta possessione nec esse, nec concipi posse ullam Præscriptionem; imò hæc nihil aliud est, quàm continuatio possessionis. At in argumento, de quo agimus, quæ fieri potest continuatam fuisse possessionem, quando ab omnibus Pontificibus tot edictis, tot actibus, exemplisq; in contrarium edictis abrupta & truncata est, quoties micare & prodire ausa? Quis vocet adultam, quæ toties in cunis oppressa, quoties nata?

*At Legati sæpè conati sunt hanc immunitatem sibi vindicare, imò aliquamdiu usi sunt.*

*R.* Aliud est conatus & factum; aliud præscriptio; si conatus & facta ad præscriptionem sufficiant, jam dudum patrocínio præscriptionis homicidia, adulteria, perjuria, & omnia flagitia liceant.

quæ multò pluribus conatibus, exemplis-  
què, quàm immunitates Lavardini ni-  
tantur.

Quòd si dicas: *Hæc juri Divino & na-  
turali adversari, & ideò præscribi non posse.*

Respondebo non minùs esse juris na-  
turalis, Diviniq; hæc præcepta, quæ pro  
basi totius Juris-prudentiæ Justinianus  
posuit, videlicet: *Neminem ledere, jus  
suum unicuique tribuere;* quæ palàm est  
violari usurpato à Legatis jure Asylo-  
rum, quæ enim major læsio & fraudatio  
juris alieni esse potest, quàm supremum  
Principem & Pontificem magnâ parte  
Jurisdictionis in Urbem Romanam pri-  
vare, & flagitiis, ne deleri possint, pa-  
trocinium præstare paratâ impunitate?

Quintò: *Æquè certum est, quæ juri  
publico, & communi quieti repugnant,  
nullo tempore præscribi;* at verò quid  
magis repugnat, quàm hoc Asylo-  
rum jus, quo datâ flagitiis securitate & licen-  
tiâ, necesse est publicam quietem pro-  
scribi. Ipsi Galli, quando contra Jus Re-  
galia longissimam possessionem, ac supra  
I 2 omnem

omnem memoriam pro Ecclesiis allegari audierunt, quid aliud & sapius respondere, quàm juribus ad Coronam & Principatum pertinentibus præscribi non posse? At verò jus crimina puniendi multò magis Coronæ, supremæq; auctoritati annexum est, quàm jus Regaliæ: nam sine hoc possunt Regna & Principatus consistere, imò si Galliam excipias, nullum Regnum hoc jure potitur; non verò conservari Regna possunt sine auctoritate necessaria puniendi sceleratos; id enim ad publicam quietem & pacem pertinet, cui promovendæ Principatus instituti sunt.

*Sextò.* Denique Præscriptioni complendæ tempus necessarium est; nec enim quovis die aut anno aliena jura præscribi possunt: sed contra privatarum Ecclesiarum jura quadraginta annorum tempus necessarium est: contra verò jura Romano Ecclesiæ centum annorum. At Legati, quamvis cum aliis urbis Magnatibus usurpare hoc jus jam Julij III. aetate conati sint, eo tamen semper expulsi, co-

ctique

ctique cedere, liberâ justitiâ & omnibus  
locis exercitâ usq; ad annum 1670. quan-  
do sub Clemente X. ob causas nuper li-  
berras, non edictis quidem, aut pœnis, nec  
etiam satellitum excursu Asyla Legato-  
rum turbata sunt; sed tantum precibus,  
querelisq; apud Principes actum, ut hunc  
usum extinguere permitterent. Idq; multo  
efficacius à moderno Pontifice, quod so-  
lum sufficeret impediendæ præscriptio-  
ni. Demus ergo (quamvis ob causam  
modò allegatam ne hoc quidem concedi  
possit) duodeviginti annos elapsos esse;  
quantum id temporis est, ut non dico  
contra Pontificem, sed ne quidem contra  
privatum Civem præscribi possit? nihil  
ergo Lavardinum juvat ostentata Præ-  
scriptio.

*XXX. Vigesimo septimò: Conqueri-  
tur, violari Pisanam Conventionem.*

*Rz.* Pisanâ Conventionem nihil aliud  
contineri, quàm ut Legatis Galliæ honor  
exhibeatur tanto characteri debitus, non  
verò, ut jure Asyli gaudeant, præsertim,  
quando alij Principes ei renuntiârunt.

Imò Alexander VII. constantissimè negavit auctoritatem suam Asylo præstare, illudquè ratum habere, ut ex publicis documentis constat. Aliud est ergo honor Legatis debitus, aliud Asylum, neque hoc ad jura Legatorum pertinere, omnium qui de hac re scripserunt, testimoniis constat, patetquè aliorum Principum exemplo. Deinde Pisana Conventio de Legatis loquitur, qualis Lavardinus non est, quando, ut suprà jam monui, non solius mittentis imperium Legatum faciat, sed etiam consensus Principis, ad quem mittitur.

XXXI. *Vigesimo octavo*: Multis locis conqueritur Lavardini Orator: *Modernum Pontificem Innocentium malè in Gallos animatum esse; idque toto sui Pontificatus tempore multis, magnisque exemplis ostendisse.*

R. Posset Innocentius respondere, quod olim Elias similis culpæ à Rege postulatus: cum enim illum istis verbis Achab alloqueretur: *Tu ne es ille, qui conturbas Israël?* Respondit: *Non ego turba-*

*vi* *Israël, sed tu: qui dereliquisti mandatum Domini.* Si Galli iusta peterent, & quæ concedi possent, meritò & ante alios audirentur, Cum verò illa petant, quæ conscientia non admittit, quis amabo causa repulsæ? qui petit, an qui negat indigna? permittant Galli aliquem locum Conscientiæ, nec injuriam aut odium putent Regem soli Deo postponi.

Recensebo, de quibus Galli causantur, se à Pontifice exauditos non esse, sitque Lectori iudicium, odium an necessitas dici possit, quidquid Pontifex Gallis negavit?

Primò enim Rex Christianissimus Jus Regaliæ propriâ auctoritate ad Ecclesias duplo plures extendit, quàm quæ antea huic servituti subjectæ erant, imò etiam ad Ecclesiam regularem, qualis fuit Apmiensis idque contra Lugdunensis Concilij Decreta, contra præscriptionem immemorialem, contra Leges omnium retrò Gallia Regum, & denique contra jus & immunitatem tot Ecclesiarum.

*Secundo.* Vicarij Generales ab Abamiensi Capitulo Canonicè electi, Regiâ auctoritate operaquè Archiepiscopi Tholosani expulsi sunt, aliiquè intrusi, Canonicis omnibus Regularibus Apamiensis Ecclesiæ direptionibus, carceribus, exilio pulsus, totoquè Capitulo illius Ecclesiæ dissipato; unde funestum schisma seculum, duratquè in hunc diem.

*Tertiò.* Nominatio in aliquibus Monasteriis Urbanissarum Sanctimonialium Regi vindicata, suppressis liberis Electionibus, intrusisque Titularibus Abbatibus, unde summa ac plena scandali inter sacras Virgines exorta confusio.

*Quartò.* Oppressio Cluniacensis Abbatia, in qua, licèt vi Concordatorum jus eligendi sit penes Religiosos, & ij quendam Patrem Beuveron canonicè eligissent, hoc tamen renuntiare coacto, puni- toquè longo exilio substitutus est Bullo- nius Cardinalis, quem nunquam Ponti- fex adduci potuit, ut confirmaret, quip- pe contra Canones intrusum, cumquè in- signi injuria, damnoquè canonicè electi.

*Quintò*

*Quintò.* Extincta quoq; sunt Regiâ auctoritate quàm plurima Leprosoria, & loca pia (quorum plurima ad Ordinem S. Lazari spectabant) & Regis jussu invalidorum Xenodochio unita, quod non Pontifex ratum habere.

*Sextò.* Usurpata quoq; nominatio Abbatum in quàm plurimis Galliæ Monasteriis, aliisq; Provinciis bello quæsitis, cum certa clade Instituti & Disciplinæ Regularis, quod nunquàm Pontifex probavit.

*Septimò.* Nominati quoq; sunt ad vacantes Ecclesias duo ex illis Prælati, qui anno 1682. Conventui Parisiensi assidere, novamq; & omnibus Ecclesiæ, Galliæq; Patribus adversam doctrinam inducere moliti; ac etiam pro Regalia deciderunt, excluso Pontifice, cujus tamen iudicio causas majores reservari certissima Patrû Regula est, etiam à Maimburgo, aliisq; Gallis admilla. Hos verò à Rege nominatos Episcopos tanquàm suspectâ, sacrisq; Canonib<sup>9</sup> adversâ doctrinâ infectos Pontifex respuit; unde Galli animum obfirmârunt, ut ne quidê alios Episcopos

ferè triginta proponerent, ingenti va-  
cantium Ecclesiarum damno.

*Octavò.* Taceo novam, & Gallicà pie-  
tate indignam persecutionem, quã con-  
tra Ecclesiæ immunitatem tot insignes  
præclarique Sacerdotes, & Ecclesiastici  
dignitatibus aucti, carceribus, proscri-  
ptionibus, exiliisque puniti sunt. Hæc  
nunquam Innocentius probare potuit  
& quî posset à sacris Canonibus, ab Ec-  
clesiæ Gallicanæ institutis, & Legibus  
Divinis, humanisque adeò aliena? Hinc  
Gallorum querelæ, qui & Pontificem, &  
Pontificis Ministros odij acufant, quod  
non velint, quæ non licent, quodque non  
possint Rectorum Ministrorum cupidi-  
tatibus adulari; & Deum, Conscientiam,  
Regemque prodere tam turpi ac indignâ  
conniventia.

*XXXII.* *Ultimò.* Denique sparsim hic  
Auctor minatur: (quod etiam Lavardi-  
nus in fine Apologiæ suæ fecerat) *Si quis  
reverentiæ honori defuerit Legato tanti  
Monarchæ debito, reum illum fore omnium  
malorum, quæ ex irata, offensaq; Regis Ma-  
jestate provenire possint.*

R. Jam

R. Jam observatum est, Asylum non pertinere ad honores ac jura Legatorum, nec Lavardinum posse Legatum dici, sicquè nullam justam causam prætexi Regiæ indignationis. Quòd si tamen, ut Lavardinus minatur, Christianissimo Regi placuerit armis hanc causam finire, & quod jure nō potuit, vi ac potentiā exprimere, nihil aliud Innocentio supererit, quàm ut patientiā Pontifice dignā, quidquid Regi visum fuerit, intrepidè patiat, sequè non Achillis, aut Hectoris, sed Piscatoris successorem meminerit, cui, ut gladio abstineret, à Christo imperatum est. Non ergo Christianissimo Regi, Ecclesiæq; Primogenito, aut arma, aut acies opponet, sed reverentiam Pontifici debitam. Dicitquè Innocentius, quod olim & in simili causa Ambrosius: (a) *Meministis, quod lectum est, Nabuthem sanctum verum possessorem vineæ suæ interpellatum petitione Regiæ, ut vineam suam daret, respondisse: absit ut ego tradam Patrum meorum hereditatem, si ille vineam suam non tradidit,*

I 6

nos

(a) *Ambros. in Auxent. & Epist. 33.*

nos trademus Ecclesiam Christi? Quid igitur responsum est à me contumaciter? Dicenim conventus absit, ut tradā Christi hereditatem. Respondi ego, quod Sacerdotis est, quòd Imperatoris est, faciat Imperator, prius est ut animam mihi, quàm fidem auferat. Si à me peteret, quod meum esset, id est fundum meum, argentum meum jus huiusmodi meum, non refragarer; Verum ea, que Divina, non esse Imperatoria potestatis: si Patrimonium meum petitis, invade: si corpus, occurrā, vultis in vincula rapere, vultis in mortem? voluptati est mihi, non ego me vallabo circumfusione populorum, nec altaria tenebo vitam obsecrans, sed pro altaribus gratiùs immolabor.

Hæc olim Ambrosius Valentiniano Imperatori. Hæc iterum Innocentius Ludovico Regi.

FINIS.

\* \*  
\*

RE-



# REFUTATIO TALONII

REGII ADVOCATI

Ex Gallico in Latinum Ser-  
monem translata in gratiam  
Veritatis.



*Qui maledixerit Patri  
suo, &c. Exod. 21. 17.  
Principi populi tui non  
maledices. Exod. 22.  
28. Verè frustra im-  
pugnatur, qui apud impios & infidos  
impietatis arcessitur, cum fidei sit  
magister. Ambros. in Psal. 118.*


 Comparuit nuper audax  
 quædam declamatio à  
 Talonio typis vulgata,  
 sententiæquè præfixa, quam Pari-  
 siense Parlamentum contra Bul-  
 lam Innocentij XI. dixit; hoc est,  
 contra illud Diploma, quo Pon-  
 tificex Romanus illos omnes ana-  
 themate percellit, qui Asyli aut  
 immunitatum (quas Franchitias  
 vocant) prætextu sceleratis latro-  
 nibus, proscriptisque patrocini-  
 um & securitatem præstant, &  
 illos justitiæ, meritisq; pœnis sub-  
 ducunt.

Planè nisi hoc Talonij folium  
 palàm, totaque Lutetiâ visum  
 esset, ac insuper nomen Parla-  
 menti ostentâisset; quis unquam  
 credidisset tam infame scriptum,  
 totque

totquè in Romanum Pontificem,  
sedemquè Apostolicam injuriis  
sparsum sub Rege sapientiâ &  
Religione præcipuè aut tolera-  
tum, aut Advocati Generalis ca-  
lamo emissum iri, jam annis,  
studiisque forensibus cani? Con-  
stat equidem flagrante juventute  
multa ab hoc Togato contra  
Romanam Ecclesiam ex Lanoij  
scriptis profusa esse, illius, in-  
quam, Lanoij, cui non alius scri-  
bendi scopus, quàm ut detrahe-  
ret Pontificum auctoritati. Cæ-  
terùm sperari poterat ætate an-  
nis & experientiâ rerum auctâ bi-  
lem tandem minutum iri, ardo-  
remquè juventutis, quo tam mul-  
ta contra Sedem Apostolicam  
inconsultè latraverat; Sed & re-  
verentia non Ecclesiæ tantùm  
Gal-

Gallicanæ debita, sed toti Catho-  
lico Orbi (cujus caput visibile,  
Christiꝫ Vicarium tam indignè  
invaserat) & metus quoꝫ omnium  
animos in se provocandi  
prohibere eum debuit tam pu-  
dendo facinore. Nam cùm vi-  
ginti abhinc annis orationem vul-  
gâſſet erroribus, injuriisꝫ ple-  
nam; continuò Clerus Gallicanus  
contra illam querelis supplicique  
ad Regem libello pugnavit, &  
ſchiſmatis, hæreſisque convicit;  
quis non crederet cautiùs pro-  
greſſurum jam ſemel & tam gra-  
viter ictum? & tamen nunquam  
inſolentius in Pontificem, ſedemꝫ  
Apoſtolicam, quàm in nupero li-  
bello debacchatus eſt, neſcias  
ſponte ſuâ, nativaꝫ intemperie id  
fecerit, an ut aulæ blandiretur.

Sanè

Sanè in tanti momenti negotio, quodquè Europam totam concusserat, nemo non expectabat, ex historiis, legibus, ipsisquè visceribus causæ magnum aliquid à Talonio productum iri, & par tam injustæ, vanæq; moli sustinendæ. Nam quantis & quàm validis rationibus opus, ut hominibus persuadeas, licere Gallis in alieno Principatu, inquè ipsa Metropoli supremâ uti potestate Principe invito? Et tandem jus illud immunitatum & Franchitiarum tantâ contentione à Talonio defensum, quid aliud est, quàm potestas Principem in suis provinciis auctoritate privandi; alienam jurisdictionem invadendi; impunitatem omnibus flagitiis parandi; in-

com-

communi totius Orbis Patria (si enim Romam Talonius appellat) & in qua summa necessitas disciplinæ, leges omnes pervertendi; & denique tot hominum millia, quæ ex toto Orbe Romanam conveniunt, sceleratorum arbitrio & licentiæ exponendi, nullo justitiæ præsidio? En tibi egregiam Franchitiarum ideam! & tamen hæc ipsa est, cui tanto studio Lavardinus laborat. Si damna & perniciem reputes, quæ ex hoc jure Asyli proveniunt, omninò concludas, etiamsi aliquâ ratione niteretur, à Rege Christianissimo abdicandum esse, idque ad ejus pietatem & justitiam pertinere, ne videlicet tot flagitiorum se reum constituat, quibus usurpatum hoc privilegium,

gium aut causam præbet, aut occasionem.

At Talonius in vulgata nuper invec-tiva non argumentis, non probationibus causam Asylorum propugnat, nec saltem pompâ illâ mendicatæ eruditionis, quam alibi ostentat: nihil de usu, nihil de possessione Regum Galliaë post fundatam Monarchiam, nihil, inquam, istorum; sed aut Rethoricis figuris contentus, aut fumo Gallicanæ libertatis, aut declamationibus in aulam Romanam, aut aliis cantilenis toties auditis, totiesque refutatis; illud unum inculcat repetitquè: *Jus Asyli ad Regem pertinere, nec unquam abdicatum iri.* Quòd si tanti privilegij causas & rationes quæras; non alias affert, quàm si-  
dem

dem & auctoritatem suam: Talonius dixit.

Contendit: *Nec Reges, nec Regum Legatos posse excommunicatione puniri: Ecclesiam S. Ludovici injuste Interdicto suppositam.* Sed nullam rationem adjungit tantæ criminacionis; facilius quippe, breviusquè Talonio visum, si causam non examinaret, non discuteret; sed more sibillarum oracula proferret nullâ curâ probandi: *Roma potestate suâ abutitur, Gallie libertates deflorat:* Hæc summa negotij. Quem ergo effectum pariet hæc Talonij Oratio à Gallis tam decantata? non alium credo, quàm ut tripudient heretici: eruditi contemnant: Catholicici, addictiquè Romanæ Ecclesiæ indignentur: omnes vero boni

boni infortunium Galliaë deplorent, quæ hominum ferat summo Sacerdoti tam audacter insultantem, tantaquæ fiduciâ schismati præcinentem, idquæ sub illo Rege, cui tanta sapientiæ & æquitatis cura.

Augetq; dolorem, quod illi ipsi, quos rebus Ecclesiasticis Rex Galliaë præfecit, & quorum operâ, consiliisque utitur Romæ, non tantum non offendantur hujus Advocati petulantia, verum etiam applaudant, exultentque; imò tam indignæ in Romanam Ecclesiam rebellionis ipsi sint auctores, fabricaque calumniarum, quibus tantum Pontificis nomen audent defædare.

Cæterum injuriæ toto hoc Talonij libello sparsæ, adeo turbatim,

tim,

tim nulloquè ordine incedunt, ut  
 ijs componendis nulla mea cura  
 suffecerit; fateor enim conatum  
 me esse, ut illas disponerem, quo  
 videlicet clariùs apparere, con-  
 vinciquè possint: sed, ut dixi,  
 prævaluit Auctoris confusio, ut  
 proinde oppugnari à me debeant  
 vago certamine, & prout singulæ  
 occurrerint. Nisi fortè omnia ad  
 hæc capita reducas, videlicet  
*Primò*, ad injurias & convitia,  
 quæ impudenter in Pontificem  
 vomit. *Secundò*, in querelas, quas  
 de Pontifice malè in Gallias ani-  
 mato sparsim accumulatur. *Tertiò*,  
 in sententias erroneas circa au-  
 ctoritatem Ecclesiæ Romanæ  
 Matris & Magistræ omnium Ec-  
 clesiarum. Et *deniq;* in vanissimas  
 ratiocinationes, ac puero, quàm  
 Advo-

Advocato magis dignas, quibus  
Imaginarium jus Afyli, & Divino,  
humanoq; juri contrarium Regi  
Christianissimo vindicare conten-  
dit. Hæc merces Talonij; & quam-  
vis nemo unquam Assentatorum  
huc usquè processerit, placuit Ta-  
lonio illos omnes superare adulan-  
di peritiâ.

*Primò igitur Pontifici objectat:  
Jam à pluribus annis statuisse hostem  
se Gallorum profiteri, amicum verò  
omnium, quibus Gallia potentia aut  
odiosa, aut suspecta.*

Vides exordium tam grandis  
calumniæ: quid porrò à Talonio  
expectas? ut probet? ut foedera  
narret cum Gallia hostibus ab  
Innocentio percussa? ut bella,  
aut saltem machinationes pro-  
ducat

ducat in Galliaë perniciem? nihil  
 istorum; constat enim id maxi-  
 mè ab Innocentio hæctenus cura-  
 tum, *ut* animos Christianorum  
 Principum componeret extinctis  
 discordiis, *utquè* palàm testaretur  
 paternum amorem, & iparum  
 amori æstimationem, quam  
 Christianissimo Regi profiteretur,  
 nec aliud ab eo foedus conjun-  
 ctum, quàm innocens illud, Deo-  
 què tam charum, quo delendæ  
 Turcarum potentiaë Christiano-  
 rum vires sociavit. En odia &  
 insidias Innocentij. Illud verum  
 est (si hoc culpæ dari debet) do-  
 luisse Pontifici, cum Regem vi-  
 deret perniciosis Ministrorum  
 consiliis nimium tribuere, Prin-  
 cipem alioquin pium, justumquè  
 quoties suis, non aliorum arbi-

trius

nihil triis ageretur. Et verò, quàm  
maxi benignè, humaneq; Regem admo-  
cura- nuit, ne permitteret Regaliam qua-  
rum tuor Provinciarum Ecclesiis im-  
in dōis poni, quæ semper imunes fuerant  
iretur hujus servitutis, & quâ tamen ejus  
barem Ministri Ecclesias opprimebant,  
nam Regio nomine abusi, calcataq; Ju-  
retur, stitiâ?

n jun- Quis autem fatis dolorem ex-  
Deo- plicet, quo Sanctissimus Ponti-  
endæ fex angebatur, cùm videret tot  
iano- Episcopos, totq; alios Sacerdo-  
lia & tes pietate, Zeloq; insignes, to-  
erum to Regno proscribi, & pœnas  
do- gravissimas dare, nec aliam ob  
n vi- causam, quàm quòd Romæ obe-  
orum dirent, causamq; libertatis Ec-  
Prin- clesiasticæ sustinerent; idquè  
ique exemplo ipsorum Gallia Antisti-  
arbi- tum, qui octuaginta ab hinc an-

K

nis

nis eam constantissimè defendi-  
 rant; imò quam ipse Petrus d  
 Marca, quamvis alioquin Reg  
 addictissimus, egregiis scriptis  
 agnoverat, oppressus, ut credo  
 mole veritatis.

Cùm videret Regiâ auctoritat  
 institutum Religiosarum Infantia  
 Christi ab Episcopis, à Pontifici-  
 bus, ab ipsoq; Rege approbatum,  
 momento aboleri, nullâ justitiæ  
 legumq; reverentiâ?

Cùm videret hinc everti Cha-  
 ronense Monasterium, inde in  
 ædibus Urbanissarum perpetua  
 Antistitas intrudi, idquè contra  
 omnes Leges, canonumquè De-  
 creta?

Cùm videret arbitrio Judicium  
 sæcularium & libertatem, & ju-  
 risdictionem Ecclesiarum

fend  
us d  
Reg  
crip  
credo  
mom  
orit  
fanti  
ntific  
datum  
stific  
mob  
ti Cha  
de in  
petua  
contra  
uè De  
god  
dicum  
, & ju  
turpi  
fima

simâ servitute damnari; jugumq;  
Ecclesiæ Gallicanæ ab ijs imponi,  
quorum vita nimis quàm nota, &  
silentio digna: Ecclesiæ inquam  
Gallicanæ, quæ cùm singulis ferè  
momentis libertates suas jactet,  
re ipsâ sæculari Magistratui ad  
pedes jacet, servitquè miserrimo  
ac pudendo ancillatu, Parlamento  
videlicet rebus sacris & Ecclesiis  
imperante, idquè majori fastu ac  
dominatu, quàm ipsa Oecume-  
nica Concilia, Romaniquè Ponti-  
fices.

Cùm videret præcipuas Regni  
ac devictarum Provinciarum Ab-  
batias in Commendas dari: Epi-  
scopos ad alienas Ecclesias trans-  
ferri, suis, quas primò suscepe-  
rant, relictis, commissisque al-  
teri & subornato Episcopo, qui  
prio-

prioris Episcopi Vicarium agat  
 cogi Capitula vacante Ecclesia  
 Vicarios eligere, non quos vo-  
 lunt, & quos Conscientia eligen-  
 dos dicit, sed quos Rex imperas  
 præscribitque: Canonicos exilio  
 pelli, quotquot Gubernatoribus  
 Provinciarum licet modeste ob-  
 nituntur, recusantq; Mercenarios  
 Pastores accipere ex aula præ-  
 scripto.

Cum videret Gallia Episcopos  
 olim Apostolicæ Sedi majori, quam  
 dici possit, demissionis & reveren-  
 tiæ sensu addictos, non omnino  
 dissimiles sibi in Conventibus an-  
 nis 1680. & 1682. celebratis  
 classicum aperto bello in Eccle-  
 siam Romanam cecinisse: ac  
 Decreta vulgasse Apostolicæ Di-  
 gnitati planè adversa, & ab ijs De-  
 cretis

cretis aliena, quæ Ecclesia Galli-  
cana in Comitibus anni 1616. per  
Cardinalem Perronium, & anno  
1625. in articulis pro reparanda  
Ecclesiastica Disciplina condide-  
rat. Sed, ut credo, alia tunc erat  
ratio Galliarum Episcoporum; olim  
enim Conscientiæ stimulis, spiri-  
tuq; Religionis agebantur: nunc  
metu & factionibus, aulæq; in-  
stinctu; quid ergo mirum aliis  
ex causis alios effectus prodiisse?  
Ut proinde nonnemo ex Episco-  
pis, qui Parisiensi Conventui af-  
fedit, amico suo familiariter, ve-  
req; dixerit: *Galliarum Episcopos liber-  
tatem, honorem, & Conscientiam  
in Conventu Parisiensi perdidisse, &  
nihil prætereà.*

Cùm videret Clerum Galli-  
canum olim pietate, scientiâ &

constantia Sacerdotali ante alios  
 florentem: nunc adeo marcuisse,  
 ut malit jura & privilegia Eccle-  
 siarum suarum penitus deleri,  
 quam vel vocem, vel querelam  
 emittere memorem pristinae liber-  
 tatis. Qui minus facerent, si man-  
 cipia essent?

Cum denique videret tot Sa-  
 cerdotes, virosque doctrina in-  
 signes, exiliis, carceribus, falsis  
 criminationibus, aliisque modis  
 puniri, ac privari suis beneficiis;  
 idque nullam judicij formam ser-  
 vatam, ac saepe suis etiam Episco-  
 pis Dioecesanis omnium igna-  
 ris, inconsultisque: & si causam  
 quaererent tam saevae persecu-  
 tionis; haec una reddebatur:  
*Quod Jansenismum redolerent.* Hoc  
 nimirum crimen est, quo omnes

Innocentes laborant; quotquot videlicet Regiis Ministris adulari non possunt. Nec refert, si palàm protestentur: *Se Jansenij quinque propositiones ex animo averfari.* Nihilominùs rei sunt, & velint, nolint, oportet, ut inviti sint Jansenistæ, novâ videlicet delicti specie, quando cogunt hæreticos esse, etiam qui nolunt. Sed neque hoc satis, alia subjungunt Jansenismo supplendo; videlicet esse seditiosos: esse novæ Ethices (Principibus tam charæ) juratos hostes: esse mille titulis suspectos: esse denique, quidquid non sunt: nisi fortè hoc unum excipias, quòd illis, qui in aula sunt, & quorum arbitrio Ecclesiæ permittuntur, blandiri non possint; hoc unum verumq; deli-

Etum est, quod, ne nomine careat, *Jansenismum* appellant.

Accusat Talonius *severitatem Romanæ Inquisitionis*. Sed si ex una parte progressus attenderetur hujus Tribunalis, quo videlicet selectu accusationes audiantur: quo studio reorum responsa: quàm lentè & per moras sententiæ maturentur: ex altera verò parte, si modum animo reputaret, quo Personæ Ecclesiasticæ in Galliis judicentur, non auditis videlicet reorum responsis, non communis depositionibus; non collatis testibus, nec coram constitutis; non Episcopis consultis, quorum subsunt jurisdictioni & potestati; nullo ordine, nullâ formâ judicii; ejecti, proscripti, spoliati, & squalidif-

lidissimis custodiis afflicti; nullo  
commeatu, nullo solatio, nullâ ve-  
niæ spe, ac sæpè unius tantùm Je-  
suitæ delatione oppressi: si hæc  
inquam omnia cum Romanis  
Tribunalibus conferret Talonius;  
fateretur utique (si modò tanta  
ori, quanta cordi libertas) plu-  
meum Romæ, ferreum in Galliis  
jugum portari, & eorum inqui-  
sitionem, quibus res Ecclesiasti-  
cæ à Rege committuntur, adeò  
inclementem, adeò crudelem  
esse, ut delitiæ sint, quidquid de  
Italia & Hispanica severitate  
narratur. Recordetur ergo Ta-  
lonius, quàm indignis sævisquè  
modis in Galliis habeantur, quot-  
quot aulæ non placent, & fatebi-  
tur, nullam de Romana inquisi-  
sione querelam superesse.

K 5

Enim-

Enimverò mala & abusus, quæ  
modò libavimus, & quæ longo  
ordine narranda superessent,  
Pontificem Innocentium non la-  
tent; nec omisit jam fufis ad  
Deum lacrymis, jam litteris ad  
Regem datis, humanitate, pater-  
noque affectu plenis, jam preci-  
bus per Nuntios porrectis, reme-  
dium aliquod quærere tam per-  
tinacibus morbis. Hoc totum  
est odium. Hæc persecutio, quæ  
Pontifici imputatur: quòd ge-  
muerit, quòd rogaverit, quòd  
monuerit, quòd medelam apta-  
verit, quòd Immunitati Ecclesia-  
sticæ jam in faciem cadenti bra-  
chium porrexerit, quòd Clerum  
reformari, injusteque oppressis  
quietem optaverit. Hoc, in-  
quàm, si delictum, & odium vo-  
cari

cari debuit, nemo nocentior Pontifice, nemo Gallia infensior: at pari ratione & Medicus, cum infirmo medetur, & Pater cum filium objurgat emendaturus, inter hostes & persecutores censendi erunt.

Opponit secundo ordine Talonius (si modò Talonij sunt, quæ nullam connexionem habent cum ijs, quæ sequuntur, præceduntq;) *Charissimos esse Pontifici, quos constat Jansenij discipulos fuisse, hos laudibus, hos mille favoribus cumulari.*

Non explicat Talonius, qui sint isti Jansenio addicti, & Pontifici Innocentio prædilecti, & consultò tacet, quos non potest indicare, quippe innocentes; & poenas quoque Calumniatorum veritus,

cùm eum non lateat, enixis ver-  
bis, regioquè Diplomate prohi-  
beri, ne Jansenistæ appellentur,  
quotquot aut Pontificijs contra  
Jansenium Decretis se submisc-  
runt, aut à nullo Episcoporum  
hujus criminis damnati sunt.

Quod verò adjungit Talonius:  
*Ipsum Pontificem Innocentium Jan-  
senistarum partes fovere*; tam pe-  
tulanter, falsoquè dicitur, ut ne  
quidem responsum mereatur;  
illud potius demiror, & Galliam,  
& Parlamentum ferre tam indi-  
gnas, enormesquè calumnias  
non solum toto Regno jactari,  
verum etiam ipsius Parlamenti  
Arresto præfigi. Hæc nimirum  
est reverentia Romano Pontifici  
debita? hæc justitia Parlamenti  
tam atrociam simulantis? & quid  
mirum

mirum est, tot Innocentius Episcopus subornatis accusationibus damnari, quando vel in ipsum Pontificem tanta, & tam impunita licentia?

Sed neque satis Pontificem Jansenismi postulasse, addit Talonius: *Tam segnem esse, inertemque, in Quietistarum erroribus profligandis, ut non somno tantum, sed lethargo, correptus videatur.*

Hæc Talonius notâ Advocatis modestiâ; & tamen palàm est, non potuisse Innocentium majori Zelo & curâ persequi Quietistas, postquam observati sunt, eorumque hæresin extinguere. Notum est, quàm severè cum Michaële Molinos hujus hæresis infami Auctore ejusq; Affectis à Pontifice actum. Illud verum

est, voluisse Innocentium omnium retrò Pontificum, Patrumq; exemplo, ac etiam ex Canonum præscripto discrimen fieri inter hæresis Auctorem, quique huic spontè, obstinateq; adhæserunt; & inter illos, qui licet Religione, ac doctrinâ eximij, primasquè Ecclesiæ dignitates meriti; specie tamen pietatis decepti (quam viginti omninò annos egregiè Molinos finxerat) in errorem prolapsi sunt; parati tamen ex Ecclesiæ sententia illos deponere. Noluit, inquam, Innocentius hos cum obstinatis hæreticis eodem fasce involvi; nam etiam in causa Religionis nihil fieri inconsultò debet, cæcoq; impetu & citra rationem, & tamen hæc omnia à Patribus exercita, à Canonibus

nonibus præscripta, somnus Talonio, & lethargus videntur.

Cùm aliquot abhinc annos Innocentius errores Casuistarum, qui moralem Theologiam corruperant, solemni diplomate damnasset; vetuit Parlamentum vulgari, quòd in illo mentio fieret Inquisitionis. Nunc verò cum Pontifex causam Molinos ejusq; Afsecularum maturè, citraq; passionem expendi vult, nec patitur præcipui meriti Prælatos adversariorum invidiæ exponi; indignatur Talonius, urgetq; Pontificem, & Inquisitionem inclamat, Tribunal alioquin tam illi exosum, & tunc præcipuè, cùm non patitur corruptelas opinionum Christianæ Theologiæ adeò funestas.

De-

Denique offendunt Advocatum nostrum, quæ de Pontificis Innocentij sanctitate passim & ab omnibus celebrantur: *Nec alios tam præclare de hoc Pontifice sentire dicit, quàm Jansenij discipulos.*

Quid posset vel ipsa invidia, si calamum Talonio duceret, ineptius fingere? Oportet enim verò totam Europam ex Jansenistis constare; tota enim est, quæ modernum Pontificem summis laudibus extollit, quæ illum ut Pastorem agnoscit ex speciali Dei providentia Ecclesiæ datum: & quæ fatetur, necessarium fuisse corruptissimis hisce temporibus, ne videretur abbreviata manus Domini, & suorum oblitas. Interroget Talonius Romam, imò

imò totum Orbem Christianum  
& veritati testimonium feret.  
Cum Sedes Romana vacaret,  
jam tunc omnium votis dignissi-  
mus Pontificatu censebatur, nec  
spes fefellit, ceciditque major  
omni expectatione eventus. Ani-  
mus ab omni fastu & cupiditate  
alienus. Familia, & consangui-  
nei non opibus, non honoribus,  
aucti. Ingens domi frugalitas, &  
par cura sublevandæ Apostolicæ  
Cameræ ære alieno oppressæ.  
Pax inter Principes Christianos  
immensis laboribus parta, pro-  
fusique Thesauri evertendo Tur-  
carum imperio. Taceo felicissi-  
mum belli eventum, infidelibus,  
non tantum armis, verum etiam  
terrore nominis Christiani &  
civili bello oppressis. Taceo  
Catho-

Catholicam Religionem Angliæ  
 illatam; Germaniam Turcis pur-  
 gatam, certæq; ruinæ ereptam;  
 Nepotismum Româ proscriptum;  
 morum integritatem semper sibi  
 similem, neq; ut fieri solet, Prin-  
 cipatu & fastigio corruptam. Con-  
 stantiam Principe dignam, omniq;  
 metu majorem, & denique infinita  
 alia, quæ de hoc Pontifice narrari  
 possent.

Hæc omnia tam vera & magna  
 sunt, & Innocentij virtutes tot  
 vocibus & testimoniis probant,  
 ut nullis Talonij calumniis nulla-  
 què invidentium arte obscurari  
 possint.

Pergit deinde Talonius ad alia  
 querelarum capita Romano  
 Pontifici objecta, & cui maxime  
 insistit,

insistit, urgetque, illa est; quod  
recuset Innocentius vacantes Epi-  
scopatus illis conferre, quos Rex  
nominavit: *Tertiam fere partem  
Ecclesiarum Pastoribus vacare: si  
nolit Pontifex concordatis stare, ne  
Regem quidem illis obstringi; ut  
ergo primis Ecclesie temporibus Epi-  
scopos populus eligebat, ita nunc vice  
populi posse à Rege constitui, cum præ-  
cipua populi auctoritas sit in Reges  
translata.*

Sic Talonius philosophatur.  
Atque utinam quàm Romæ, tam  
in Galliis concordata religiosè  
observarentur, cessarent utiquè  
tot illi abusus, injustæq; usurpa-  
tiones, quæ Galliam occupârunt,  
quæq; bonis omnibus tot lacry-  
mas expresserunt; quamvis eò  
tandem processere, ut facilius de-

de-

deseri, quàm emendari possint. Sed ut objectis respondeam, nego Pontificem eos respuisse, qui à Rege fuerant optati, modò tamen ijs conditionibus potirentur, quas Concordata, sacrique Canonones requirunt. Nec ad alios virtute Concordatorum id examinare, quàm ad Summum Pontificem pertinet. Quòd si absint necessariæ conditiones, tenetur Rex spatio trimestri alios nominare desideratis qualitatibus instructos. Nec obligari Pontifex potest proferre causas repulsæ, cum nullius iudicio subiaceat. Quamvis enim nisi ob justissimas causas, repellere non possit à Rege nominatos, id tamen Conscientiæ illius relinquitur, nec ab ullo Principum ad-

ratio-

rationem repulsæ reddendam, multoq; minùs ad indignos admittendos, & pacta violanda constringi potest. Legantur tantùm concordata, & quæ post illam contigere, ad memoriam revo-centur, patebitq; jure, an injuriâ, Pontifex accusari possit. Quantis laboribus & à Cardinalibus, & à Legatis Galliæ certatum est, ut Renatus Henrici IV. Confessarius Trecenti Episcopatu donaretur, quem illi Rex destinaverat; nec tamen impetrari Bullæ potuerunt, ut videre est in Epistolis Ossati Cardinalis. Nota quoque è omnibus est celebris illius Abbatis repulsa, quem, cùm Ludovicus XIII. Regnantis Pater infinitis elogiis Pontifici ad Episcopatum obtulisset, nunquam tamen obtineri potuit

potuit, ob quasdam Abbatis actio-  
nes Episcopo indignas, & clam  
Pontifici notas.

At, inquires, *triginta interim  
Ecclesie ab Innocentio Episcopis pri-  
vantur.*

Fallitur Talonius, Pontifex enim  
duos tantum admittere recusavit,  
qui videlicet Anno 1582. Con-  
ventui Parisiensi interfuerant,  
subscripserantq; omnibus in eo  
Conventu decretis. At Regij  
Romæ Ministri sive imperio Re-  
gis, sive proprio instinctu nega-  
runt, se alios proponere posse,  
duobus illis à Pontifice non ad-  
missis. Sicq; Gallorum est cul-  
pa, tot hætenus Ecclesias vacare.  
Nolo hîc ad examen revocare  
illorum imprudentiam, qui Re-  
giam Majestatem nullâ necessitate  
hujus-

hujusmodi tricis implicârunt. Alij  
sanè Ministri conati essent, aut  
Episcoporum, quos Rex nomina-  
verat, innocentiam ostendere, aut  
culpam elevare, aut aliâ quâvis  
ratione placare Pontificis ani-  
mum, ne mutua utriusq; amicitia  
concideret, & optati à Rege ad-  
mitterentur. Sed nihil istorum  
Regiis Ministris placuit, quippe  
placida & honesta respicientibus, &  
illa potius amplecti paratis, quæ  
omnia turbare, quàm componere  
possint.

Sed quidquid de hoc sit, illud  
saltem negari non potest, virtute  
Concordatorum jus plenarium,  
Episcopos constituendi ad Sedem  
Apostolicam devolvi, quoties  
intra semestre à tempore Vaca-  
tionis nemo Pontifici præsentatur;  
tantum

tantum ergo abest, damna vacan-  
 tium Ecclesiarum Pontifici adscri-  
 bi posse; ut potius summa illius  
 moderatio magis magisque appare-  
 at, viribus & auctoritati suæ pacem  
 anteferentis.

Quòd ergo tot Ecclesiæ Pastro-  
 ribus careant, Regionum Mini-  
 strorum culpa est, non Pontificis  
 Romani; nec iste, ut aulici assen-  
 tatores criminantur, aut odio,  
 aut vindictâ, aut genio Gallis ad-  
 verso impellitur, sed ex Conscien-  
 tiæ & justitiæ præscripto. Offe-  
 rant Galli dignos Episcopali di-  
 gnitate, & apertis brachiis eos  
 Roma excipiet. Quòd si indi-  
 gnos proponunt, frustrâ sperant  
 Pontificem minis & clamoribus  
 permotum iri, multoque minus  
 sordidis

can- sordidis illis, rusticisq; convitiis,  
scri- quæ non puduit Talonium in tan-  
lius tum Pontificem expuere; & qui-  
bare bus nihil aliud effecit, quàm ut in-  
cem dignum se Togâ ostenderet, offi-  
cioq; quo fungitur.

isto- Nec dicat Talonius: *Ideò no-*  
lini- *minatos à Rege Episcopos Romæ ad-*  
ficus *missos non esse, quòd non credant*  
fend- *Pontificem infallibilem esse, &*  
dio, *Conciliis superiorem, nec enim*  
ad- *hæc repulsæ unica causa: sed illa*  
rien- *poti<sup>9</sup>, quòd in eo Conventu, quem*  
offe- *collectum esse jactabant Regi cum*  
di- *Pontifice componendo, ausi fue-*  
eos *runt causam Regaliæ definire, hoc*  
ndi- *est illam causam, quam cum con-*  
rant *stet ex majoribus, imò maximis*  
ibus *esse, sicq; Pontifici reservatam; ac*  
inùs *insuper per legitimam appella-*  
lidis *tionem*

L

tionem

tionem ad Apostolicam Sedem devolutam; ignorare non poterant, non ad paucos Galliae Episcopos, non Conventum Parisiensem, sed ad solum Pontificem pertinere. Et cum oporteret in ea causa, in qua de libertate agebatur Ecclesiae Gallicanae, vires cum Pontifice, Christique Vicario conjungere; ipsi potius exemplo planè indigno, contra suum Protectorem arma sumere, causas exostulandi congerere, Pontificiam potestatem in arctum cogere, idquè nullâ necessitate nullâque auctoritate conati sunt; hæc inquam causæ fuerunt, ob quas credidit Pontifex vacantes Ecclesias tam timidis, infidisque Pastoribus committi non posse.

dem  
pote  
e Epi  
Parisi  
ficem  
ret in  
e age  
vires  
Vica  
xem  
uum  
causas  
ntifi  
coge  
ullaq;  
æ in  
s cre  
lehas  
ribus  
Et

Et verò cui unquam in mentem  
venisset, adeò Episcopis Parisien-  
sis Conventûs nullam decori, ho-  
nestiq; curam fore, ut eo ipso tem-  
pore contra tam sanctum Ponti-  
ficem talia molirentur; quo ipse  
nullo sui privato commodo, in-  
commodoquè, sed unicè ob liber-  
tatem Episcoporum, quatuorq;  
Provinciarum à Regalia exem-  
ptionem cum Rege conflictaba-  
tur? Egregiam enimverò occasio-  
nem, candidoq; marmori inciden-  
dam, ob quam videlicet crederent  
indici bellum Romano Pontifici,  
ejusq; auctoritatem minui oport-  
ere. Sed nequè ullum manda-  
tum à Clero Provinciarum sua-  
rum Episcopi acceperant tam  
grandia & inconcessa tentandi.  
Constat etiam illos ipsos Antisti-

tes, qui Parisios convenerant, non liberis suffragiis, sed vi, metuquè, & ex aulæ imperio in cæteribus Provincialibus electos fuisse. In ipsis quoq; Parisiensibus Comitibus nunquam tanti momenti causa discussa, & ad examen revocata, nec etiam Episcopis, aliisque Provinciæ Deputatis libertas dicendi permiffa, sed omnia ex Præfidis arbitrio, hoc est, ut ex Palatio jubebantur raptim festinata.

Nolo hîc Parisiensi declarationi, quatuorq; propositionibus expendendis immorari, id jam ab aliis factum; ac illis præsertim, qui vanissimas ac plenas imposturis Maimburgi cantilenas (digni videlicet illius Cætûs Protectoris) egregiè refutârunt.

Suf-

Sufficit dicere, Episcopos, qui Parisios convenerunt; & Basileensium, & Richerianorum licentiam superâsse, ac gravius, quàm illi in Pontificis auctoritatem, grassatos esse. Basileenses enim in nonnullis tantùm casibus Concilio Pontificem submittebant; at Parisienses nostri in omnibus & semper, adeò ut si Concilium aliquod legitimè congregatum hæresin postea definiret (ut quondam Ariminense) non posset ex istorum sententia, à Pontifice irritum declarari, ejusq; Decreta aboleri. Si prius Parisienses Episcopi & Gallicanæ Ecclesiæ in Synodo anni 1625. & Conciliorum documenta percurrissent, quàm nuperam Declarationem foras proferrent;

L 3                      utique

utique intellexisset, illam mentem  
Ecclesiæ Gallicanæ, omniumq;  
Conciliorum è diametro repu-  
gnare; quippe cum Decreta, leges-  
quæ Conciliorum vim & auctori-  
tatem nullam habeant, nisi à Pon-  
tificè confirmata.

At ex aduerso, si quis Deputa-  
torum, qui Parisiis convenerunt,  
audaciam animo reputet; merito  
dubitare possit, non tantum an  
Galli, verum etiam an Catholici  
sint, agnoscantq; pro Christi Vica-  
rio Pontificem Romanum; sicq;  
ex hac etiam parte merito Ponti-  
fex morari debuit, Bullasq; retine-  
re, donec de illorum fide & reli-  
gione pleniùs constaret.

Cæterum illud quoq; notandum  
est, quod Talonius ex industria  
omisit;

omisit, videlicet, eo ipso tempore, quo duos illos ex notatis causis Innocentius rejecit, simul profectum, se alios, qui Parisiensi Conventui non interfuerant, libenter admissurum; imò sequenti postea anno Abbatem S. Valerij à Christianissimo Rege nominatum ad Ecclesiam Quebekensem in novo Orbe promovit.

Quid hinc rogo à Pontifice non moderatè, non canonicè, summaq; prudentiâ factum? & quis est Talonius, ut plura à Pontifice petat, quam in Concordatis comprehendatur? an vero oporteat Pontificem quoslibet, nulloq; discrimine, digni aut indigni sint, ad Episcopatus recipere? aut fortè examinata, & judicata à Pontifice Talonij examini & iudicio, aut

alterius Tribunali subjaceant? & si Pontifex omnes, quotquot à Rege exhibentur, acceptare tenetur, quid ergo causæ est, ut in Concordatis statuatur, si Pontifex aliquem rejiciat à Rege nominatum, obligari Regem intra tres menses alium Pontifici offerre? nec verò insolitum est, aliquos à Pontifice repelli; nondum quadraginta anni effluxerunt, cum ob similem ferè causam nunquam obtineri potuit, ut Petrus de Marca ad Episcopatum Conforanensem, & postea Archiepiscopatum Tholosanum priùs admitteretur (quamvis à Rege nominat<sup>9</sup>, quamvis Gallico Legato omnem lapidem movente) quàm ut aliqua purgasset, quæ in celebri suo libro de Concordia Sacerdotij & Imperij

licentiùs contra Romanam Se-  
dem exprefferat.

Opponit quidem Talonius :  
*Cardinalem Lotharingia in Concilio  
Tridentino palàm professum esse, Pon-  
tifici Romano donum infallibilitatis  
non competere.*

Sed multis rationibus auctori-  
tas, & testimonium hujus Cardi-  
nalis impugnari potest.

Nam primò nec Paulus Servita,  
nec Pallavicinus in historia Tri-  
dentini Concilij hujus facti memi-  
nere; at utique meminissent, nec  
enim aut ignorare poterant, aut  
silentio præterire rem tanti mo-  
menti, & tam omnibus notam.

Deinde Instructio à Lotharin-  
go ad Bretonem Agentem suum,  
data, & quam describit Dupuy,

L 5

meritò

meritò suspecta est, dubiæq; fidei  
 & videtur ab hæreticis corrupta.  
 Quippe Cardinalis in ea testatur:  
*Concilium Florentinum in Gallis re-*  
*ceptum non esse.* At nullus Catho-  
 licorum hoc dixerit, cùm constet  
 ubiq; locorum Florentinum rece-  
 ptum esse, si Græcos schismaticos  
 excipias. Basileenses quidem o-  
 mnibus viribus egerunt, ne Con-  
 cilium Florentinum indiceretur,  
 & tamen nullus Principum reli-  
 ctis Basileensibus, Florentinum pro  
 Oecumenico non agnovit, illiq;  
 tanquàm legitimo non adhæsit.

Denique ipse Dupuy ad margi-  
 nem illius instructionis notat, im-  
 perâsse Agenti suo Cardinalem Lo-  
 tharingum: *Quæ Pontificem, &*  
*Concilij superioritatem spectant,*  
*omitterent legere.* Ex quibus col-  
 ligere

ligere licet, pœnituisse Cardina-  
lem, & rematurius expensâ emen-  
dâsse, quæ irato exciderant.

Sed quidquid de hac instru-  
ctione sit, recordari omninò de-  
buit Talonius in ultimo Latera-  
nensi Concilio sub Leone X. aper-  
tissimè definitum esse: *Concilium*  
*Pontifici subesse*, & tamen illa ipsa  
Synodus Lateranensis pro legiti-  
ma, Oecumenica, & indubitata  
à Ludovico XII. & Francisco I.  
Galliæ Regibus, & proprio, &  
omnium Gallorum nomine, rece-  
pta est. Sed & Cancellarius Pra-  
tensis in illo ipso sermone, quo no-  
mine Francisci Regis Parlamento  
demonstrat, Concordatum recens  
cum Pontifice initum Galliæ con-  
ducere, illud quoq; adjungit: *Cer-*  
*tum esse, Papam, si paucos, rarosq;*

casus excipias, omni Concilio superio-  
rem esse.

Errat ergo Talonius, sequè re-  
rum, quas narrat, omninò igna-  
rum ostendit, cùm audet tam præ-  
fidenter asserere: *Totam Galliam  
Basileensi synodo adherere in ijs, qua  
spectant ad Concilij supra Pontifices  
auctoritatem. Totam quoque cum  
nupero Parisiensi Conventu sentire.*  
At Talonius catenas, exilia, bono-  
rumq; proscriptiones amoveri fa-  
ciat, dicendiquè, quæ sentiunt, li-  
bertatem Episcopis reddi, & con-  
tinuò videbit, quàm multi nupe-  
ram Declarationem ex corde aver-  
sentur, & toti in partes Pontificis  
transeant.

Cæterùm quidquid Theologi  
privatim opinentur, palam tamen  
paucissimi ausi sunt, Pontificis au-  
toritati

toritati litem movere; & inter  
istos paucos duo illi, qui ad Episco-  
patus admissi non sunt, nec prius  
admittentur, quam agnito, corre-  
ctoq; errore. Sed duo isti facile  
veniam impetrassent, modò Gallis  
placuisset, minori fastu, strepituq;  
rem istam aggredi: at avidi tur-  
barum, flammamq; accendendi, eo  
tandem devenerunt, ut jam semel  
accensam ardentemquè, nec ve-  
lint extinguere, nec etiam pos-  
sint.

Transit deinde Talonius ad in-  
gentem machinam, quâ Pontifi-  
cis animum expugnaturum se cre-  
dit. Prædicat: *Nisi Pontifex Bul-  
las ad vacantes Episcopatus concedat,  
etiam illis, quos indignos reputat,  
fore, ut nihil amplius pecunia ex Gal-  
liis Romam deferatur.*

L 7

O sim-

O simplicem Talonium, qui tantum Pontificem Advocati calceio metitur! nimis planè Innocentij animum & genium ignorant, quicumque sperant corrumpi eum posse tam vili pretio: non Thefauri, non regna sufficerent; quanto minùs parum illud argenti, quod ex Gallis affertur, quodq; in tot capita divisum etiam à sordidissimis vix nomen, aut curam meretur?

*At, pergit Talonius, Pontifice Bullas recusante, meritò ex parte Regis Christianissimi Concordatum abrumpi posse, reduciq; Pragmaticam sanctionem?*

Sed quia nec aulæ, nec Regis Confessario conduceret Pragmaticam sanctionem, & cum ista liberas electiones Gallix restitui, ideo

ideò Talonius noster modum  
aliud invenit, quo & Concordata,  
& Pragmatica aboleri possint,  
& tamen jus eligendi penes Re-  
gem constitui: *Electio*, inquit, *Episcoporum*  
*olim ad populum pertinebat*: at populus non amplius in eo statu-  
tus est, ut hoc jure gaudere aut potiri  
possit: exempla quoq; suppetunt Re-  
gum prima, secundaq; stirps, qui  
certis casibus Episcopos eligebant:  
cùm ergo Reges sint precipua & no-  
bilissima populi pars, possintq; tam  
proprio nomine, quàm populi agere;  
succedant ipsi, eligantq; Episcopos, quos  
postea Metropolitanus, alijque Epi-  
scopi Provinciales confirmant, con-  
secrantquè.

En tibi egregiam Gallici Advo-  
cati Theologiam! quam qui legit,  
auditquè, meritò suspicari possit,  
venisse

venisse auctorem ex ultima Orbis  
 Brasilia, ubi nulla æquitatis, nulla  
 rationis, nulla juris Divini huma-  
 niq; notitia. Talonius tantus li-  
 bertatis Gallicanæ declamator ni-  
 hil Pragmaticæ sanctioni (in sa-  
 cris Canonibus, Conciliisq; Con-  
 stantiensi & Basiliensi fundatæ,  
 si electiones spectes) nihil synodo  
 Aurelianensi deferendum cen-  
 set, quæ Capitulis Cathedralibus  
 unà cum Magnatibus, præcipuis-  
 què Civibus Diæcesis jus eligendi  
 restituit. Talonius adeò Cano-  
 nicis electionibus adversatur, ut  
 eas etiam impossibiles esse con-  
 tendat, & quas alij quondam Ad-  
 vocati tanquam præcipuum ca-  
 put Gallicanæ libertatis omnibus  
 viribus propugnârunt, ipse sub-  
 versas cupit. Talonius, inquam,

NON

non Canonum, non Regiorum,  
edictorum, non Legum in Con-  
ciliis sancitarum, non denique  
libertatis Ecclesiasticæ memor  
omnia momento deleri optat;  
tantum ut in aula mereatur. Jus  
novum condatur solâ auctori-  
tate, Jurisque prudentiâ Talonij  
suffultum: Galliæ Concordata  
uno ictu truncentur, quippe Pon-  
tifici propitia, cui jus permittunt  
indignos repellendi: cesset Pra-  
gmatica; nam electiones restituit  
Capitulis Rege excluso: non se  
Pontifex electionibus immisceat:  
& denique in locum tot Cano-  
num, tot legum, tot sanctionum  
tot Conciliorum Rex solus unus-  
què succedat, eligatquè Episco-  
pos; sic tamen, ut hoc ipsum jus  
eligendi nullis Concordatis illi-  
getur,

getur, & contra omnium retrò  
 Regum exempla ex solius Prin-  
 cipis arbitrio pendeat. En tibi de  
 rebus Ecclesiasticis ( quarum præ-  
 cipua pars electio Episcoporum )  
 Talonij Ideam ! Quis rogo Eccle-  
 siæ Gallicanæ vices non meritò  
 defleat ? quæ loco sacrorum Ca-  
 nonum, loco Pontificis Summi,  
 ex arbitrio, somniisq; pendeat  
 Regij Advocati; hoc est, hominis  
 ad nutum aulæ faciem moresquè  
 mutantis, cui nulla legum Eccle-  
 siasticarum peritia ( nisi cum for-  
 tè ad Declamationes suas farcien-  
 das hinc inde aliquid raptimquè  
 convasavit ) nulla honoris, nulla  
 Conscientiæ, nullâ Edictorum Re-  
 giorum cura, sed sola & unica  
 adulandi, aulamq; demerendi li-  
 bido.

Me-

Meritò hæc Lectoria aliena, nec ad rem spectantia videantur, cum nihil pertineant ad jus Asyli à Gallicis Legatis expetiti; sed oportuit vestigia Talonij legere.

Jam videamus, quid de Jure Quarteriorum dicat.

Primò ingenti digressione in Bullam Cœnæ vociferatur: *Hæc novam, immensamq; Monarchiam Pontificibus stabiliri. Hæc Parliamenta jure causas Beneficiarias (quoad Possessorium) cognoscendi injustè privari, sicut etiam causas cum reales, tum personales Clericorum.*

Quæ de hac nova & universali Pontificum Monarchia Talonius exclamat, planè nova sunt, nec in Bulla fictæ hujus Monarchiæ ulla mentio reperitur. Quòd si nomine Monarchiæ statum &  
Hic-

Hierarchiam Ecclesiasticam Talonius intelligat, in qua Parlamentum prohibetur jurisdictionem in causas Ecclesiasticas usurpare, non video, quis meritò de Bulla Cænæ conqueri possit; si modò Judices illos sæculares excipias, quibus & antiqua ambitio in Clericos dominandi, & par cupiditas eorum litibus quæstum faciendi.

Cæterum ex modo, quo Talonius de Bulla Cænæ loquitur, omninò apparet, eam Bullam ne quidem lectam ab eo esse, sed tantum aliorum narratione acceptam.

*Primò* enim supponit Monarchiam aliquam universalem eâ Bulla stabiliri, cum tamen nullius Monarchiæ illic mentio fiat.

*Deinde*

*Deinde* supponit, censurarum, quæ in Bulla Cœnæ continentur, primum auctorem Julium II. fuisse: & tamen certum est, hujusmodi & ex similibus causis censuras multis jam prius annis Urbani V. Pauli II. & Sixti IV. Constitutionibus insertas fuisse. Postea secuti Julius II. & Paulus III. aliiquæ Pontifices, quos, licet nemo odij in Gallos accuset, constat tamen eodem modo, iisdemquæ solemnitatibus die Jovis sancti Bullam Cœnæ, & censuras illâ comprehensas publicasse. Nihil ergo apparet, quod in ea Bulla argui possit, nisi, ut dixi, illud Talonio intolerandum videatur, quòd Parlamentum Ecclesiasticis causis judicandis arceatur.

Tran-

Transit tandem post longas digressiones Talonius ad interdictum Ecclesiæ S. Ludvici: *Quod contra omnes regulas, formasque Canonicas esse contendit.*

Sufficeret ad hoc respondere, tam supremâ auctoritate Pontificem Romæ potiri, quàm Regem Parisijs; hoc solùm discrimine, quòd Pontifex Romæ utraqùe potestate, temporali videlicet & spiritali fungatur, Rex solâ temporali; quæ ergo Pontifex semel Romæ judicavit, ea non Parlamenti, non Talonij, non ullius mortalium, sed Dei solius examini & iudicio reservantur.

Cæterùm nulla causa Talonio irascendi ob neglectas Canonum regulas; nam illæ multò severius Romæ, quàm Parisijs, & in Galliis obser-

observantur; atque utinam cum  
Regiorum Ministrorum imperio  
Monasterium Charonense destru-  
ctum: cum Institutum Infantia  
Jesu abolitum: cum Urbanissae in-  
intrusae: cum Cisterciensis, Glu-  
niacensis, Trinitariorum Abba-  
tum electiones sublatae: cum Re-  
galiae, aliaeque Ecclesiasticae causae  
saecularium Judicium Tribunali-  
bus submissae; utinam, inquam,  
cum tam multa contra libertatem  
Ecclesiarum quotidie fiunt, aequè  
Galli Canonum, sacrarumque Regu-  
larum, ut Pontifices meminissent.

Cardinalis ergo Vicarius ideò  
Ecclesiam S. Ludovici interdicto  
supposuit, quòd Rector, totumque  
Ecclesiae illius Collegium ausum  
est Lavardinum quatumvis noto-  
riè excommunicatum ad Sacra-  
menta

menta

menta Ecclesiæ, communesq; pre-  
 ces recipere.    Constabat de Pon-  
 tificis Bulla jam Regi, jam mini-  
 stris, ipsiquè Lavardino, jam prius  
 notà quàm Parisiis discideret; nec  
 potest ignorantiam prætexere,  
 cùm quinque menses post vulga-  
 tam Bullam ideò armatus Romam  
 intraverit, ut Asylum quovis mo-  
 do tueretur, invitoquè Pontifice,  
 & in quamcunq; ~~faciem~~ se vertat  
 Lavardinus, nunquàm persuade-  
 bit se ignorasse, quæ tot signis ac  
 velut ex industria mundo patefe-  
 cit. Romam ingreditur bellato-  
 ris more, ac victori similis. Vecti-  
 galia ad portas solveere recusat.  
 Bellicis instrumentis & apparatu  
 se munit. Palatium Farnesium  
 gladiatoribus, aliisque classiaris  
 militibus implet: excubiæ, circi-  
 tores

pretores Palatium totâ noctè obam-  
bulant ; credas arcem aliquam ,  
castrumq; vi expugnatum custo-  
diri ; utquè tota Roma intelligat  
Lavardinum non Legatum , sed  
militem agere , vigiliæ certis ho-  
is distinctæ campano ære indi-  
cantur. Jam rogo , post tot argu-  
menta violatæ Pontificis Bullæ ,  
quis ampliùs dubitet Lavardinum  
non incidisse censuras Pontificio  
diplomate inflictas ? & si hæc tam  
nota & vulgata sunt , ut abscon-  
di non possint , nullaq; tergiver-  
satione purgari ; quis neget Cle-  
mentium , Rectoremq; Ecclesiæ S. Lu-  
civici , qui Lavardinum ad sacra  
admiserant , censuras meruisse ?

*At Lavardinus denunciatus nec-*  
*um fuerat.*

M

AI

At Talonium Concordati, & Pragmaticæ reminisci oportuit, ubi expressis verbis notatur: *Cum quis in rebus sacris, ac participatione Sacramentorum cum notoriè excommunicatis communicaverit, posse interdicto, aut etiam excommunicatione puniri, quamvis nulla denuntiatio præcesserit.* Notorium erat incurrisse Lavardinum Excommunicationem: notorium contra Pontificis voluntatem & edictum jus Asyli usurpasse, idquè palam, obstinatequè: neque hoc à Re-ctore, Collegioq; Ecclesiæ S. Ludovici ignorari poterat, quid ergo obstat, ut non potuerint, ruerintq; interdicto ligari: refugiat Talonius ad locos communes scholarium more, qui thoricam discunt; exclametq; *damna*

ti, & damna ex Interdictis nata; nec  
tuit, enim de Regnorum, aut Provin-  
; Cum ciarum Interdictis hîc agitur, quæ  
ipatio olim adeò frequentia; sed de in-  
iè ex terdicto, unius Parochialis Eccle-  
it, posse siæ, ac Romano Pontifici ( quippe  
unice- in Romana urbe ) planè subjectæ;  
denun- & quam Interdicto supponi me-  
erato ruit culpa & inobedientia illius  
xcom- Collegij. Frustra igitur cavillatur  
contra Talonius, nec quicquam reperiet,  
dicta- quod huic interdicto, sive for-  
palam, mam, sive substantiam spectet, so-  
à Re- lidè opponat.

S. Lu- *At Legatus, aliusvè Regis Mini-*  
nid ex- *ster nec peccat, nec excommunicatio-*  
t, me- *nem meretur, quoties officio suo fun-*  
a: ne- *gitur, & Principis mandata exequi-*  
com- *tur.*

ui Re- *Quæro, quam Talonius Reli-*  
etq; in- *gionem profiteatur, & an Evan-*  
damna *gelio*

gelio credat? nam si credit, negari  
 utique non potest, illis Evangelij  
 verbis: *Quaecunque ligaveris super*  
*terram, erunt ligata & in caelis,* da-  
 tam esse Pontifici plenam, nullaq;  
 exceptione limitatam potestatem  
 ligandi, solvendiq; si ergo Prin-  
 cipum Legati, Regi; Ministri  
 Christiani sunt, si clavibus Eccle-  
 siae perinde ac reliqui fidelium  
 subjecti; si Evangelium eos non  
 excipit; si peccare possunt, etiam  
 cum Principum suorum mandata  
 exequuntur; quâ ergo ratione  
 sustineri potest, eos puniri ab Ec-  
 clesia, & excommunicari non  
 posse? Ergo ex Lavardini & Talonij  
 Theologia poterit aliquis ex  
 Principis sui jussu in Ecclesia Prae-  
 latum manus injicere, eumq; vitam  
 privare, poterit patrimonium ac  
 bona

egari bona Ecclesiæ, ac etiam Jurisdi-  
ctionem supremam (quæ omnia  
alia pretio superat) invadere; &  
tamen quia Principis imperio  
fecit, censuras effugere à sacris  
Canonibus latis; at hæc tam ab-  
surda sunt, ut hæctenus nunquam  
lecta fuerint, nunquam audita.  
Imò si usum Ecclesiæ, si Canones  
ipsamquæ Gallix historiam evol-  
vas, quàmplurima occurrent  
Regum exempla, qui sacrorum  
Communionem prohibiti sunt: si  
ergo Reges excommunicari pos-  
sunt, quantò magis Regum Le-  
gati? Tempus me deficiat, si o-  
mnium Græcorum, Germano-  
rumquæ Imperatorum, si Angliæ,  
si Gallix Regum exempla percur-  
ram. Clotharij quoquæ, Philippi  
Augusti, utriusquæ Henrici III. & IV.

notiora sunt, quàm ut negari ab aliquo, aut in alium sensum explicari possint. Etiam qui in Sedem Apostolicam iniquissimi sunt, fateri coguntur, sub initium octavi sæculi Leonem Ionomachum à Gregorio II. excommunicatum esse; eaque occasione Exarchatum Ravennatem in Italia perdidisse. Sic quoque, qui maxime se Gallos profitentur, negare haud possunt, Clotharium, Philippum I. & Philippum Augustum Gallia Reges à Pontifice Romano excommunicatos, coactosque esse, ejectis concubinis, legitimas conjuges thalamo restituere. Nicolaus I. Lotharium, quòd repudiata Teutbergâ legitimâ Conjuga Waldradam concubinam duxisset: Urbanus II. Philippum

in

ri ab in synodo Claremontana : & de-  
n ex- nique Innocentius III. Philip-  
n Se- pum Augustum, & hunc quidem  
sunt, tantâ severitate, ut nullus cum eo  
octa- societatem jungere, nemo publi-  
hum cis edictis ejus nomen, aut Re-  
atum gnum subscribere auderet, sed  
cha- Diplomata hâc formulâ claude-  
erdi- rentur: *Regnante Christo.* Plura,  
ximè qui volet, legat solùm historias  
egare Maimburgi (tanti Pontificum ac-  
Phi- cusatoris) illic longo numero ex-  
stum empla Henrici IV. Henrici V. Fri-  
oma- derici I. Philippi I. Othonis IV.  
tosq; Friderici II. Conradi I. Imperato-  
imas rum reperiet, ac multa etiam An-  
tere. gliæ Regum, qui sacris exclusi de-  
d re- dignati non sunt, aut Pontificis,  
Con- aut hujus Legatorum genibus ad-  
inam volvi, veniamquè precari. Et quid  
pum Pontifices loquor? Ipse Fulco  
in M 4 Archi-

Archiepiscopus Rhemensis anathema minatus est Carolo simplici Galliarum Regi, si foedus iniret cum Nortmannis Gente Barbarâ & Idolis addicta. Verba Fulconis ad Regem scribentis hæc sunt: *Sciatis, quòd si hoc feceritis, & consiliis nostris non acquieveritis; nunquam me fidelem habebitis, sed & quoscunquè potuero, à vestra fidelitate revocabo, & omnes vestros excommunicans perpetuo anathemate damnabo.* Et libro 6. Capitularium (quæ ipsi Reges approbârunt) capite 249. Hæc verba leguntur: *Hujus Constitutionis forma servetur, & velut prevaricator Catholice fidei execrandum anathema fiat, & à Domino reus existat, quicunquè Regum deinceps Canonis*  
hujus

*hujus Censuram in quocunque crediderit esse violandam.*

Constat ergo ipsos Reges hanc in Pontifice potestatem agnovisse, ac veneratos esse. Pœnituit, peccasse, veniam aut ipsi, aut per Legatos deprecati sunt: pœnas denique, & delicto, & scandalo impositas læti velut remedia acceptarunt. Quòd si Talonium consulissent, quid aliud responderet, quàm Censuras esse ignes fatuos Vaticanæ, qui in fumum resolvantur, nequè alij, quàm auctori, nocere: carceribus, proscriptionibus, exiliisq; cogendos Sacerdotes Ecclesias pandere, & Sacramenta petentibus dare: Pontificem calumniis onerandum esse nullo falsi, aut veri discrimine, modo ut noceant. Deniq; quoties Pontificum sententia displiceant,

ab ijs tanquam ab abusu ad Parliamentum, ad Concilia, seu futura, seu non futura, provocandum esse. Hæc inquam, fuissent Talonij scelerrata consilia. Sed nihil istorum magni illi Monarchæ, quippe alia Principibus, alia Advocatis Conscientia. Agnoscebant se instar aliorum mortalium errare posse, & ideò non minùs moneri corrigiq; se patiebantur; neq; in eo Majestatem ponebant, ut Ecclesiam contemnerent, ejusquè auctoritatem pessumdarent indignis cavillationibus; sed in eo potius, ut ejus se legibus submitterent, ut suo exemplo docerent, quàm oporteat Ecclesiæ censuras timere; & deniq; ut omnibus reverentiam Ecclesiæ, ejusq; Capiti, Romano videlicet Pontifici debitam inspirarent.

Verum

Verum quidem est, nonnullos  
Galliæ Episcopos, plusquàm dece-  
bat, auctoritatis suæ anxios, tena-  
cesquè, sibi pro prima instantia au-  
toritatem arrogâsse Reges ex-  
comunicandi; unde in illa verba  
contra Gregorium I V. prorupête:

*Si veniret Regem excommunicatu-  
rus, ipse Excommunicatus discederet.*

Hæc Talonius exaggerat, aptatq;  
suæ causæ, quæ tamen, si aliquis  
huic Togato pudor, æternâ obli-  
vione delenda, & ex Galliæ annali-  
bus planè oblitteranda fuerant.

(a) Qui enim Episcopi Galliæ, ut  
audeant in Pontificem Romanum.

M 6

Chri-

(a) Ipse Aimoinus, qui hæc verba Epi-  
scoporum recenset: *Presumptuo-  
sos & audaces* vocat. *Aimoinus  
lib. 5. cap. 14.*

Christique Vicarium sententias,  
pœnas imò anathemata dictare?  
num Pontifex non solùm Concilio  
Oecumenico, verùm etiam tumultu-  
uario Episcoporum manipulo sub-  
jectus; Hæc tam absurda, tamq̃  
indigna, ut pigeat refutare.

Illud ergo verum est, constat-  
que ex Galliæ historiis, Capitu-  
laribus, Conciliisque, olim Epi-  
scopos sibi, ut dixeram, auctori-  
tatem adscripsisse Reges excom-  
municandi; cùm verò hæc pote-  
state aut factionibus, aut etiam  
Civilibus bellis abuterentur; sæ-  
pè Pontifices rogati, ut soli id  
facerent. Quòd si Talonio otium  
fuisset Clementis VI. aliorumq̃  
Pontificum Diplomata evolvere,  
ac etiam instructionem Caroli IX.  
ad

ad Paulum IV. pro Regina Navarræ, supplicesquè libellos d' Angenes, Perronij, & Ofsati Cardinalium pro Henricis III. & IV. Regibus Gallix; id solum sufficeret, ut Talonius continuò fateri cogeretur, agnovisse Reges, se posse à Pontifice Romano excommunicari; & postquàm excommunicati sunt, absolvi postulasse: ac insuper, ut hâc potestate soli Pontifices, non Episcopi, uterentur, enixè rogâsse. Juris etiam Consulti, Advocatiq; prioris sæculi, quamvis hæreticorum opinionibus imbuti, quæ tunc Galliam impleverant; quamvis negârint, posse primo occupanti Regna exponi, aut interdicto subjici (de quo nulla modò concertatio) semper

M 7

tamen

tamen facti sunt, posse Principes  
 excommunicari, idq; Theodosij,  
 Leonis, Fridericorum, Regumq;  
 Galliaë exemplis comprobârunt.  
 Hoc ergo tam notum certumque  
 est, ut inficiari nemo possit, nisi qui  
 velit Ecclesiam auctoritate suâ pri-  
 vare, illâ, inquam, auctoritate, quæ  
 supra Petram, imò supra Christum,  
 ejusq; Verbum immutabile fun-  
 data, non locis, non temporibus,  
 non hominum arbitrio moveri  
 potest, evertiquè.

Fixum ergo ratumq; sit, posse  
 Reges, posse Regios Ministros  
 Censuris percelli, etiam cum Prin-  
 cipis mandata exequuntur; siqui-  
 dem ea ipsa executio cum aliquo  
 delictorum conjuncta sit, quæ  
 Censuras merentur, ut nuper cum  
 Lavardino contigit.

Quæ

Quæ Talonius narrat de ijs, quæ Neapoli & in Sicilia contigerunt, indigna sunt refutatione, quippe palam & indubiè falsa.

Constat enim nonnullos ex Confiliariis statûs, Regiisq; Ministris à Nuntio Apostolico excommunicatione percussos sacris abstinuisse, utque Natalitia festa obire possent, prius veniam postulâsse, atq; etiam obtinuisse, cum clausula tamen de *Reincidentia*, nisi à Nuntio imperatis obtemperarent. In Sicilia quoque cum ob violatam Ecclesiasticam immunitatem, & Vice-Regem, & alios Regis Ministros Panormitanus Archiepiscopus anathemate percussisset, non prius absoluti sunt, quàm Archiepiscopum adirent, publiceq; ac solito ritu veniam poscerent.

Ea

Ea quoq; prætereo, quæ de Ignorantia Bullæ, deq; ejus publicatione, nunquam in Galliis facta, ab aliquibus recitantur, & ipse quoq; Taloni<sup>9</sup> ea tantum cursim obiterq; perstrinxit. Nam ut eo Pontificis Diplomate ij saltem, qui Romæ morabantur, obligarentur, sufficit illud Romæ promulgatum esse, Romæq; dependisse. Nolo hic quærere, Legatus fuerit, aut non fuerit Lavardinus; quamvis enim multis rationibus evincere possim, non fuisse pro Legato habitum, cum videlicet non sufficiat aliquem pro Legato mitti, nisi etiam à Principe, ad quem mittitur, pro Legato admittatur: & quoties ipsius Pontificis Nuntij, cum ad Galliæ limites pervenissent, jussi sunt redire, nec unquam admissi,

non

non aliâ ratione, quàm quòd Regi  
non placerent? Sed sive Legatus  
sit, sive non sit Lavardinus, sufficit  
jam dicere, non ignorâsse illum,  
imò nec ignorare potuisse, sub pœ-  
na excommunicationis ipso facto  
incurrendæ à Pontifice vetitum  
esse, ne quis Jus Franchitiarum,  
Quarteriorum, & Asyli præten-  
dere, multoq; minùs usurpare au-  
deret. Scivit hoc Lavardinus;  
usurpavit tamen, nec monitus ces-  
savit; non celari delictum poterat,  
non ullo privilegio purgari; me-  
ruit ergo Censuras, incurritquè; &  
quòd postea, non petitâ, nec impe-  
tratâ veniâ, Parochialem S. Ludo-  
vici Ecclesiam intraverit, adieritq;  
Sacramenta; contemptus & inju-  
ria fuit, Pontificis Ecclesiæq; au-  
toritatem cum fastu calcantis.

Post-

Postquàm Talonius nullo fundamento dixit, à Pontifice non posse Legatos excommunicari, adjungit, multò minùs potuisse ob jus Asyli & Franchitiarum: *Has enim esse jus merè temporale, sicq; excommunicationi non subjacere, tan- toquè magis, quòd illud immemoriali prescriptione in Regem transferit.*

Sed primò quærimus ex Talonio, quis Parlamento hanc potestatem tribuerit, inter Pontificem Regemquè causam Romanæ urbis, deque jure Franchitiarum judicandi? num ergo & Pontifex, & Roma, & utriusquè causæ ad parlamenti, Regisque tribunal pertinent, ut ab isto delegari, ab illo (cui tantùm causæ privatorum submittuntur) decidi, finiri- què debeant?

Deinde

Deinde, ut rem ex suis principiis examinemus, videndum est, quænam tandem sint illa jura, quæ in Romanam urbem sibi vendicant Legati, quæq; eorum rationes; nam si Talonio credimus, potest Rex Galliarum in Romanam urbem supremam sibi auctoritatem asserere; potest Pontificem throno movere. En nova Talonij jura, quæ nec Pithæo, nec aliis (Regiorum in diversos Principatus jurium Collectoribus) in mentem venere; nam quod hæc auctoritate in Romanam urbem Rex interim abstineat, gratiæ Talonius & indulgentiæ adscribit, sic tamen, ut quando Regi placuerit, commodumq; fuerit, uti possit hoc jure, Romæq; dominari. Potest Rex, *inquit*, totâ Româ potiri,  
nunc

nunc aliquâ tantûm ejus parte  
contentus est, quam Legatis suis  
cedit, & Quarterium vocant; nam  
ædes ipsas, Palatiumquè Farnesi-  
um quod attinet, in quo Legati  
morantur; nec Legatorum, nec  
Regis est, sed Ducis Parmensis. In  
hoc ergo Quarterio, seu in hac ur-  
bis Regione (præter lucrum, quod  
ex illis, qui huc confugiunt, Lega-  
torum familiæ accedit) contendit  
Talonius, posse omnibus proscri-  
ptis, sicariis, veneficis, Latronibus,  
Atheis, sacrilegis, Adulteris, Me-  
rettricibus, omnibusq; criminosis  
stationem & Asylum patere: huc  
Justitiæ Ministris accessum non  
esse: neminem hîc capi posse: nec  
ullum esse tam reum, quem, si huc  
confugerit, teneatur Legatus pe-  
tenti Magistratui restituere, imò  
qui-

quicumque & cujuscunque Magi-  
stratus Pontificij imperio hoc sa-  
crarium intraverit, vinciendis  
reis, posse à Legati Ministris per-  
cuti, occidique. Hoc ergo esse  
grande illud Gallici Regis privile-  
gium, quod non deleri, non alie-  
nari possit, & deniq; cujus gratiâ  
Parlamentum humillimè Regi  
supplicat, ne illud violari quovis  
modo patiatur.

Subit planè animum admira-  
tio, tantos, tantaquè scientiâ  
præditos Senatores, quantâ illi  
gloriantur, qui Parisiense Parla-  
mentum componunt, non erube-  
scere causam tam frivolam, tam  
novam, tam injustam, & omni-  
bus legibus Divinis humanisque  
contrariam sub oculis totius Eu-  
ropæ sustinere, suamq; illi aucto-  
ritatem

ritatem præstare: & saltem moderari decebat, & aliquâ exceptione coërcere; si enim Rex auctoritatem aliquam, & jus præventionis Reos puniendi in certo aliquo, exemptoq; urbis territorio sibi assumeret, novum quidem id esset, nullaq; ratione subnixum; ferri tamen utcunq; posset; quippe & delicta in aliquo tandem territorio punirentur, & totâ Româ publicæ quieti provisum esset. Sed nihil horum Regis Legatus. Imò quantacunq; sit hujus prætensi juris, aut privilegij injustitia, non desunt Regi nec in aula, nec in Parlamento, nec in ipso Conscientiæ foro Adulatores, qui, ut illud tueantur, Regiq; persuadeant, Caroli Magni, aliorumq; Galliarum Regum & liberalitatem, dum Romanæ

manæ urbis dominium concessere, & modestiam extollunt, cum tam modicâ urbis parte, quâ videlicet Quarterium extenditur, contenti sunt.

Sed Talonius nec Caroli Magni, nec aliorum donationes, nec alios titulos moratus, vult quorumcunque criminum reos, ut primùm Legati Quarterium (quo magnus ædium & platearum numerus continetur) attigerint, continuò exemptos fieri, crimen extinguere, accusationes cessare, eodemq; momento, non examinatâ, non iudicatâ, non remissâ causâ omnium scelerum absolvi.

Quòd si alij Principum Legati eâdem ratione, quâ Lavardinus, Romam invehantur triumphantium more, Palatia & Quarteria sua militaribus stationibus

nibus

nibus impleant, armisq; ut nuper Lavardinus jus Asyli invadant; & deinde Latronum aliquis aut domesticum expilet Lavardini, aut alium quem occidat ex ejus domesticis, quanti ab illo strepitus, quantique clamores? *Asyla corruptelas esse, quæ ferri non possint: provocare omne genus flagitia; obstare naturali, Gentiumq; juri; extirpanda igitur & excindenda esse, nec minori severitate è medio tollenda, quàm in Gallia Regno jura quadam Dominativa sublata sint, quamvis longissimo antiquissimo usu jam dudum inolitata.*

Quod si à Talonio quæras, quæ tandem sit ratio, ob quam tantâ contentione, grande hoc privilegium Regi suo asserat? cum nullam, neque in publicis, neque in privatis documentis reperiat, cogitur

pergitur totam fiduciam suam in possessione duorum Galliae Legatorum collocare, Pisanaque Conventione, quamvis nihil tale, imò contrarium hæc dicat. Sed singula videamus.

Quæro igitur ex Falonio, fateatur, an neget supremam Romanæ urbis Jurisdictionem ad Pontificem pertinere? Non credo equidem negaturum, cum facile ex historica narratione convinci possit, ostendiquè, multis antè sæculis Pontifices Romano Principatu potitos esse, quàm Stirps, ex qua moderni Reges prodiere, thronum conscenderet. Si ergo suprema & Regia Romanæ urbis potestas semper Pontificum fuit, adeò ut nec Cæsaris, nec alterius Principis dominatum agnoscat,

N

meritò

meritò ostendere Talonius debet, quî ergo in ipsa urbe Dominatrice, ac Ecclesiastici statûs Metropoli Rex Gallix sibi hanc Jurisdictionem vindicare possit? Certum enim est, atque apud ipsos Gallix Jurisprudentes receptissimum, Juribus supremæ Jurisdictionis ne centenariâ, imò ne plurium quidem sæculorum possessione præscribi posse. Adiditq; Lebretus Advocatus Generalis in suo *de Jure supremitatis* Tractatu, omnium jurium, quibus Principes potiuntur, præcipuum, maximeq; necessarium esse, jus vitæ & mortis, puniendiq; delicta. Si ergo Pontifex supremam in toto Ecclesiastico statu, ac præcipue Romana urbe, potestatem exercet: si hanc ipsam omnes in Pontifice

tifice Reges agnoscunt, & ideò illius Legato primas concedunt: si hæc potestas præscribi non potest: sequitur ergo, non posse Pontificem hæc potestate privari, nec ullam præscriptionem validam esse.

Quòd si Talonius negat, Regum Gallix jura præscribi, aut alienari posse; cur non æquè Pontificum jura? nisi fortè Talonius aliâ lance Gallix jura, aliâ Pontificis expendi velit. At supremæ Jurisdictionis eadem conditio est, in quocunq; sive in Rege, sive in Pontifice reperiatur. Gaudeat Lavarandinus, omnesq; Gallix Legati hoc Jure immunitatis, si modò eandem immunitatem Pontificis Legato Parisiis concedant. Quòd si Parisiis negant, quâ rogo conscientia

N 2

hanc

hanc Romæ petunt? sunt enim reciproca jura Legatorum, proveniuntq; ex Gentium jure, quod idem ubiq; est, sicq; immunitas à Gallicis optata aut omnibus Legatorum, aut nullis debetur. Legat tantum Talonius Grotij libros de jure belli & pacis, videbitq; longè alia esse, quæ de Legatis, eorumq; immunitatibus Jus Gentium disposuit; quàm ipse effinxit, ut posset iniquissima Lavardini postulata quovis modo sustinere.

Cùm ergo Pontifex in urbem Romanam supremâ jurisdictione gaudeat, & à nullo Principum dependente; cumq; hæc ipsa suprema jurisdictio præscribi nunquam possit, & hæc ipsius jurisdictionis præcipua pars sit, jus reos puniendi; manifestè sequitur, ne hoc quidem

dem jus posse præscribi : adeò ut prius Jurisdictio adimi Pontifici debeat, quàm potestas criminosos puniendi, capiendiq; , ubicunque locorum (intra tamen Pontificis ditionem) reperiantur, ac etiam in ijs urbis Regionibus, quæ Quarteria appellantur; nec posse à Principum Legatis Ministros Justitiæ impediri, multoq; minùs puniri, maleq; haberi.

Deinde, ut Talonij rationes propiùs examinemus. Quæro an hoc Asyli & Quarterij privilegium velit Talonius annexum esse, insertumq; officio Legati, sicq; omnibus Legatis deberi, an verò soli Gallia Legato? in omnium Principum aulis locum habere, an in sola Romana? & quia Pontifex Princeps Ecclesiasticus est,

& nec voluntatem, nec vires habet, quibus torrentem sustineat Gallicæ Potentiæ; quæro inquam, an ideò præ aliis Principibus hæc fervitute gravari debeat? Rursus explicari à Talonio velim, quo tandem titulo hanc Legatorum immunitatem fulciri velit? Privilegij? feudi? belli? Conventionis? Concordati? an verò possessionis viginti ferè annis à Legatis usurpatae? Volui tot titulos consultò numerare, quia in nupera Declamatione nullum Talonius distinctè expresit.

Si ergo hæc Asyli immunitas officium Legati comitatur, sequitur deberi omnibus Legatis, & in omnium principum aulis, quod nunquam Gallia concedet. Si soli Gallia Legato debetur, quæro quo titulo

titulo huic potiùs, quàm aliis Principum Legatis ? nullum enim Talonius producit, non Conventionis, non Concordati, non Donationis, non denique Belli; nunquam enim Galliæ Rex Romam expugnavit, reddiditque Pontifici hâc conditione, ut Asylum pateretur.

Nec mihi Pifanam Conventionem objicias; illam enim vix cursum, timidequè Talonius attingit; quippe indignam judicat, quæ huic causæ suffragari possit. Illa enim non de Jure Asylorum, ac Latronum, proscriptorumque patrocinio agit, sed de Legatorum, & qui illis famulantur, securitate; deque observantia Legatis debita, quam Corsi milites violaverant. Imò quamvis Galliæ Legatus eâ

occasione usus saltem arcam Far-  
nesio palatio addictam peteret,  
quæ Asylo donaretur, nunquam  
Alexander Pontifex id concedere  
voluit.

Cogitur ergo Talonius totam  
deniq; demonstrationis suæ sum-  
mam ad possessionem trium Le-  
gatorum referre, quos dicit hâc  
immunitate gavisos esse. Sed ex  
hisce tribus duos Talonio non ad-  
mitto; Tertius, qui hoc jus palàm  
usurpavit, est Dux Estreus. Con-  
stat gubernante Ecclesiam Cle-  
mente Decimo, tam hujus, quàm  
præsertim odio primi ejus Ministri  
conspirâsse Principum Legatos,  
propriaq; auctoritate hoc jus Asyli  
& Quarteriorum occupâsse. Jam  
quæro ex Talonio, an credat se  
mundo persuasurum, violentam  
usur-

usurpatamq; possessionem, & tot  
Pontificum diplomatibus adver-  
sam, ac toties damnatam sufficere  
extinguendis Principum juribus,  
inducendæq; præscriptioni? &  
ideò spoliari suâ jurisdictione Pon-  
tifices, quia iniquitas temporum,  
metusq; pejorum coëgit illos ali-  
quamdiu connivere? Et si ita est,  
cur ergo Ludovicus XIV. Gallix  
Rex tot abolita & antiquata jura  
in integrum restituit, sibiq; asse-  
ruit, de quibus nullus Gallix Re-  
gum hætenus cogitaverat?

Nulla ergo præscriptio obten-  
di potest; sed nequè modus ac-  
cusari, quo Innocentius hoc ma-  
lum extinguere aggressus est.

Quamvis enim jam in ipso limine  
sui Pontificatûs agnosceret, nul-  
lum Romæ aut graviolem abusum

N 5

vige-

vigere, aut remedio digniorem; non ideò tamen illi è medio tollendo inconsultè, abruptimq; accinctus est, sed lentè placidequè; jam Rege per Nuntios tentato, jam Legatorum discessu, jam morte expectatâ; nec priùs visi satellites circa palatium Farnesium, quàm extincto Estreo Legato, conditoquè; adeò ut etiam cadaveri reverentia haberetur. Hoc est Gallix hostem profiteri? hoc, ut causatur Talonius, Regem ex industria irritare? imò hoc ad justitiam, publicamq; quietem pertinet, nec aliud vulgatâ Bullâ, sublataq; flagitiis securitate ac impunitatis spe (quam Quarteria provocabant non minimam urbis partem complexa) sibi Innocentius proposuit. Imò ne quidem ad vul-

vulgandam Bullam processit, nisi prius per Nuntios & repetitis vicibus monito, rogatoquè Rege, dignaretur Legatis, quos Romam destinabat, imperare, ut hâc immunitate & Asylo abstinerent.

En tibi Innocentij Pontificis delicta & culpas, ob quas dignum eum censuit Talonius, quem pro Gallorum hoste, Hæreticorum verò præsertim Jansenistarum & Quietistarum Protectore traduceret. Cui unquam in mentem venisset, eo ipso tempore, quo Galliæ Rex tantum Catholicæ Religionis Zelum ostentat, tantumquè ardorem omnes, quotquot in Galliis hæresin profitentur, ad Ecclesiæ sinum revocandi; reperiri tamen ex Regiis Ministris, qui famosis libellis & calumniis longè indignissi-

gnissimis famam Romani Pontificis, Sedisq; Apostolicæ inquinare audeant?

Evenit ergo aliquid etiam hoc tempore, quod nulla deinceps posteritas credet. Ministros videlicet illius Regis, cujus auctoritate Justitiam totâ Galliâ florentem videmus; velle tamen, imò extorquere à Romano Pontifice, ut asylum, tutamque stationem omnibus flagitiis, in quæ ædibus Legatorum Romæ aperiat: & Pontifice tam injustis conatibus adversante, continuo & Romæ Lavardinum comparere armatum, pugnacemq; & Talonium Parisiis tot faces, quot calumnias, vibrantem in eum, Pontificem, quo vix alium ex ijs, qui Ecclesiam gubernârunt, pietate

tate & sapientiâ superiorem invenias: in eum, inquam, Pontificem, cui non alia cura, quàm DEI, Ecclesiæque sibi commissæ; cui nulla cumulandi Thesauros, augendæq; familiæ cupiditas, qui se totum, suasq; curas & vigilias in id solùm impendit, ut nomen Christianum longè lateq; extendat, deleatq; infidelium potentiam. Qui denique virtutibus suis meruit, ut cum eo Rex Christianissimus vires & amicitiam jungat, exemploquè aliorum Galliarum Regum pietatis & gloriæ suæ partes ducat, studia Romani Pontificis promovere, Sedisq; Apostolicæ dignitatem auctoritate suâ fulcire.

Et verò, si Galli reverentiam observassent, & Principi, & Pon-

tifici debitam, sufficere Innocentio poterat sub pœna læsæ Majestatis Asyla & Quarteria prohibere; nunc verò postquam alia rerum facies; quid aliud Pontifex potuit, quàm ut tollendo abufui tam infami, plenoq; periculis totam explicaret Ecclesiæ severitatem? & tamen ne hanc quidem sufficere, imò à Regiis Ministris Calvinistarum more contemni, experientia nimiùm docuit. Quid ergo sufficiet, quando nec Religio suffecit ijs coërcendis, qui tam impia consilia, tamq; scandalis plena Regi suggessêre?

Restat ut alia percurramus à Talonio objecta: *Non potest, inquit, Pontifex esse judex in sua causa.*

Ergo, nec Rex, nec Parlamentum; quòd si nihil hoc aut Regem,

gem, aut Parlamentum impedit, ut non possint leges & dicta vulgare, quibus jura cum utilia, tum honoraria sua tueantur, cur impediant Pontificem? Potuit ergo Pontifex tanquam Princeps supremus Romanæ urbis edictum Bullamq; conscribere, quâ publicæ quieti, justitiæq; provideret; cumque & Bulla, & Bullæ executio in sola Pontificis ditione locum haberet; non opus fuit, illam aut in Gallia promulgari, aut Lavardino insinuari; nam neq; Galliæ Rex Leges suas aut Legatis aut exteris, qui in Gallia morantur, promulgari facit, & tamen omnes volentes invitosque constringunt nemine conquerente, Regem non posse in causa propria judicem esse.

Illud

Illud verum est, velle Gallos,  
 conariquè, ut Pontificem ex prin-  
 cipe supremo Feudatarium & Va-  
 fallum Regibus faciant. At fieri  
 hoc non potest, cùm potestas Pon-  
 tificis, sive spiritualis, sive tempora-  
 lis, à nullo Principum dependeat,  
 nullique subjecta sit. Quòd si tanta  
 Regibus cura, in juribus suis con-  
 servandis etiam malè quæsitis; non  
 minor esse debet Romano pontifici  
 in conservanda spirituali & tem-  
 porali sua, & à Deo accepta digni-  
 tate; nam quòd hætenùs Pontifex  
 temporalibus armis abstinuit; non  
 ideò aliis, multoq; potentioribus,  
 pepercit, orationibus videlicet, la-  
 crymisquè; hæc tot calumniis, in-  
 sultibus, injuriisque opposuit; &  
 forsan majori effectù, quàm Ad-  
 versarij opinentur, DEO Sancto-  
 rum

rum, ac præsertim sui Vicarij, injurias plerumque vindicante, Verbo: *Timeat orationem, qui non timuit exhortationem.*

Tandem objicit Talonius: *Non posse ob jura, causasq; mere temporales quemquam excommunicari?*

Respondeo, aliud esse res temporales, aliud crimina, quæ rerum temporalium intuitu committuntur, quid magis temporale, quàm ipsa pecunia? & tamen quis nescit, tam universalibus Ecclesiæ, quam particularibus Galliæ Canonibus fures expilatoresque Templo- rum sacrilegij damnari, ac etiam excommunicatione puniri? & quid in Gallia frequentius, quàm ut ex præscripto novi Codicis cogantur Ecclesiæ Ministri in causis merè temporalibus prius

prius

prius monitoriis, deinde censuris & excommunicationibus in Contumaces agere? Demus ergo causam Asyli & Quarteriorum esse merè temporalem: at crimen sacrilegij, quo se obstringunt, quicunq; jus illud usurpant, prohiberi, puniriq; excommunicationibus potuit.

Cæterùm res ipsa & veritas est, bonorum, juriumq; Ecclesiasticorum usurpationem, unum ex atrocioribus delictis, & sacrilegium esse, mereriq; excommunicationem. Sic antiqua Gallix Concilia, quæ solâ Regum auctoritate coacta esse Talonius contendit; sic Caroli Magni, Carolique Calvi Capitularia loquuntur; quibus omnes, quicunq; decimas, Jura, feuda, terras, proventus & Jurisdictionem

nem

nem Ecclesiarum invaserint, aut  
aliàs usurpaverint, anathemate pu-  
niuntur.

En tibi Gallix Regum senten-  
tiam, quâ res & Jura Ecclesiæ inter  
res sacras reponuntur, eorumquè  
usurpatio pro sacrilegio habetur  
excommunicatione digno. Quòd  
si feuda & alia Ecclesiæ Dominia  
ad Episcopos aut Abbates perti-  
nentia rebus sacris adscribuntur,  
quantò magis suprema Jurisdictio  
Ecclesiæ Romanæ Christiquè Vi-  
cario debita? quantòque grandius  
sacrilegium, si ista rapere aggredi-  
aris? non ergo ut sibi falsò Talonius  
persuadet, quæstio Asyli & Quar-  
teriorum ad causas pertinet merè  
politicas, prophanasquè, sed ad  
causas maximè sacras. Quocun-  
que enim modo suprema Romanæ  
urbis

urbis Jurisdictio ad Pontifices devenit, constat multis jam sæculis fuisse ab illis possessam; constat quoque eodem momento, quo ad Ecclesiam pervenit, Deoque consecrata fuit, mutasse naturam, & de profana in sacramentalis evasisse, sicque ex sacrorum Canonum Galliaequè Conciliorum sententia, quicumque sibi illam usurpaverint, anathemate dignos esse.

Quamvis ergo & suprema Romæ, totiusque Ecclesiastici status Jurisdictio, & ingentes Principatus, quibus gaudent Romani Pontifices, à Carolo Magno, aliisque Gallia Regibus provenisse concederemus (id tamen multi in Gallia Auctores non admittunt) negari non potest, ab eo statim

mo-

momento, quo absolutè, nulloq; reservato jure feudi, aut superioritatis Ecclesiæ, Christiquè Vicario donata sunt, non posse à quoquam violari, adimiquè Romano Pontifici, qui illam tot jam sæculis possedit. Alioquin & sacrilegus erit, quicumquè in res DEO dicatas manus injecerit, & reus anathematis, omniumque pœnarum, quas hujusmodi usurpatoribus infligunt Galliæ Concilia, quasque in ultimo Diplomate Innocentius repetiit; nec enim novi aliquid decrevit, sed antiquos tantùm Canones revocavit.

Et planè si injustitiam consideres, & ingentia mala, quæ ex Assyris, & jure Quarteriorum proveniunt, indignum profectò Pontificiâ


ficiâ


ficiâ Dignitate Innocentium di-  
xeris, sacræquè Sedis desertorem,  
si turpissimo metu fractus, jura suæ  
Ecclesiæ, quæq; in depositum ac-  
cepit, Principum cupiditati expo-  
neret; neq; tam grandi abusui  
delendo totâ auctoritate  
suâ labora-  
ret.


*FINIS.*






















Th  
4807